

This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books

<https://books.google.com>




This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books

<https://books.google.com>





~~155. Lid. Soc. Jofu~~



~~Dif. H. Antypn. pag. 93.~~

~~L10 J. O. Germ.~~

Brandt

~~18th~~

Rar. 1726




.Sainctes Jahr Angere.

Doctor Brants Narrenschiff Nüt on ursach.



Folio.

Vor habichs narrenschiff gedichte
Mit grosser arbeit vffgericht
Vnd das mit thoren also geladen
Das man sie nit dürft anders baden
Ein yeder hat sich selbs geriben
Aber es ist dar by nit bliben
Vil mancher hat nach sym beduncken
Nach dem villicht er hat getruncken
Nüw rymen wollen daran hencken
Die selben solten wol geduncken
Das sie vor sassen in dem schiff
Dar in ich sie vnd ander triff
Hatten ir arbeit wol erspart
Diß schiff mit altem segel fart
Vnd thut glych wie das erst vß fliegen
Laßt sich mit schlechtem windt beniegen
War ist / ich wolt es hon gemert
Aber myn arbeit ist verkert
Vnd ander rymen dryn gemist
Denen kunst / art / vnd maß gebrist
Dryn rymen sindt vil abgeschnitten
Den sin verlürt man in der mitten
Jeder rym hat sich müssen schmucken
Nach dem man im hat wollen trucken
Vnd sich die form geschickt hat
Darumb manch rym so übel stat
Das es mir in mym hertzen we
Gethon hattusent mal / vnd me
Das ich ich myn groß mügsam arbeit
On schuldt hab übel angeleit
Vnd ich sol öflich sehen an
Das ich nit hab gelon vßgan



Vnd mir nie kam für mundt noch zelen
 Aber ich wil es gott befellen
 Dañ diß schiff firt in synen namen
 Syns dichters darff es sich nit schamen
 Glych wie das alt in allen sachen
 Es kan nit yeder narren machen
 Er heiß dañ wie ich bin genant
 Der narz Sebastianus Brant


Ein vorred in das narzschiff.

Zu nutz vñ heilsamer ler/verachtüng vñ erfolgüg
 D wyßheit/vernunft vñ güter sittē/Duch zu ver/
 achtung vnd straff der narzheit/blintheit/irsal/vñ
 thorheit/aller stāt/vñ geschlecht der mensche/ mit
 besunderm flyß ernst vñ arbeit gesamlet zu Basel
 durch Sebastianū Brant/ in beydē rechtē doctor.

Al landt sindt yetz vol heiliger geschriffte
 Vnd was der selen heil antrifft
 Bibel/der heiligen altuāter ler
 Vnd ander der glych blicher mer
 In maß/das ich ser wunder hab
 Das niemant bessert sich dar ab
 Ja würt all geschriffte vnd ler veracht
 Die ganz welt lebt in dynster nacht
 Vnd thūt in sünden blindt verharren
 All strassen/gassen/sindt vol narren
 Die nit dañ mit thorheit vmbgon
 Wollen doch nit den namen hon
 Des hab ich gedacht zu diser frist
 Wie ich der narren schiff vffrist

Folio.

Galleen/fust/tragt/nauen parck
Kiel/weidling/hernach rennschiff starck
Schlit/karren/stoßberen/rollwagen
Ein schiff möchte die nit all getragen
Die yetz sindt in in der narren zal
Ein teil kein für hondt überal
Die stieben züher wie die ymmen
Vil vnderfondt zü schiffschwymmen
Ein yeder wil vorman syn
Vil narren thoren kummen dzy
Der bildtnuß ich hab gar gemacht
Wer yeman der die geschrifft verache
Oder villicht die nit kündt lesen
Der sicht im malen wol syn wesen
Vnd findt dar in/wer er ist
Wem er glych sy/was im gebrist
Den narren spiegelich diß nenn
In dem ein yeder narz sich kenn
Wer yeder sy/würt er bericht
Wer recht in narren spiegel sicht
Wer sich recht spiegelt/der lert wol
Das er nit wyß sich halten sol
Nit vff sich halten das nit ist
Dan niemant ist dem nit gebrist
Oder der warlich sprechen thar
Das er sy wyß/vnd nit ein narz
Dan wer sich für ein narren acht
Der ist bald zü ein wysen gemacht
Aber wer ye will witzig syn
Der ist fatuus der gefatter myn
Der thut mit ouch dar an gewalt
Wan er diß büchlin nit behalt



II.

Hie ist an narren kein gebrauch
Ein yeder findt das in gelust
Vnd ouch war zu er sy geboren
Vnd warumb so vil findt der thoren/
Was ere vnd freud die wyßheit hat/
Wie sorglich sy der narren stat/
Hie findt man der welt ganzen louff
Diß büchlin wirt gut zu dem kouff
Zu schympff vnd ernst vnd allem spil
Findt man hie narren wie man wil/
Ein wyser findt das in erfreude
Ein narz gern von syn brüdern seie
Hie findt man thoren arm vnd ryck
Schlim schlem/ein yeder findt syn glych
Ich schrot ein capp hie manchem man
Der sich des doch nit nymmet an
Herrich in mit syn namen genent
Er sprech/ich hett in nit erkent
Doch hoff ich das die wysen all
Werdent darin hon wolgeuall
Vnd sprechen vß ir wissenheit
Das ich hab recht vnd war geseit
Sydt ich solch kundtschafft von in weiß
So geb ich vmb narren ein schweiß
Sie müessent hören warheit all
Obes in toch nit wolgeuall
Wie wol Therentius spricht/das
Wer warheit sagt/ verdient haß
Duch wer sich lang zyt schnützen thut
Der würfft erwan von im das blut

Folio.

Vnd wañ man Colerant anregt
So würt die gall gar oft bewegt
Darumb acht ich nit ob man schon
Mit Worten mich würt hinder gon
Vnd schelten vmb myn nützlich ler
Ich hab der selben narren mer
Den wyßheit nit geuallt wol
Diß biechlin ist der selben vol
Doch bitt ich yeden / das er mer
Wöl sehen an vernunft vnd ere
Dañ mich oder myn schwach gedicht
Warlich hab ich on arbeit nicht
So vil narren zñ samen gebracht
Ich hab etwañ zñ nacht gewacht
Do die schliessen der ich gedacht
Oder villicht by spil vnd wyn
Sassen / vnd wenig dachten myn
Ein teil in schlitten vmbher füren
Im schne / das sy wol halber fruren
Ein teil vff kalbs fliß giengen sust
Die andern rechten ir verlust
Den sy den tag herten gehan
Vnd was im in gewins dar vß möcht gan
Oder wie sy morn wolten liegen
Mit geschwätz / verkouffen / manchen triegen
Den selben nach zñ dencken all
Wie mir ir wyß / wort / werck / geuall
Ist wunder nit / ob ich schon oft
Do mit myn gedicht nit würt gestrofft
Gewacht hab so es nieman hofft

.III.

In disen spiegel sollen schowen
All geschlecht der menschen man vnd frowē
Je eins ich by dem andern mein
Die man findt narren nit allein
Sunder findt man ouch nārin vil
Den ich die schleyer / stürtz / vnd wil
Mit narren cappen hie bedect
Wetzen hondt ouch an narren rōck
Sie wōllen yetz all an tragen das
Was etwan mannen schentlich was
Spitz schüch / vnd vßgeschnitten rōck
Das man den milch mārck nit bedect
Wicklen vil hudlen in die zōpff
Groß hörner machen vß die kōpff
Als obes wer ein grosser stier
Sie gondt her wie die wilden thier
Doch sollen erber frowen mit
Verzyhen / wan ich ganz nit ir
Gedencken zū keim argen wil
Den bösen ist doch nit zū vil
Der selben man ein teil hie findt
Die in dem narren schiff ouch findt
Darumb mit flyß sich yedes lūch
Findt es sich nit in disem būch
So mag es sprechen / das es sy
Der cappen vnd des kolben fry
Weint yemant das ich in nit rūr
Der gang zūn wysen für die thür
Vnd lydt sich / vnd sy güter ding
Biß ich ein capp von Franckfurt bring



Den vordang hat man mir gelon
 Dañ ich on nutz vil bücher hon
 Die ich nit liß vnd nit verston



Von unnützen biechern.

Das ich sitz vornan in dem schiff
 Das hat warlich ein sundern griff

.IIII.

On vrsach ist das nit gethon
Vff myn libry ich mich verlou
Von blichern hab ich grossen holt
Verstandt doch drin gar wenig wort
Vnd halt sied annocht in den eren
Das ich in will der fliegen weren
Wa man von künsten reden thut
Sprich ich/do heim hab ichs vast gut
Do mit laß ich benügen mich
Das ich vil blicher vor mir sich
Der künig Prolomeus bestellt
Das er all blicher hett der welt
Vnd hielt das für ein grossen schatz
Doch hett er nit das recht gesatz
Noch daruß berichten sich
Ich hab vil blicher ouch des gleich
Vnd liß doch gantz wenig darin
Warumb wolt ich brechen myn sin
Vnd müder ler mich bekümmern vast
Wer vil studiert/wirt ein fantast
Ich mag doch sunst wol syn ein herz
Vnd lonen ein der für mich ler
Ob ich schon hab ein groben sin
Doch so ich by gelerten bin
So kan ich ita sprechen io
Des rütschen orden bin ich fro
Dañ ich gar wenig kan latyn
Ich weiß das vinum heisset wyn
Guculus ein gouch/stultus ein thor
Vnd das ich heiss domine doctor
Die oren sindt verborzen mier
Wan sechsunst bald eins müllers thier



Wer sich vff gewalt im rat verlost
 Vnd henckt sich wa der windt her bloßt
 Der selb die suw in kessel stoßt



Hon gûren reeen.

Vil sinde den ist darnach gar not
 Wiesie bald kummen in den rot

.V.

Die doch des rechten nit verston
 Vnd blindtlich an den wenden gon
 Der güt Cusi ist leider todt
 Ach toffel besigt den rodt/
 Wer vrtailn sol vnd raten schlecht
 Der duncet vnd volg allein zu recht
 Vff das er nit ein zunstecck blyb
 Do mit man die suwin kessel tryb
 Warlich sag ich es hat kein süg
 Es ist mit duncken nit genug
 Do mit verkürtzet würt das recht
 Es dörfst das man sy baß bedecht
 Vnd wyter fragt was man nit wußt
 Dan würt das recht verkürtzet suß
 So hast kein wörwort gegen gott
 Gloub mir fürwar es ist kein spott
 Wan yeder wußt was volgt hernach
 Im wer zu vrtailn nit so gach
 Mit solcher maß/würt yederman
 Gemessen/als er hat gethan
 Wie du richtst mich/vnd ich richt dich
 Als würt er richten dich vnd mich/
 Ein yeder wart nach synem todt
 Der vrtail die er geben hot
 Wer mit syn vrtail beschweret vil
 Dem ist gesetzet ouch syn zil
 Do er ein gewaltig vrtail findt
 Der stein der felt im vff den gründt
 Wer hie nit halt gerechtigkeit
 Der findt sie dort mit hertigkeit
 Kein wußheit/gewalt/fürsichtigkeit
 Kein rat/gott wider sich vertreit



Wer setz syn lust off zytlich güt
Vnd darinn sücht syn freud vnd müt
Der ist ein narz in lyb vnd blüt



Von gyttigkeit.

Der ist ein narz der samlet güt
Vnd hat darby kein freud noch müt

.VI.

Vnd weißt nit wem er sollich spart
So er züm vnyßtern teller fart
Vil narrechter ist der verthüt
Mit üppigkeit vnd lychtem müet
Das so im gott hat geben hein
Darinn erschaffner ist allein
Vnd darumb er rechnung geben müß
Dieme gült dan ein handt vnd fuß
Ein narz verlaßt syn fründen vil
Syn sel er nit versorgen wil
Vnd vörcht im brest hie zytlich güet
Nit sorgent was das ewig thut
D armer narz wie biß so blindt
Du vörchst die rud / vnd findst den gründt
Mancher mit sünden güet gewint
Darumb er in der hellen brint
Syn erben achten das gar klein
Die hülfen im nit mit ein stein
Sie lösten in kum mit ein pfundt
So ertieffligt in hellen grundt
Gib wyl du lebst durch gottes ere
Nachdym todt wirt ein ander here
Es hat kein wyser niebegerdt
Das er möcht rych syn hie vfferdt
Sunder das er lert kennen sich
Wer wyß ist / der ist me dan rych
Crassus das goldt zü letst vstranck
Nachdem in hett gedürstet langk
Crates syn gelt warff in das mer
Das es nit hindert in zü ler
Wer samlet das zergenglich ist
Der grabt syn sel in kat vnd mist



Wer vil nüw fündt macht durch die lande
 Der gibt vil ergernüß vnd schande
 Vnd halt den narzen by der hande



Von nüwen fünden.

Das etwan was ein schandtlich ding
 Das wigt man yetz schlecht vnd gering

.VII.

Ein ere was etwan tragen bert
Jez honde die wybschen man gelett
Vnd schmieren sich mit affen schmalz
Vnd thündt entblößen iren halß
Vil ring vnd grosse ketten dran
Als ob sie vor sant Lienhart stan
Mit schwebel/hartz/büffen das har
Dar yn schlecht man eyer clar
Das es im schüsselkorb werd krus
Der henckt den kopff züm venster vß
Der bleicht es an der sunn vnd für
Dar vnder werden die lüß nit thür
Die trügen yez wol in der welt
Das thüt all kleider sindt vol felt
Röck/mäntel/hembder/vnd brustüch
Panthoffel/stiffel/hosen/schüch
Wilde kappen/mäntel/vnblouff dran
Der iüdisch sitt wil ganz vß stan
Dan ein fundt kum dem andern wyche
Das zeigt das vnser gemüt ist lyche
Vnd wanckelbar in alle schandt
Vil nüwerung ist in allem lande
Kurtz schentlich vnbeschroten röck
Das einer kum den nabel döck
Pfuchschandt der tütschen nacion
Das die natur verdeckt wil hon
Das man das blößt/vnd sehen lat
Darum bleider es übel gat
Vnd würt bald hon ein bößern stande
Wedem der vrsach gibt zü schandt
Wedem ouch der solch schandt nit stroffe
Im würt zü lon das er nit hofft



Der. V. narz. IV Folio.

Wie wol ich vff der grüben gon
Vnd das schindt messer im arß hon
Wag ich myn narheit doch nit lon



Von alten narren.

Wyn narheit laßt mich nit syn gryß
Ich bin vast alt doch ganz vnwyß

.IX.



Ein böses kindt von hundert ior
 Den iungen trag ich die schellen vor
 Den kinden gib ich regiment
 Vnd mach mir selbs ein testament
 Das mir licht würt nach mynem todt
 Ich gib exempel vnd böß rodt
 Vnd tryb was ich iung hab gelert
 Myner bößheit wil ich syn geert
 Vnd thar mich riemen myner schande
 Das ich beschiffen hab vil lande
 Vnd hab gemacht vil wassers trieb
 In bößheit ich mich all zyt yeb
 Vnd ist mir leidt / das ichs nit mag
 Volbringen me myn alten tag
 Aber was ich yetz nym mag thün
 Wil ich entofellen Heinz myn sun
 Der würt thün / was ich hab gespart
 Er kopt yetz mir nach in die art
 Es stat im dapfferlichen an
 Lebter / es würt vß im ein man
 Man muß sprechen / er sy myn sun
 Dañ er dem schelmen recht würt thün
 Vnd wirt sich in kein dingen sparen
 Vnd in dem narren schiff ouch faren
 Das würt mich nach myn todt ergetzen
 Das er mich würt so ganz ersetzen
 Do mit thut alter yetz vmbgon
 Alter wil ganz kein witz hon
 Susannen richter zeigten wol
 Was man ein alten truwen sol
 Ein alter narz syner sel nit schon
 Schwer ist recht thün / ders nit hat gewont



FRIS D3

Wer synen kinden übersicht
 Ir mütwill/vnd sie straffet nicht
 Dem selben zü letst vil leides geschicht



Honler der kindt.

Der ist in narzheit ganz erblindt
 Der nit mag acht hon/das syn kindt

•X•

Mit züchten werden vnderwyßt
 Vnd er sich sunder daruff flyßt
 Das er sie laß irzgon on straff
 Glych wie on hirten gondt die schaff
 Vnd in all müt will übersicht
 Vnd meint sy dörsent straffens nicht
 Sie syen noch nit by den ioren
 Das sie behalten in den oren
 Was man in sag/sy strafft vnd ler
 O grosser thor/merck zü vnd hör
 Die iugent ist zü behalten gering
 Si mercken wol vff alle ding
 Was man in nüwe häfen schitt
 Den selben geschmack verlondt sy nit
 Ein iunger zwygsich biegen lat
 Wan man ein alten vnderstat
 Zü biegen so knelt er entzwey
 Simlich straff/bringt kein sörglich gschrey
 Die rüt der zucht vertrybt on schmerz
 Die nartheit vß des kindes hertz
 On straffung selten yemans lert
 Als übel wechßt das man nit wert
 Hely was recht vnd lebt on sündt
 Aber das er nit strafft syn kindt
 Des strafft in gott das er mit clag
 Starb/vnd syn sun vff einen tag/
 Das man die kindt nit ziehen wil
 Des findt man Cathelynen vil
 Es stündt yetz vmb die kindt vil baß
 Geb man schülmeister in /als was
 Phenix/den Pelcus synem sün
 Achilli sücht/vnd zü wolt thün



Philippus durch sücht kriecken lande
 Bißer sym sun ein meister fandt
 Dem grösten künig in der welt
 Ward Aristoteles zu geselt
 Der selb Platonem hort lang ior
 Vnd Plato Socratem dar vor
 Aber die vätter vnser zyt
 Darumb das sy verblent der gyt
 Nemen sie vffsöllich meister nun
 Der im zum narren macht ein sun
 Vnd schickt in wider heim zu huß
 Halb narrechter dan er kam druß
 Des ist zu wunderu nit daran
 Das narren nareecht kinder handt
 Crates der alt sprach/wan es im
 Zu stünd wolt er mit heller stym
 Schryen/ir narren vnbedacht
 Ir hondt vff güet samlen groß acht
 Vnd achten nit vff iwer kint
 Den ir solch rychtumb samlen sindt
 Aber ouch würt zu lest der lon
 Wan iwer sun in rat sondt gon
 Vnd stellen sucht vnd eren nach
 So ist in zu dem wesen gach
 Wie sy von iugent hondt gelert
 Dan wirt des vatters leidt gemert
 Vnd frist sich selbs das er on nutz
 Erzogen hat ein winter bug
 Etlich thündt sich in büben rott
 Die leßtern vnd geschmähen gott



.XI.

Die andern hengen an sich söck
Dise verspielen roß vnd röck
Die vierden brassen tag vnd nacht
Das wirt vß sollichen künden gemacht
Die man nit in der iugent zücht
Vnd mit ein meister wol versicht
Dan anfang/mittel/end/der ere
Entspringt allein vß gütter lere
Ein löblich ding ist edel syn
Es ist aber frembd vnd nit dyn
Es kompt von dynen eltern har/
Ein köstlich ding ist rychtumb gar
Aber des ist des gelückes vall
Das vff vnd ab dantz wie ein ball
Ein hübsch ding der welt glozy ist/
Vnstantbar doch/dem all zyt gebrist
Schönheit des lybes man vil acht
Wert erwañ kum doch übernacht
Glych wie gesundtheit ist vast lieb
Vnd stilt sich ab doch wie ein dieb
Groß sterck acht man für köstlich hab
Nympt doch von frackheit/alter ab/
Darumb ist nichtz vntödtlich mer
Vnd blyblich by vns dan die ler
Gorgias fragt/ob selig wer
Von Persia der mächtig herz
Sprach Socrates/ich weiß noch nie
Ob er hab ler vnd tugent iit
Als ob ersprech/das gewalt vnd golt
On ler der tugent nützet solt



Wer zwischen stein vnd stein sich leit
Vnd vil lüt vff der zungen treit
Dem widerfert bald schad vnd leidt



Bou z witracht machen.
Mancher der hat groß freud daran
Das er verwirret yederman

•XII•

Vnd machen kün diß har vff das
Dar vß vnfründtschafft spring vnd has
Mit hinderred vnd liegen groß
Gibt er manchem einen stoß
Der das erst über lang entpsindt
Vnd machet vß dem fründt ein synde
Vnd das ers wol besiglen mög
Lügter/ das er vil darzü leg
Vnd wils in bychts wyß hon gethon
Das nit verwysung kün dar von
Vnd das ers vnder der rosen hett
Vnd in dyn eigen hertz geredt
Weinen do mit geuallen wol
Die welt ist sölllicher zwitracht vol
Das man eins vff der zungen trag
Wyter dan vff ein hangenden wag
Als Chozethet vnd Absolon
Das sie groß anhang möchten hon
Aber es schlägt in übel vß
In allem landt ist Alchimus
Der fründt zertrag vnd hinderlieg
Vnd finger zwischen angel thieg
Die werden oft geklempt dar von
Als der/meint entpfahen lon
Vmb das er Saul erschlagen hett
Vnd die do tödten Hißbofeth
Als dem der zwischen mülsstein lyt
Geschicht/ wer vil zwitracht macht all zyt
Man sicht gar bald in geberden an
Was er sag vnd sy für ein man
Bürg man ein narren hinder thür
Er streckt die oren doch herfür

Wer nit kan sprechen ia vnd nein
Vnd pflegen rat vmb groß vnd klein
Der hab den schaden im allein.



Mit volgen guttem rat.
Der ist ein narz der wyß wil syn.
Vnd weder glympff/nach maß thut schyn.

.XIII.

Vnd wann er wyßheit pflegen wil
So ist ein gouch syn feder spil
Vil sindt von worten wyß vnd clüg
Die ziehen doch den narren pflüg
Das schafft das sy vffir wyßheit
Verlassen sich vnd beschydigkeit
Vnd achten vffkein frembden rat
Biß in vn glück zü handen gat
Syn sun Thobias all zyt lert
Das er an wysen rat sich kert
Darumb das nit volgt güttem rot
Vnd den veracht die huffrow Loth
Wardt sie geplagt von gott dar von
Vnd müßt do zü ein zeichen ston
Do Roboam nit volgen wolt
Den alten wysen als er solt
Vnd volgt den narren / do verlor
Er zehen geschlecht / vnd blib ein thor
Herr Nabuchodonosor Daniel gehört
Er wer nit in ein thier verkört
Machabeus der sterckest man
Der vil großtugent hat gethan
Hett er geuolget Jorams rot
Er wer nit so erschlagen tod
Wer all zyt volgt sym eignen haupt
Vnd güttem rat nit volgt vnd gloupt
Der acht vff glück vnd heil ganz nit
Vnd wil verderben ee dan zyt
Ein fründes rat niemandt veracht
Wa vil rat sindt ist glück vnd macht
Achitofel sich selber tod
Das Saul nit volgt synem rot



Wer hat böß sitten vnd geberd
Vnd guckt das er züm narzen werd
Der schleißt die kappen an der erd



Von bösen sitten.

Vil gondt gar stoltz in schuben har
Vnd werffent den kopff her vnd dar

.XIII.

Dañ hin zū tal / dañ vff zū berg
Dañ hindertsich dañ überz werg
Dañ gondt sie bald / dañ vast gemacht
Das gibt ein anzeig vnd vrsach
Das sy hondt gar ein lychtfertig gemit
Vor dem man sich gar billich hüt
Wer wyß ist vnd güt sitten hat
Dem selb syn wesen wol an stat
Vnd was der selb ansacht vnd thüt
Das dunckt ein yeden wysen güt
Die war wyßheit sacht an mit scham
Sie ist züchtig / still / vnd fridsam
Vnd ist ir mit dem gütten wol
Des fült sie gott genaden vol
Besser ist haben güt geberd
Dañ alle rychtumb vff der erd
Vß sitten man gar bald verstat
Was einer in sym hertzen hat
Wanher der sitten wenig schont
Das schafft er hat syn nit gewont
Vnd ist gezogen nit darzū
Des hat geberd er / wie ein kñ
Die best gezierd / vnd höchster nam
Das sindt güt sitten sucht vnd scham
Zū güttem sitt sich Noe zoch
Doch schlug im Cham syn sun nit noch
Wer einen wysen sun gebert
Der sitt / vernunft / vnd wyßheit lert
Der sol des billich dancken gott
Der in mit genad versehen hot
Syns vatters nase Albinus aß
Das in nit hett gezogen baß



Wer vnrecht / gewalt / thut einem man
 Der im nie leides hat gethan
 Do stossent sich sunst zehen an



Von warer fruntschafft.
 Der ist ein narz vnd ganzthorrecht
 Der einem menschen thut vnrecht

.XV.

Dan er dar durch gar manchem tröwt
Der sich darnach syns vnglücks fröwt
Wer synem fründt üt übel's thut
Der all syn hoffnung / trüw / vnd müte
Allein gesetzet hat vff in
Der ist ein narz vnd ganz on sinn
Man findet der fründt / als Dauid was
Gantz keinen me / als Jonathas
Als Patroclus vnd Achilles
Als Horestas vnd Pilades
Als Demades vnd Pythias
Oder der schiltknecht Saulis was
Als Scipio / vnd Lelius
Wagelt gebrist do ist fründtschafft vß
Keiner so lieb syn nechsten hat
Als dan im gesetz geschriben stat
Der eigen nutz vertrybt all recht
All fründtschafft / lieb / sipschafft / geschlecht
Kein findet man Moysi yetz gelich
Der andre lieb hab / als selb sich
Oder als was Neemias
Vnd der gotzförtig Thobias
Wem nit der gemein nutz ist als werd
Als eigen nutz des er begert
Den halt ich für ein nârschen gouch
Was gemein ist / das ist eigen ouch
Doch Cayn ist in allem stat
Dem leidt ist was glücks Abel hat
Fründtschafft wanes gat an ein not
Gondt vier vnd zweintzig vff ein lot
Vnd wöldie besten meinen syn
Gondt sibem wol off ein quintyn



Wer yedem narren glauben wil
 So man doch hört der geschrifft so vil
 Der schickt sich wol ins narren spil



Verachtung der geschrifft.

Der ist ein narz der nit der geschrifft
 Wil glauben die das heil antrifft

.XVI.

Vnd meinet das er leben soll
Als ob kein gott wer/noch kein hell
Verachten all predig vnd ler
Als ob er nit sech noch hör
Kem einer von den todten har
So lieffman hundert mylen dar
Das man von im hört nūwe mer
Was wesens in der hellen wer
Vnd ob vil lūt fieren daryn
Ob man ouch schanckt do nūwen wyn
Vnd des glychen ander affen spil
Nun hat man doch der gschrifft so vil
Von alter vnd von nūwer ee
Wan bedarff kein zūgnūß fürter me
Noch süchen die cappen vnd klusen
Des sackpysfers von Nickels husen
Gott redt das vß der warheit syn
Wer hie sündt thut der lydt dort pyn
Wer hie syn tag zū wyßheit kert
Der wirt in ewigkeit geert
Gott hat geschaffen das ist wor
Das sehe das ong vnd hört das or
Darumb ist der blindt vnd ertoubt
Der nit hört wyßheit vnd ir gloubt
Oder hört gern nūwe mer vnd sag
Ich fürcht/es kummen bald die tag
Das man menūwer mer werd innen
Dan vns geuall vnd syg zū sinen
Iheremias der schrey vnd lert
Vnd wardt von nieman doch gehört
Des glychen ander wysen me
Des gieng hernach vil plag vnd we



Wer nit vor gürt / eedañ er ryt
 Vnd sich versicht vorhin by zyt
 Des spot man / salt er an ein syt



Von unbesinten narzen.

Der ist mit nartheit wol vereint
 Wer spricht / das hett ich nit gemeint

•XVII.

Dañ wer bedenckt all ding by zyt
Der satlet wol / ee dañ er ryt
Wer sich bedenckt nach der gethat
Des anschlag gemeinlich kumpt zū spat/
Wer in der gethat güt anschleg kan
Der muß syn ein erfarnier man
Oder hat das von frowen gelert
Die sindt sollich rates hoch geert
Hett sich Adam bedacht vor bas
Eedañ er von dem apffel aß
Er wer nit von ein kleinen biß
Gestossen vß dem Paradis
Hett Jonathas sich recht bedacht
Er hett die gaben wol veracht
Die im Tryphon in valscheit bot
Vnd in erschlūg darnach zū todt/
Güt anschleg kundert zū aller zyt
Julius der keiser / in dem stryt
Aber go er hett Frid vnd glück
Sumpt er sich an ein kleinen stück
Das er die brieff nit laß zū handt
Die im in warnung warent gesandt
Nicanor überschlūg gering
Verkoufft das wildpret / ee ers sieng
Syn anschlag doch so gröblich fält
Zung / handt / vnd grindt man im ab strält
Güt anschleg die sindt all zyt güt
Wol dem / der sy by zytten thut
Mancher ylt / vnd kumpt doch zū spot
Der stoßt sich bald / wem ist zū not/
Wer Asabel nit schnel gesyn
Abner hett nit erstochen in



Der. XIII. nar. Folio.

An mynem seil ich draffter ieich
Vil narren / affen / esel / geiich
Die ich versir betriug vnd leych



Von bülschafft.

frow Venus mit dem strowen arß
Bin nit die minst im narren sarß

•XVIII.

Ich züch zu mir der narren vil
Vnd mach ein gouch vß wem ich wil
Myn kunden niemans nennet all
Wer hat gehört von Circes stall/
Calipso/der Syrenen ioch
Der gedenc/ was gewaltes ich hab noch
Welcher meint das er witzig sy
Den dunc ich tieff in narren bry
Wer ein mal würt von mir verwunde
Den macht kein krütter krafft gesunde
Darumb hab ich ein blinden sin
Kein biler sicht was er sol thun
Myn sun ein kindt ist/nit ein man
Biler mit kindtheit thündt vmb gan
Von in wirt selten dapffer wort
Glych wie von einem kindt gehort
Myn sun stat nackter vnd bloß all tag
Dan bülschafft nieman bergen mag
Böß lieb die flücht/nit lang sie stat
Darumb myn sun zwen flügel hat
Bülschafft ist lycht zu aller frist
Nüt vn stäters vff erden ist
Cupido treit syn bogen bloß
Vff yeder syt ein köcher groß
In ein hat er vil hacken psyl
Do mit trüfft er der narren vil
Die sindt scharpff/guldin/hackecht/spitz
Wer troffen würt der kumpt von witz
Vnd dantzet her nach am narren holtz
Im andern köcher vogel boltz
Sindt stumpff/mit bly beschwert/mit lycht
Der erst macht wunde/der ander flücht



Wen trifft Cupido / den entzündet
 Amor syn brüder / das er bründet
 Vnd mag nit leschen woldie flam
 Die Didon ir leben nam
 Vnd macht das Medea verbrandt
 Ir kindt den brüder todt mit der handt
 Teseus wer ouch kein widhopff nit /
 Pasiphae den stier vermit
 Phedra Teseo für nit nach
 Noch sucht an irem stieff sun schmach
 Niessus wer nit geschossen todt
 Troy wer nit kummen in solche not
 Scilla dem vatter ließ syn hor
 Hiacinthus wer kein ritter spor
 Leander nit syn schwym men thet
 Messalina wer in küscheit stet
 Mars ouch nit in der ketten leg
 Procris der hecken sich verweg
 Sapho nit von dem berg ab fiel
 Syren umbkerten nit die kiel
 Circe ließ faren woldie schiff
 Ciclops vnd Pann nit leidtlich psiff
 Leucothoe nit wyrouch gbär
 Mirrha wer nit Aldonis schär
 Biblis wer nit irem brüder holdt
 Dane entpsienng nit durch das goldt
 Nictimine flüg nit vsß by nacht
 Echo nit wer ein stym gemacht
 Tisbe ferbt nit die wyssen har
 Athalanta kein löwin wer

.XIX.

Des Leuten wyb wer nit geschmächte
Vnd darumb erschlagen ein geschlecht
Dauid ließ wesen Bersabe
Sampson vertraut nit Dalide
Die abgött Salomon nit anbett
Amon wer an syner Schwester stett
Joseph würd nit verklagt vmb suß
Als Bellerophon Hypolytus
Der wyß man als ein roß nit gieng
Am thurn Virgilius nit hieng
Quidius hett des keisers gunst
Hett er nit gelert der büler kunst
Es kām zū wyßheit mancher me
Wan in nit wer zū bülschafft we
Wer mit frowen hat vil credentz
Dem würt verbrent syn conscientz
Vnd mag gentlich nit dienen gott
Wer mit in vil zū schaffen hot
Die bülschafft ist ein yeden stande
Ganz spötlich/narzisch vnd ein schande
Doch vil sehentlicher ist sy dan
So bülen thündt alt wyb vnd man
Der ist ein narz/der bülen wil
Vnd meint doch halten maß vnd zil/
Dan das man wyßheit pfleg vnd bil
Wag ganz nit ston in einem stil
Ein büler würt verblent so gar
Er meint es nem niemans syn war
Diß ist das krefftigste narzen krut
Diß cappen klapt lang an der hut



Wer spricht das gott barmhertzig sy
 Allein / vnd nit gerecht dar by
 Der hat vernunfft wie genß vnd sü



Von vermessenheit gots.
 Der schmirt sich wol mit esels schmaltz
 Vnd hat die büchsen an dem halß

XX.

Der sprechen thar/das gott der hertz
 So erbärmig sy/vnd zürn nit ser
 Ob man iocherwan sündt volbring
 Vnd wigt die sünden also gering
 Das sünden ye sy gantz menschlich
 Nun hab doch gott das hymelrych
 Den gensen ye gantz nit gemacht
 So hab man all zyt sündt volbracht
 Vnd sahe nit erst von nūwem an
 Die Bibel er erzelen kan
 Vnd ander sun ist hystorien vil
 Dar vß er doch nit mercken wil
 Das allenthalb die straff darnach
 Geschriben stat/mit plag vnd rach
 Vnd das gott nie die leng vertrüg
 Das man in an ein backen schlug
 Gott ist kein Böhem/oder Datt
 Ir sprachen er doch wol verstat
 Wie wol syn erbärmung ist on moß
 Dn zal/gewicht/vnendtlich groß
 So blybt doch syn gerechtigkeit
 Vnd strafft die sündt in ewigkeit
 An allen den/die nit thündt recht
 Gar oft/biß in das nündt geschlecht
 Barmhertzigkeit die leng nit stat
 Wan gott gerechtigkeit verlat
 War ist/der hymel gehört nit zū
 Den gensen/aber ouch kein kū
 Kein narz/aff/esel/oder schwyn
 Kumpt yemer ewigklich daryn
 Vnd was gehört in des tüfels zal
 Das nympt im nieman über all



Wer buwen will/der schlag vor an
 Was kostens er darzu muß han
 Er würt sunst vor dem endt abstan



Von narrechtem anschlag
 Der ist ein narz der buwen wil
 Vnd nit vorhin an schlacht wie vil

.XXI.



Das kosten werd / vnd ob er mag
Volbringen solchs / nach sym anschlag
Vil hondt groß büw geschlagen an
Vnd mochten nit dar by bestan
Der künig Nabuchodonosor
Erhüb in hoffart sich entbor
Das er Babilon die groſſe statt
Durch synen gewalt gebuwen hatt
Vnd kam im doch gar bald darzü
Das er im feldt bleib / wie ein kün
Nemroth wolt buwen hoch in lufft
Ein groſſen thurn für wassers klufft
Vnd schlug nit an das im zü schwer
Syn buwen / vnd nit möglich wer
Es buwt nit ein yeder so vil vß
Als vor zytten het Lucullus
Wer buwen will / das in nit ruw
Der bedenk sich wol / ee dan er buw
Dan man chem kumpt syn ruw zü spat
So im der schad in seckel gat /
Wer etwas groß wil vnderston
Der sol syn selbs bewerung hon
Ober müg kummen zü dem stat
Den er im für genummen hat
Do mit im nit ein glück zü fall
Vnd werdt zü spot den menschen all //
Vil weger ist nit vnderston
Dan mit schad / schand / gespött ablon
Piramides die kosten vil
Vnd Labrinthus by dem Nyl
Doch ist es als nun langst do hin
Kein buw mag lang vfferd hie syn



Billich in künfftig armüt felt
Wer stets nach schleck vnd füllen stelt
Vnd sich den brasseren zü geselt



Von füllen vnd brassen.
Der thüt ein narren an die schü.
Der weder tag noch nacht hat rü

XXII.

Wie er den wanstfüll/vnd den buch
Vnd mach vß im selbs ein wynschluch
Als ob er darzû wer geboren
Das durch in würd vil wyns verloren
Vnd er wer ein täglicher rîff
Der gehört wol in das narrenschiff
Dañ er zerstört vernunft vnd sîn
Das würt er in dem alter in
Das im würt schlotteren kopff vnd hendt
Er kürzt syn leb en vnd syn endt
Ein schädlich ding ist vmb den wyn
By dem mag nieman wîzig syn
Wer freudt vnd lust dar in im sücht
Ein trunckner mensch gar niemans rîcht
Vnd weißt kein maß noch vnderseheit
Vil vnküsch kumpt vß trunckenheit
Vil übel souch dar vß entspringt
Ein wyser ist/wer sittlich trinckt
Noe mocht lyden nit den wyn
Der in doch fandt vnd pflantzet in
Loth sündt durch wyn zur anderen fart
Durch wyn der toüffer köpffet wart
Wyn machet vß ein wysen man
Das er die narren kapp streißt an
Do Israhel sich füllet vol
Vnd in der buch was me dañ vol
Do siengen sy zû spilen an
Vnd müßten do gedantzet han
Gott gebott den sînen Aaron
Das sie syn solten wynes on
Vnd alles das do truncken macht
Des priester schafft doch wenig acht



Folio.

Do Holofernes truncken wart
Verlor den kopff/ zu dem bart/
Thamyris richt zu spys vnd tranck
Do sy den künig Cirum zwang
Durch wyn lag nider Bennedab
Do er verlor nach all syn hab
All ere vnd tugent gar vergas
Alexander wan er truncken was
Vnd thet gar oft in trunckenheit
Das im wardt selber darnach leit/
Der rych man tranck als ein gesell
Vnd as des morgens in der hell
Der mensch wer fry/ kein knecht gesyn
Wan trunckenheit nit wer/ vnd wyn
Wer wyns vnd seist dings flyset sich
Der würt nit selig oder rych/
Dem we vnd synem vatter we
Dem würt krieg/ vnd vil vnglücks me
Wer stets sich füllet wie ein kü
Vn wil ein yedeu trincken zu
Vnd warten/ als das man im bringet/
Dan wer on not vil wyns vs trinckt
Dem ist glych/ als der vff dem mer
Entschlafft/ vnd lyt on sin/ vnd wer
Als thündt die vff dem prass hondt acht
Schlemmen vnd demmen/ tag vnd nacht
Den treit der wirt nach kundtschafft zu
Ein büg vnd vierteil von einer kü
Vnd bringt in mandel/ sygen/ ryß
So bezalen sie in vff dem ys

XXIII.

Vil würden bald vast gern witzig syn
 Wan wysheit steckt in dem wyn
 Die in sich giessen spat vnd frū
 Je einer trinckt dem andern zū
 Ich bring dir eins ich kügel dich
 Das gebürt dir/der spricht/so wart ichs/
 Vnd wörz mich/biß wir beide sindt vol
 Do ist den narren yetz mit wol
 Eins vff dem becher/zwey für den munde
 Ein strick an den hals wer im gesunde
 Vnd weger dan sollich füllcry
 Tryben/es ist ein groß narry/
 Die Seneca zytlich fürsach
 Darumb er in syn büchern sprach
 Das man würd geben etwan mer
 Ein truncken/dan ein nüchtern ere
 Vnd man würd wöllen geriemet syn
 Das einer truncken wer von wyn
 Die bier supper ich darzū mein
 Do einer trinckt ein thun allein
 Vnd werden do by also vol
 Wan lieff mit ein ein thür vff wol/
 Ein narz muß vil gesoffen han
 Ein wyser maßlich trincken kan
 Vnd ist gesünder vil da mit
 Dan der mit küblen in sich schüt
 Der wyn ist gar sensst am yngang
 Dū lest sticht er doch wie ein schlang
 Vnd güßt syn gift durch alles blüt
 Glych wieder Basiliscus thüt



Wer güt hat vnd ergetzt sich mit
Vnd nit dem armen da von gyt
Dem würt verseit so er ouch bit



Von unnützem rychtumb
Die gröstethorheit in aller welt
Ist/das man eret für wyßheit gelt

XXIII.

Vnd zücht her für ein rychen man
Der oren hat/vnd schellen dran
Der muß allein ouch in den rat
Das er vil zñ verlieren hat
Ein yeden gloubt so vil die welt
Als er hat in syner tāschen gelt
Herz pfenning der muß vornan dran
Wer noch in leben Salomon
Wan ließ in/in den rat nit gon
Wan er ein armer weber wer
Oder im stündt syn seckel ler
Die rychen ladt man zñ dem tisch
Vnd bringt in wildpret/vögel/visch
Vnd thüt on endt mit in hoffieren
Die wyl der arm stat vor der thüren
Vnd schwitzet/das er möcht erfrieren
Zum rychen spricht man/essen herz
Opfenning/man thüt dir die ere
Du schaffts/das vil dir günstig sindt
Wer pfenning hat/der hat vil fründe
Den grüßt vnd schwägert yederman
Wolt einer gern ein eefrow han
Die erst frag ist/was hat er doch
Wan fragt der erberkeit/nym noch
Oder der wyßheit/ler/vernunft
Wan sücht ein vß der narren zunft
Der in die milch zñ brocken hab
Ob er ioch sy ein köpplis knab
All kunst/ere/wyßheit/ist vmb sust
Wan dem pfenning ist gebrust
Wer syn oz/von dem armen stopfft
Den hört gott nit/so er ouch klopfte



Der. XVIII. narz. Folio.

Der vacht zwen hasen vff ein mol
Wer meint zweyen herzen dienen wol
Vnd richten vß medañer sol



Von dienst zweyer herzen.
Der ist ein narz der vnderstot
Der welt zu dienen / vnd ouch gott

XXV.

Dañ wa zwen herzen hondt ein knecht
Der mag in nymmer dienen recht
Gar oft verdürbt ein handtwercks man
Der vil gewerb vnd handtwerck kan
Wer iagen wil/vff ein stunde
Zwen hasen fahen mit ein hunde
Dem würt etwan kum einer wol
Gar dick würt im gang nit zū mol
Der trifft kum etwan wol das zil
Wer schiessen vß vil arbrust wil
Wer vff sich selbs vil ämpter nympt
Der mag nit thün das yedem zympt
Der hie müß syn vnd anderswo
Der ist recht weder hie noch do
Wer thün wil das ein yeden gefalt
Der müß hon athem warm vnd kalt
Vnd schlucken vil das im nit schmeck
Vnd strecken sich nach der deck
Vnd künden psulwen vnder strowen
Ein yeden vnder nelenbogen
Vnd schmieren yedem wol syn stürn
Vnd lügen das er kein erzürn
Aber vil ämpter schmecken wol
Wan wer mit sich bald by grossen kol
Vnd wer vil wyn versüchen thut
Den dunckt doch nit ein yeder gut
Dañ schlecht geschmydt/ist bald bereit
Dem wysen liebt einfältigkeit
Wer einem dient/vnd thut im recht
Den halt man für ein trüwen knecht
Der esel starb vnd wardt nie satt
Der all tag nū we herren hat



Der. XIX. narz. Folio.

Wer syn zung vnd syn munde behüt
Der schirmt vor angst / sel / vnd gemüt
Ein specht syn iung mit geschrey verriet



Von vil schmerzen.

Der ist ein narz der andern wil
Dar zu sunst yederman schwygt stil

XXVI.

Vnd wil on not verdienen haß
So er mit eren möcht schwygen baß
Wer reden/wil so er nit sol
Der fligt in narren orden wol
Wer antwurt/ee man fragt in
Der zeigt sich selbs ein narren syn
Mancher hat von sym reden freud
Dem doch dar vß kompt schad vnd leid
Mancher verlaßt sich vff syn schwätzen
Das er ein nuß red von einer hätzen
Des wort die sindt so starck vnd tieff
Das er ein loch redt in ein brieff
Vnd richtet zu ein geschwätz gar lycht
Aber wañ er kumpt zu der bycht
Do es im gilt ewig lon
So wil die zung von statt nit gon
Es sindt vil Töbal noch vfferdt
Die schwätzen me dan in güt werde
Mancher für witzig würt geschätzt
Wañ er sich nit hett selbs verschwätzt
Ein späch verrat mit syner zung
Das man syn nest findt/vnd die iung
Mit schwygen man verantwurt vil
Schaden entpfacht/wer schwätzen wil
Es ist die zunge ein kleingelid
Bringt doch vil vnruw/vnd vnfrid
Befleckt gar dick den ganzen lyb
Vnd macht vil zanken/krieg/vnd kyb
Vnd ist ein wunder groß in mir
Das man macht zam ein yedes thier
Wie hert/wie wild/wie grim das ist
Kein mensch syner zungen meyster ist

d is



Zung ist ein vngerüwiges güt
 Vil schadens sy dem menschen thut
 Durch sie/so thündt wir schelten gott
 Den nechsten geschmähen wir mit spot
 Mit flüchen/nachred/vnd veracht
 Den gott nach sym bild hat gemacht
 Durch sie/verraten wir vil lüt
 Durch sie/blybt vn uerschwigen nüt
 Mancher durch geschwätz sich so begot
 Er darff nit kouffen wyn noch brot
 Die zung die brucht man in das recht
 Durch sie würt krum das vor was schlecht
 Durch sie/verlürt manch armer man
 Syn sach/das er muß betlen gan
 Schwätzer ist nüt zu reden vil
 Er kitz sich/vnd lacht wā er wil
 Vnd redt kein menschen üt güt noch
 Er sy ioch nider oder hoch
 Wölch machen groß geschrey vnd bracht
 Die lobt man yetz/vnd hat ir acht
 Vor vß/wölche köstlich yn her gandt
 Vil grosser rock vnd ring an handt
 Die stigen yetz wol für die lüt
 Ein dünnen rock acht man yetz nüt
 Wer noch vfferd Demosthenes
 Tullus oder Eschynes
 Man geb in durch ir wyßheit nüt
 Wā sie nit künden beschyssen lüt
 Vnd reden vil geblümter wort
 Vnd was ein yeder narz gern hort

XXVII.

Wer vil redt/der redt dick zu vil
Vnd muß ouch schiessen zu dem zil
Werffen den schlegel verz vnd wyt
Vnd rincken giessen zu widerstryt
Vil schwätzen ist selten on sünde
Wer vil lügt der ist niemans fründe
Wer herzen übel redet üt
Das blybt verschwigen nit lang zyt
Ob es loch verz geschaw von im
Die vogel tragen vßdyn hym
Vnd nympt die leng nit wol gut ende
Dan herzen hondt gar lange hende
Wer über sich vil howen wil
Dem fallen span in die ougen vil
Vnd wer syn mundt in hymel setze
Der würt oft mit syn schad geletze
Ein narz syn geist eins mals vßschüt
Der wyß schwygt vnd wart künnstig zyt
Vß vnnütz red/kein nutz entspringt
Schwätzen me schad dan frummen bringt
Darumb vil weger ist geschwigen
Dan schwätzen reden oder schryen
Sotades durch wenig wort
Gekerckt wardt als vmb ein mort
Er sprach allein Theocritus
Das eindygig wer Antigonus/
Vnd starb drum in syn eigen huß
Als Demoshenes vnd Tullius
Schwygen ist loblich/recht/vnd gut
Besser ist reden der im recht thut



FRIS D3



d Rj

Wer etwas findt / vnd treit das hin
 Vnd meint gott wöll / das es sy syn
 So hat der tüfel beschissen in



Von schatz finden.

Der ist ein narz der etwas findt
 Vnd im sinn ist also blindt

XXVIII.



Vnd spricht/das hat mir gott beschert
Ich acht nit wem es zu gehört
Was einer nit hat vßgespreit
Das ist zu schnyden im verseit
Ein yeder weißt by syner ere
Das das ein andern zu gehör
Was er weißt das es syn nit ist
Es hilfft nit/ob im schon gebrist
Vnd er es findet on geuerd
Er lüg das es dem wider werd
Weißt er in/des es ist gesyn
Oder geb es den erben syn
Ob man die all nit wissen kan
So geb man es ein armen man
Oder sunst durch gottes willen vß
Es sol nit blyben in dyn huf
Dan es ist abgetragen güt
Dardurch verdampft in hellen glüt
Gar mancher vmb sollich sünden sitz
Den man offtrybt/so er nit schwitz/
Achor behielt das nit was syn
Vnd bracht dardurch das volck in pyn
Zu letst ward im/das er nit meint
Do man on barmung in versteint
Wer vff sich ladet ein kleine bürd
Der nām ein grosse/wānes im würd
Finden vnd rouben acht gott glych
Dan er dyn hertz ansicht vnd dich
Vil weger ist gantz finden nit
Dan fundt/den man nit wider gyt
Was man findt vnd kumpt ein zu huf
Das kumpt gar vngern wider druf

d iij



Wer zeigenthut ein güttestroß
Vnd blybt er in dem pfütz vnd moß
Der ist der siñ vnd wyßheit bloß



Von straffen vnd selb thun.
Der ist ein narz der straffen wil
Das im zů thun ist nit zů vil.

XXIX.

Der ist ein narz vnd vngeert
 Der alle sach zum bösten kert
 Vnd yedem ding ein spett anhenckt
 Vnd mit syn eigen bresten denckt
 Ein handt die an ein wegscheid stat
 Die zeigt ein weg den sy nit gat
 Wer in sym oug ein trotboum trag
 Der tüg vor druß/ee dan er sag
 Brüder/hab acht/ich sich an dir
 Ein äglin das mißfellet mir
 Es stat ein lerer übel an
 Der sunst kan straffen yederman
 Wan er das laster an im hat
 Das übel ander lüt an stat
 Vnd das er lyden muß den spruch
 Herz artzt thündt selber heilen vch
 Mancher kan raten ander lüt
 Der im doch selb kan raten nit
 Als Gentilis/vnd Mesue
 Der yeder starb am selben we
 Des er meint helfen yederman
 Vnd aller meist geschriben van
 Dyn yedes laster das geschicht
 So vil schynbarer man das sicht
 So vil als der würt höher geacht
 Der sollichs laster hat volbracht
 Thü vor die werck/darnach die lere
 Wiltu verdienen lob vnd ere
 Das volck von israhel het sin
 Straffen die sün Benjamin
 Vnd lagen sie dar nider doch
 Dan sie in sünden waren noch



Der. XXII. narz. Folio.

Wer gern die wyßheit hört vnd lert
Genglich zu ir sich all zyt kert
Der würt in ewigkeit geert



Die ler der wyßheit.

Die wyßheit schrygt mit heller stym
O menschlich geschlecht myn wort vernym

XXX.

Vff beschydigkeit hondt aecht ir kinde
Wercken all/die in thozheit findt
Süchen dieler vnd nit das gelt
Wyßheit ist besser dan all welt
Vnd alles das man wünschen mag
Stellen nach wyßheit nacht vnd tag
Nüt ist das ir glych vfferd
In räten ist wyßheit gar werd
Allsterck vnd all fürsichtigkeit
Stat zu mir ein spricht die wyßheit
Durch mich/die künig hondt ir kron
Durch mich/all gesetz mit recht vffston
Durch mich/die fürsten hondt ir landt
Durch mich/all gewalt ir rechtspruch handt
Wer mich lieb hat/den lieb ouch ich
Wer mich frů sucht/der findt mich
By mir ist rychtumb/gůt vnd ere
Wich hat besessen gott der herze
Von anbegīn in ewigkeit
Durch mich hat gott all dīng bereit
Vnd on mich ist gar nūt gemacht
Wol dem/der mich all zyt betracht
Darumb myn sūn nit findt so treg
Selig ist der gat vff myn weg
Wer mich findt/der findt heil vnd glück
Der mich haßt/der verdürbt gar dick
Die plag würt über narren gan
Sie werden wyßheit sehen an
Vnd den lon/der drum ist bereit
Vnd werendt würt in ewigkeit
Das sie in blütend/vnd selbs sich
In iamer nagent ewiglich



Der. XXIII. narz. Folio.

Wer meint das im gantz nüt gebrest
Vnd er glück hab vffs aller best
Den trifft der klipffeld och zu letst



Von überhebung glückes.

Der ist ein narz der riemen thar
Das im vil glücks zu handen far

XXIX.

Vnd er glück hab in aller sach
 Der wart des schlegels vffdem tach
 Dañ glücksal der zergenglichkeit
 Ein zeichen ist vnd vnderheit
 Das gott des menschen sich verrücht
 Den er zu zytten mit heim sücht
 Im sprüchwort/man gemeinlich gicht
 Ein fründt den andern oft besicht
 Ein vatter strafft oft ein sun
 Das er vort hat/vnd recht ler thun
 Ein artzt/gibt sur vnd bitter tranck
 Do mit dest ee genäß der tranck
 Ein scherer meißelt/schnyd die wunde
 Do mit der siech bald werd gesundt
 We we dem trancken wañ verzagt
 Der artzt/vnd er nit strafft/noch sagt
 Das solt der siech nit hon gethon
 Er solt das/vnd das hon gelon
 Sunder er spricht/gent im recht hin
 Als das er wil/vnd glustet in
 Als wen der tūfel beschyssen wil
 Dem gibt er glück/vnd rychtumb vil
 Gedult ist besser in armüt
 Dañ aller welt glück/rychtumb/güt
 Syns glücks sich niemans über hab
 Dañ wañ gott will/so nymptes ab
 Ein narz/ist wer do schryget dick
 O glück wie last du mich/o glück
 Was zychstu mich/gib mit so vil
 Das ich ein narz blyb noch ein wyl
 Dañ grösser narren wurden nie
 Dañ die all zyt glück hatten hie



Der. XXIII. narz. Folio.

Wer aller welt sorg vff sich lade
Vnd nit gedencet syn nutz vnd schad
Der lydt sich ob er etwan bad



Von zū vil sorg.
Der ist ein narz der tragen wil
Das im vffheben ist zū vil

.XXXII.

Vnd der allein wil vnderston
Das er selb drit nit möcht gethon
Wer nympt die gantz welt vff syn rüch
Der felt in einem ougen blück
Man list von Alexander das
Die gantz welt im zü enge was
Vnd schwigt darin / als ober nüt
Für synen lyb genüg hett wyt
Ließ doch zü lest beniegen sich
Mit sibem schühigem erdrich
Allein der todt erzeigen kan
Wa mit man müß benügen han
Diogenes vil mächtiger was
Wie wol syn behusung was ein faß
Vnd er nüt hatt vff aller erdt
So was doch nüt das er begerdt
Daß Alexander solt für gon
Vnd im nit vor der sunnen ston
Wer hohen dingen stellet noch
Der müß die schantz oueh wagen hoch
Was hilff ein menschen das er gewin
Die gantz welt / vnd verdürb er drin
Was hilff dich / das der lyb kām hoch
Vnd für die sel ins hellen loch
Wer sorgt ob die genß gondt bloß
Vnd fegen wil all gassen stroß
Vnd eben machen berg vnd tal
Der hat kein fridt / rüw / überall
Zü vil sorg / die ist nienan für
Sie macht manchen bleich vnd dürr
Der ist ein narz der sorgt all tag
Das er doch nit gewenden mag



Der. XXV. narz. Folio.

Wer vil zū borg vffnemen wil
Dem essent wölff doch nit syn zē
Der esel schlecht in vnderwyl



Don zū borg vffnemen.
Der ist medaß ein ander narz
Wer stets vffnympt vff borg vnd harz

.XXXIII.

Vnd in im nit betrachten wil
Das man spricht/wölff essen kein zil
Als thündt ouch die/den ir bößheit
Gott lang vffbetterung vertritt
Vnd sie doch täglich mer vnd mer
Vffladen/dar durch gott der herz
Ir wartet/biß das stündlin künde
So bezalen sie by dem minsten pfunde
Es starben frowen/vich/vnd kindt
Do der von Amorien sündt
Vnd Sodomiten kam ir ziel
Hierusalem zu boden fiel
Do im gott beittert lange ior
Die Niniviten bezalten vor
Gar bald ir schuld/vnd wurden quit
Doch beharten sie die lenge nit
Sie namen vffnoch grösser we
Des schickt in gott kein Jonas me
All ding die handt ir zyt vnd zil
Vnd gondt ir strass nach/ wie gott wil
Wem wol ist nit nemen vff borg
Der hat zu bezalen ganz kein sorg
Nit biß by den/die bald ir hendt
Strecken/vnd für dich bürgen wend
Dañ so man nit zu bezalen hett
Sie nemen kuter von dem bett
Do hunger in Egipten was
Namen sy korn vffso vil/das
Sie eigen wurden hinden noch
Vnd müsten das bezalen doch
Wañ der esel ansacht syn danc
Halt man in nit wol by dem schantz



Der. XXVI. narz. Folio.

Wer wünschet das er nit verstor
Vnd nit syn sachen setz zü gott
Der kumpt zü schaden dick vnd spott



Von unnützen wünschen.
Der ist ein narz der wünschen thut
Das im als bald schad ist als gut

XXXIII.

Vnd wann ers hett vnd würd im wor
So wer er doch ein narz als vor
Wydas der künig wünschen wolt
Das als/das er angriff/würd golt
Do das war wardt/do leidet er not
Dann im zu goldt wardt wyn vnd brot
Recht hett er/das er deckt syn hor
Das man nit sehe syn esels oz
Die darnach wüchsen in dem roz
We dem/syn wünsch all werden wor
Vil wünschen das sy leben lang
Vnd thündt der sel doch also trang
Mit schlemmen/brassen im wynhuß
Das sie vor zyt müß faren vß
Dazü/ob sy schon werden alt
Sindt sie doch bleich/siech/vngestalt
Iz backen vnd hüt sindt so ler
Als ob ein affir mütter wer
Vil geizlichkeit die iugent hat
Das alter in ein wesen stat
In zittern glider/stym/vnd hirn
Ein trieffent naß/vnd glazecht stirn
Syner frowen ist er vast vnner
Im selbs/vnd synen kinden schwer
Im schmeckt vnd gefelt nit was man thut
Vnd sicht vil/das in nit dunckt gut
Wölch leben lang/die hondt groß pyn
All zyt in nüwem vnglück syn
In truren vnd in stetern leide
Enden ir tag in schwarzem kleide
Nestor/Pleus/vnd Laertes
Beklagten sich im alter des

Das sie zu lang ließ leben gott
 Do sie ir sün anschowen todt
 Wer Priamus gestorben vor
 Vnd het gelebt nit so vil ior
 Sehe er nit leidt so iämerlich
 An sün/frow/dochter/istatt/vnd ryck
 Wan Mythridates/vnd Darius
 Cresus/vnd der groß Pompeyus
 Nit werent worden also alt
 Werent sy todt in grossen gewalt
 Wer hübscheit im/vnd synem kinde
 Wünschet/der sūcht vrsach zu sündt
 Wer Helena nit gewesen schon
 Paris hett sie in kriecken gelon
 Wer häßlich gesyn Lucrecia
 Sy wer geschmähhet nit also
 Hett Dyna köpff vnd hofer gehan
 Sychen hett sie lassen gan
 Es ist gar selten das man treit
 Bynander schonheit vnd küscheit
 Vor vß die hübschen hansen nun
 Die wendt all biebery verz thün
 Vnd werden doch gefellet dick
 Das man sie sticht im narren strick
 Mancher wünscht/hüser/frow/vnd kinde
 Oder das er vil guldin finde
 Vnd des glych gouckels/das gott wol
 Erkent/wie es geraten sol
 Darumb gibt er vns erwan nüt
 Vnd das er gibt/nympt er zu zyt

XXXV.

Etlich dem gewalt ouch wünschen noch
 Vnd wie sy stygen vff vast hoch
 Vnd betrachten nit das höher gewalt
 Dest höher wider abher salt
 Vnd das/ wer vff der erden lyt
 Der darff vor vall sich fürchten nüt
 Gott gibt vns alles das er wil
 Er weißt was recht ist/ was zu vil
 Auch was vns nütz sy/ vnd kün wol
 War vß vns schad entspringen sol
 Vnd wā er vns nit lieber hett
 Dā wir vns selbs/ vnd das er thet
 Vnd macht vns (was wir wünschten) war
 Es rüwt vns/ ee vß kem ein iar
 Dā vnser begir die macht vns blindt
 Zu wünschen ding/ die wider vns sündt
 Wer wünschen wöll das er recht leb
 Der wünsch das im gott darzu geb
 Ein gesunden sīn/ lyb/ vnd gemüt
 Vnd in vor vort des todes behüt
 Vor zorn/ begir/ vnd bösem gyt
 Wer das erwürbt in diser zyt
 Der hat syn tag geleidt baß an
 Dā Hercules ye hat gethan
 Oder Sardanapalus hat
 In wollust/ gefüll/ vnd federwat
 Vnd hat alles das im würt syn not
 Darff nit anrüssen glück für gott
 Ein narz wünscht synen schaden dick
 Syn wunsch würt oft syn vnglück

e liij



Wer nit die rechten kunst studiert
 Der selb im wol die schellen riert
 Vnd würt am narren seil gefiert



Von unuützem studieren.

Der studenten ich ouch nit fyr
 Sie hondt die cappen vor zū stür

.XXXVI.

Wan sie allein die streiffen an
Der zipffel mag wol nacher gan
Dan so sie solten vast studieren
So gondt sie lieber bübelieren
Die iugent acht all kunst gar klein
Sie leren lieber yetz allein
Das vnnütz vnd nit fruchtbar ist
Das selb den meisteren ouch gebrist
Das sie der rechten kunst nit achten
Vnnütz geschweiz allein betrachten
Ob es wöll tag syn/oder nacht
Ob hab ein mensch/ein esel gemacht
Ob Sortes oder Plato louff
Solchler/ist yetz der schüler kouff
Sindt das nit narren vnd gangz dumb
Die tag vnd nacht gondt do mit vmb
Vnd krüzigen sich vnd ander lüt
Kein bessere kunst achten sie nit
Darumb Origenes/von in
Spricht/das es sindt die frösch gesyn
Vnd die hundes mucken die do handt
Gedurechet/Egipten landt
Do mit so gat die iugent hien
So sindt wir zu Lypz/Erfort/Wyen
Zu Heidelberg/Wentz/Basel/gstanden
Kommen zu lest doch heim mit schanden
Das gelt ist verzeret do
Der truckery sindt wir dan fro
Vnd das man lert vff tragen wyn
Dar vß würt dan ein Henselyn
So ist das gelt geleit wol an
Studenten capp will schellen han



Der. XXVIII. narz. Folio.

Solt gott nach vnserem willen machen.
Vbel gieng es in allen sachen.
Wir würden weinen me dan lachen.



Von wider gott reden.
Der ist ein narz / der macht ein für:
Das er dem sunnen schyn geb stür:

XXXVII.

Oder wer sackeln zündet an
Vnd wil der sunnen glast zü stan
Vil mer der gott strafft vmb syn werck
Der heist wol Henn von Narzenberg
Dan er all narzen übertrifft
Syn narzheit gibt er in geschriffte
Dan gots genad vnd fürsichtigkeit
Ist so vol aller wissenheit
Das sie nit darff der menschen ler
Oder das man mit rüm sie mer
Darumb o narz/was straffst du gott
Dyñ wyßheit ist gen im ein spott
Laß gott thün synem willen nach
Es sy gütthat/straff/oder rach
Laß wittern in laß machen schön
Dan ob du ioch darumb bist hön
So geschicht es doch nit deßter ee
Dyñ wünschen thut allein dir wee
Darzu versündest dich gar schwer
Vil weger dir geschwigen wer
Wir betten das syn wil der werd
Als in dem hymel/so vff erd
Vnd du narz wilt in straffent leren
Als ober sich an dich müßter en
Gott weißt all ding baß ordinieren
Dan durch dyñ narrecht fantisieren
Das iüdisch volck das lert vns wol
Ob gott wöl das man murmeln sol
Wer was syn rat geb zü der zyt
Do er all ding schuff/macht vß nüt
Wer hat im geben vor vnd ee
Der rüm sich des/vnd straff in me:



Wer vff syn frumkeit halt allein
Vnd ander urteilt böß vnd klein.
Der stoßet sich oft an herte stein



Der ander lüt urteilt.

Der ist ein narz der sich vertröst
Vff won/vnd meint er sy der gröst

XXXVIII.

Vnd weißt nit das in einer stunde
Syn sel fert tieff in hellen grundt
Aber den trost hat yeder narz
Er meint nit syn der nechst der far
Wan er schon ander sterben sicht,
Bald hat ein vrsach er erdicht
Vnd kan sagen/der thet also
Der was zu wild/der selten fro
Der hat diß/vnd ihens gethon
Darumb hat in gott sterben lon
Vnd vtheilt einen nach sym tod
Der villycht ist in gottes genod
So er in grösseren sünden lebt
Wider gott vnd syn nechsten strebt
Vnd fürcht darumb nit straff vnd büß
Vnd weißt doch/das er sterben müß
Wa/wen/vnd wie/ist im nit künde
Biß das diesel fert vß dem munde
Doch gloubt er nit das sy ein hell
Biß er hin yn kumpt über die schwel
So wirt in dan der syn vff gon
So sie in mitt der flammen ston
Ein yeden dunckt syn leben gut
Allein das hertz gott kennen thut
Für böß schetzt man oft manchen man
Den gott doch kent/vnd lieb wil han
Mancher vfferden würt geert
Der nach sym todt zu hellen fert
Ein narz ist wer gesprechen thar
Das er rein sy von sünden gar
Doch yedem narzen das gebriß
Das er mit syn wil das er ist



Wem nach vil pfründen hie ist not
 Des esel felt medaß er got
 Vil seck die sindt des esels todt



Von vile der pfründen.

Der ist ein narz / wer hat ein pfrün
 Der er allein kum recht mag thün

XXXIX.

Vnd ladt noch vff so vil der sect
Bis er den esel gantz ersect
Ein zynlich pfründt nert einen wol
Wer noch ein nympt der selb der sol
Acht hon/das er ein oug bewar
Das im das selb nit ouch vß far
Dañ wa er noch ein darzū nympt
Wirt er an beiden ougen blind
Darnach kein tag noch nacht hat rñw
Wie er on zal vff nem darzū
Als ist dem sack der boden vß
Bis er fert in das gerner huß
Aber man thut yetz dispensieren
Dardurch sich mancher ist versieren
Der meint das et sy sicher gantz
So eilff vnglück wirt syn schantz
Mancher vil pfründen besitzent thut
Der nit wer zū ein pfründtlin gut
De mer allein wol recht möcht thūn
Der bestelt/duscht koufft so manig pfrūn
Das er verrirt dick an der zal
Vnd thut im also we die wal
Vff wölcher er doch sitzen well
Do er müg syn ein gut gesell
Da ist ein schwer sorglich collect
Warlich der tod im hasen steckt
Selten man pfründen yetz vß gyt
Symon vnd Hysi louffen mit
Merck/wer vil pfründen haben well
Der letzten wart er in der hell
Do wirt er finden ein presentz
Die me thut/dañ hie sechs absentz



Wer singt Cras/Cras/glych wie ein rapp
Der blybt ein narz biß in syn grapp
Dorn hat er noch ein grösser capp



Von uffschlag lüchen.

Der ist ein narz/dem gott yn gyt
Das er sich bessern sol noch hüt

.XXXX.



Vnd sol von syuen sünden lan
Ein besser leben fahen an
Vnder im selbs sucht ein vffschlag
Vnd nympt zil vff ein andern tag
Vnd singt Cras/Cras/des rappen gsang
Vnd weist nit/ob er lebt so lang
Dardurch sindt uaren vil verlor
Die all zyt sunge/morn/morn/morn
Was sündt an trifft vnd nartheit suht
Do ylt man zu mit grossen lust
Was gott an trifft/vnd recht ist gethon
Das wil gar schwerlich naher gon
Vnd sucht ein vffschlag im all zyt
Bychten ist besser morn dan hüt
Morn wendt wir erst recht leren thun
Also spricht mancher verlornen sün
Das selb morn/kumpt dan nimmer me
Es flucht vnd schmiltz gleich wie der schne
Bis das die sel nym blyben mag
So kumpt dan erst der mornig tag
So wirt von we der lyb getrenckt
Das er nit an die sel gedencckt
Also verdurben in der wist
Der iuden vil/der keiner müst
Noch solt kummen in das landt
Das gott verhieß mit syner handt
Wer hüt nit geschickt zu rüwen ist
Der sündt morn me das im gebrist
Wen hüt berüfft die gottes stym
Der weist nit/ob sie morn rüffim
Der sindt vil tusent yetz verlor
Die meinten besser werden morn



FRIS D3

Der hüt der hewschreck an der sunn
 Vnd schüttet wasser in ein brunn
 Wer hüttet das syn frow blyb frum



Von frowen hietten.

Vil narzentag vnd selten güt
 Hat/wer syner frowen hietten thüt

.XLI.

Dañ wölch wol wil/die thüt selb recht
Wölch übel wil/die macht bald schlechte
Wie sie zū wegen bring all tag
Ir böß fürnemen vnd anschlag
Leit man ein malschloß schon dar für
Vnd beschluß all rigel/tor/vnd thür
Vnd setz ins huß der hütter vil
So gat es dañ naher als es wil
Was halff der thurn darin Dane gieng
Dar für/do sy ein kindt entpsien
Penelope was fry vnd loß
Vnd hett vmb sich vil büler groß
Vnd was ir man zweintzig iar vß
Bleib sy doch frum/in irem huß
Der sprach allein das er noch sy
Vor betrügnüß syner frowen fry
Der hab syn frow ouch lieb vnd holt
Den syn frow nie betriegen wolt
Ein hübsche frow die ein nârrin ist
Ist glych ein roß dem oren gebrist
Wer mit der selben eren wil
Der macht krummer fürchen vil
Ein frumme frow sol haben geberd
Ir ougen schlagen zū der erd
Vnd nit hoffwort mit yederman
Tryben/vnd yeden göflen an
Noch hören alles das man ir seit
Vil kupler gont in schaffes kleit
Hett nit Helena vß Paris giff
Ein antwurt geben in geschriff
Vnd Dido durch ir Schwester ann
Sie werent beid on frembde mann



Wer durch die finger sehen kan
Vnd laßt syn frow ein andern man
Do lacht die katz die müß sieß an



Von eebzuch.

Lebrechen wigt man als gering
Als ob man schnellts kiselng

XLII.

Ebruch/das gesatz yetz gantz veracht
 Das keiser Julius hat gemacht
 Man fürcht kein pen noch straff yetz me
 Das schafft das die sindt in der ee
 Zerbrechen krieg vnd hâsen glych
 Vnd kratz du mich/so kratz ich dich
 Vnd schhwyg du mir/so schwyg ich dir
 Man kan wol halten finger für
 Die ougen/das man sehe dar vß
 Vnd wachend thûn als ob man ruß
 Man mag yetz lyden frowen schmach
 Vnd gat darnach kein straff noch rach
 Die man n/starck mâgen hondt im landt
 Sie mügen downen gar vil schandt
 Vnd thûn als etwan thet Catho
 Der lech syn frow Hortensio
 Wenig sindt den gat yetz zû hertz
 Vß ebruch sollich leidet/sorg/vnd schmertz
 Als Atrydes straffen mit recht
 Do in ir wyber warent geschmecht
 Oder als Collatinus thet
 Das man Lucretz geschmâhet hett
 Des ist der ebruch yetz so groß
 Clodius beschlüßt all weg vnd stroß
 Der yetz mit geißlen die wol strich
 Die vß dem ebruch rûmen sich
 Als man Salustio gab lon
 Mancher der würd vil schnatten hon
 Gieng yedem ebruch sollich plag nach
 Als dan Abymelech geschach
 Vnd den sînen Benyamyn
 Oder darnach gieng sollich gewîñ



Folio.

Als David geschach mit Bersabee
Wanthen glust brechen nit die ee
Wer lyden mag das syn frow sy
Im eebruch/ vnd er wont ir by
So er das wißlich weißt vnd sicht
Den halt ich für kein wysen nicht
Er gibt ir vrsach mer zu fall
Darzu die nachpuren mumlen all
Er hab mit ir teil vnd gemein
Sy bring ouch in den rōroub heim
Sprech zu im Hans myn gütter man
Kein lieberr wil ich/ wann dich han
Ein tag den müssen gern nach gat
Wann sie einest angebissen hat
Wölch hat vil ander man versücht
Die würt so schamper vnd verrücht
Das sie kein scham noch ere me acht
Ir müet will sie allein betracht
Ein yeder lüg das erso leb
Das er syner frow kein vrsach geb
Er halt sie fründtlich/ lieb vnd schon
Vnd sörcht nit yeden glocken thon
Noch kisel mit ir nacht vnd tag
Lüg dar by was die glockenschlag
Dann ich das rat in trüwen kein
Das er vil gest für mit im heim
Vor vß lüg für sich dergenow
Wer hat ein hübsch/ schon/ weltlich frow
Dann niemans ist zu trüwen wol
All welt ist valsch vnd vntrüw vol

XLIII.

Menelaus hett syn frow behan
Hett er Paris do vßhin gelan
Hett Agamemnon nit zû huß
Gelassen syn fründe & gîstus
Vnd den vertruwt / hoff / güt / vnd wyb
Er wer nit kummen vmb syn lyb
Glych wie Candales der thor groß
Der zeigt syn wyb ein andern bloß
Wer nit syn freud mag haben allein
Dem gschicht recht / das sie werd gemein
Darumb sol man hon für das best
Obeelüt nit gern haben gest
Vor vß / den nit zû truwen ist
Die welt steckt vol beschiff vnd list
Wer argwon hat / der gloubt gar bald
Das man thû das im nit gefalt
Als Jacob mit dem rock beschach
Den er mit blüt besprenget sach
Aswerus gedacht das Almon meint
Hester geschmähen / der doch weint
Abraham vorcht syner frowen ere
Dañ er ye kām gon Gerare
Weger ein schmiertzler in sym huß
Dañ brietten frembde eyer vß
Wer vil vßfliegen wil zû wald
Der würt zû einer grassmucken bald
Wer brennend kol in gözen leit
Vnd schlangen in sym büßen treit
Vnd in syner reschen zlicht ein muß
Sollich gest londt wenig nutz im huß

f. 67

Der. XXXIII. narz. Folio.

Manchen dunckt / er wer witzig gern
Vnd ist ein ganz doch / hür als fern
Dañ er kein zucht / vernunft / wil lern



Narz hür als fern.
Ein narz ist der vil güttes hört
Vnd würt syn wyßheit nit gemört

XLIII.

Der all zyt begert erfaren zū vil
Vnd sich dar von nit besseren wil
Vnd was ersicht wiler hon ouch
Das man merck/das er sy ein gouch
Dā das ist aller narren gebrust
Was nū wist/all zyt thoren glust
Vnd hondt doch bald vernūw gert dran
Vnd wōllen etwas frembdes han
Ein narz ist/wer vil landt durchfert
Vnd wenig kunst noch tugent lert
Als ist ein gans geflogen vß
Vnd gagack kumpt wider zū huß
Nit genūg/das einer gewesen sy
Zū Rom/Hierusalem/Pauy
Aber do etwas geleret han
Das man vernunft/kunst/wysheit kan
Das halt ich für ein wandlen hūt
Dā ob vol crützer wer dyn hūt
Vnd kündst schyssen berlin klein
Hielt ich doch nit vß das allein
Das du vil landt ersüchet hast
Vnd wie ein kü/on wysheit gast
Dā wandlen ist kein sunder ere
Es sy dā das man sunders ler
Hett Moyses in Egipten nit
Vnd Daniel gelert die zyt
Do er was in Chaldeen landt
Sie weren nit so wol erkant
Mancher kumpt melbig zū der bycht
Der gang wys werden meint/vnd lycht
Vnd gat berāmbt doch wider hein
Vnd treit am hals ein mülenstein

Wer stet im esel hat die sporen
Der iuckt im dick biß vff die oren
Bald zürnen / stat wol zu ein thoren.



Von lychelich zürnen.

Der narz / den esel all zyt ryt.
Wer vil zürnt / do man nüt vmb gyt.

.XLV.

Vnd vmb sich schnoret als ein hunde
Kein güttig wort gat vß syn munde
Kein büchstab kan er/dan das X
Vnd meint man sol in fürchten ser
Das er müg zürnen wan er well
So spricht ein yeder gütter gesell
Wie thut der narz sich so zerryssen
Vnglück wil vns mit narren beschyssen
Er went man hab kein narren vor
Gesehen/dan Hans esels oz
Der zorn hindert eins wysen müe
Der zornig weiß nit was er thut
Archytas/do im vnrecht geschach
Von synem knecht/zu im ersprach
Ich solt das yetz nit schencken dir
Wan ich nit merckte ein zorn in mir
Des glychen Plato ouch geschach
Kein zorn von Socrates man sach
Wen lycht syn zorn in vngedult
Zücht/der felt bald in sünd vnd schuld
Gedult/senfft widerwertigkeit
Ein weiche zung bricht hertigkeit
All tugent/vngedult verschütt
Wer zornig ist der bettet nit
Vor schnellen zorn dich all zyt hit
Dan zorn wont in eins narren gemüt
Vil ringer wer eins beren zorn
Der isch syn iungen hett verlorn
Dan tulden/das ein narz dir thut
Der vff nartheit setz syn müe
Der wiss man thut gemach all zyt
Ein gäher/billich esel ryt



Wer vff syn eignen sin vß flücht
 Der selb zu den vogel nester stygt
 Das er offt vff der erden lygt



Von eigenrichtigkeit.
 Der kratzt sich mit den dornen scharff
 Wen duncket das er niemans bedarff

XLVI.

Vnd meint er sy allein so klüg
Vnd allen dingen witzig genüg
Der irr gar dick vff ebner stroß
Vnd stürt sich in ein wiltnuß groß
Das er nit lycht kumpt wider hein
Wodem der felt vnd ist allein
Zu keizer sindt vil worden oft
Die wolten nit das man sie trost
Verlassent sich vff eine kunst
Das sie cruolgent rüm vnd gunst
Vil narzen sieleut erwañ hoch
Die stigen vogel nester noch
Vnd süchten weg do keiner was
On leiter mancher nider saß
Verachtung dick den boden rürt
Vermessenheit vil schiff versürt
Nimmer erfolget nutz noch ere
Wer nit mag hon das man in ler
Die welt wolt hoer hören nie
Biß vnder giengen lüt vnd vich
Chore wolt thün das im nit zam
Darumb er mit sym volck vmb kam
Das sunder thier das frist gar vil
Wer eigens kopffs sich bruchen wil
Der selb zertrennen vnder stat
Den rock gar oft / der do ist on nat
Wer hofft dem narzenschiff entgon
Der muß das wachs in oren hon
Das brucht Vlisses vff dem möz
Do er sach der syrenen hör
Vnd er durch wyßheit von im kam
Do mit ein endt ir hochfart nam



Wer sitzet vff des glückes rad
Der ist ouch warten vall mit schad
Vnd das er etwan nem ein bad



Von unglückes fal.

Der ist ein narz der styget hoch
Do mit man sehe syn schandt vnd schmoeh

·LXVII·

Vnd ſücht ſtets ein höhern grad
Vnd gedencet nit an glückes rad
Ein yedes ding wann es vff künde
Zum höchſten / ſelt es ſelbs zu grundt
Ik ein menſch ſo hoch hie kummen mag
Der im verbiß den mornden tag
Oder das er morn glück ſol hon
Dann Clotho laßt das rad nit ſton
Oder den ſyn güte vnd gewalt
Vorn todt ein ougenblick behalt
Wer gewalt hat der hat angſt vnd not
Vil ſindt durch gewalt geſchlagen todt
Den gewalt man nit lang zyt behalt
Den man muß ſchirmen mit gewalt
Wan nit lieb iſt vnd gunſt der gemein
Do iſt vil ſorg vnd wolluſt klein
Der muß vil fürchten / der do wil
Das in ouch ſollen fürchten vil
Nun iſt vorcht / gar ein böſer knecht
Die leng mag ſie nit hütten recht
Wer hat gewalt der ſelb der ler
Lieb haben gott vnd ſüch ſyn ere
Wer gerechtigkeit halt in der handt
Des gewalt mag haben güte beſtandt
Der hat ſyn gewalt wol angeleit
Vmb des abgang man truren treit
Wie dem regierer nach des todt
(Wan ſprechen muß gelobt ſy gott)
Wer walzt ein ſtein vff in die höh
Vff den falt er vnd thut im we
Vnd wer verlaßt ſich vff ſyn glück
Der ſelt oft in ein ougenblick



Der. XXXVIII. narz .folio.

Wer krank ist / vnd lyt in der not
Vnd volget nit eines artzes rat
Der hab den schaden wie es got



Von kranken die nit volgen.
Der ist ein narz der nit verstet
Was im ein artz in nöten rat

XLVIII.

Vnd wie er recht halt syn dyger
 Die im der artzt gesetzet hett
 Vnd er für wyn das wasser nympt
 Oder des glych das im nit zympt
 Vnd lüg das er syn lust erlab
 Biß man in hin treit zu dem grab
 Wer wil der kranckheit bald entgon
 Der sol dem anfang widerston
 Dañ artzny muß würcken langē
 Wan kranckheit vast nympt überhanck
 Wer gern wil werden bald gesundt
 Der zög dem artzet recht die wunde
 Vnd lyd sich so man die vffbrech
 Oder mit meißlen daryn stech
 Oder sie hefft/wesch/oder bind
 Ob man im schon die hut abschind
 Do mit allein das leben blyb
 Vnd man die sel nit von im tryb
 Ein gütter artzt darumb nit flücht
 Ob ioch der kranck halber hin zücht
 Ein siech sich billich lyden sol
 Vffhoffnung das im bald werd wol
 Wer ein artzt in der kranckheit lügt
 Vnd in der bycht ein priester trügt
 Vnd vnwar seit sym aduocat
 Wan er wil nemen by im rat
 Der hat im selbs allein gelogen
 Vnd mit sym schaden sich betrogen
 Ein narz ist/der ein artzet sücht
 Des wort/vnd ler/er nit gerücht
 Vnd volget alter wyber rot
 Vnd laßt sich segen in den todt



FRIS. D.

Folio.

Mit kracker vnd mit narren wurtz
Des nympt er zu der hell ein sturtz
Des abergloub ist yetz so vil
Do mit man gesuntheit suchen wil
Wan ich das als zu samen such
Ich macht wol druß ein ketzer buch
Wer krank ist der wer gern gesundt
Vnd acht nit wa die hilff her kundert
Den tufel rufft gar mancher an
Das er der krankheit mocht entgan
Wan er von im hilff wartent wer
Vnd nit mißet sorgen grösser schwer
Der wirt in nartheit ganz verrücht
Wer wider gott gesuntheit sucht
Vnd die ware wyßheit gert
Das er wol wyß syn vnd gelert
Der ist nit gesundt/sunder ganz blöd
Nit wyß/sunder in thorheit schnöd
In stäter krankheit er verhart
In vnßinblinheit ganz ernart
Krankheit vß sünden dick entspringt
Die sündt vil grosser siechttag bringet
Darumb wer krankheit wil entgon
Der sol gott vor ougen hon
Lügen das er der bycht sich nach
Le er die artzny entpfach
Vnd das die sel vor werd gesundt
Le dan der lyblich artzet kumpt
Aber es spricht yetz mancher gouch
Was sich gelybt das selt sich ouch

.XLIX.

Doch würt es sich zu letzt so lyben
Das weder lyb noch sel würt blyben
Vnd werdent ewig krankheit hon
So wir der zytlich wend entgon
Vil sindt yetz ful vnd langest todt
Hetten sie vor gesüchet gott
Syn genad erworben / hilff / vnd gunst
Edaß sy süchten artzter kunst
Vnd meinten leben on syn genad
Sturben doch mit der selen schad
Hett Achabens sich verlon
Allein vff gott vnd nit vff Rom
Wie er zum ersten thet dar vor
Er hett gelebt noch lange ior
Ezechias wer gestorben todt
Hett er sich nit gekört zu gott
Vnd darumb erworben / das gott wolt
Das er noch lenger leben solt
Hett sich Manasses nit bekört
Gott hett in nimmer meer hört
Der hertz zu dem betrisen sprach
Der lange iar was gewesen schwach
Gang hin / sünd nym / nit biß ein narz
Das dir nit böfers widerfar
Mancher gelobt in krankheit vil
Wie er syn leben besseren wil
Dem spricht man do der siech genas
Do wardt er böser dañer was
Vnd meint gott do mit betrogen han
Bald gondt in grösser plagen an



Der. XXXIX. narz. Folio.

Wer öflich schlacht syn meinung an
Vnd spant syn garn für yederman
Vor dem man sich leicht hütten kan



Von öflichem anschlag.
Ein narz ist wer will sehen sparn
Vnd für ir ougen spreit das garn

•L•



Gar lycht ein vogel fliegen kan
 Das garn / das er sich vor im stan
 Wer nit dan trowen thut all tag
 Do sorg man nit / das er vast schlag
 Wer all syn rat schlecht o flich an
 Vor dem hut sich wol yederman
 Hett nit entpfrembt sich Nicanor
 Vnd anders gestelt / dan er thet vor
 Judas hett nit gmerckt syn gemut
 Vnd sich so bald vor im gehut
 Das dunckt mich syn ein wyser herz
 Der syn sach weist sunst niemans mer
 Vor vßdo im syn heil lyt an
 Es wil yetz ratschen yederman
 Vnd tryben solche kouffmanschatz
 Die vornan leckt / vnd hinden kratz
 Ich halt nit für ein wysen man
 Wer nit syn anschlag bergen kan
 Dan narren rott / vnd büler werck
 Ein statt gebuwen vff ein bergk
 Vnd strow das in den schühen lyt
 Die vier verbergen sich kein zyt
 Ein armen behalt wol heimlicheit
 Eins rychen sach / würt wyt gespreit
 Vnd würt durch vntrew hußgesinde
 Geöffnet vnd vßbracht geschwindt
 Ein yedes ding kumpt lychtlich vß
 Durch die / by ein sindt in dem huß
 Zu schaden ist ein böser syndt
 Dan die stet by ein wonent sindt
 Vor dem man sich nit hütten thut
 Bringen doch vil vmb lyb vnd gut



Wer sieht ein narzen fallen hart
Vnd er sich darnach nit bewart
Der gryfft ein narzen an den bart.



An narzen sich stossen.

Man sieht täglich der narzen sal
Vnd spottet man ir überall.

LI.

Vnd sindt verachtet by den wysen
 Die doch in narrencapp sich brysen
 Vnd schilt ein narz den andern narren
 Der doch vff synem weg thut narren
 Vnd stoßt sich do zu aller frist
 Do vor der narz gefallen ist
 Hyppomenes sach manchen gouch'
 Vor im enthaupten/doch wolt er ouch
 Sich wagen/vnd syn leben gang
 Des wer nach gesyn vnglück syn schang
 Ein blindt den andern schiltet blindt
 Wie wol sie beid gefallen sindt
 Ein krebs den andern schalt/vmb das
 Er hinder sich gegangen was
 Vnd gieng ir keiner fürsich doch
 Dañ einer gieng dem andern noch
 Ein stieff vatter volg dick vnd vil
 Wer nit sym vatter volgen wil
 Hett Phaeton syn faren gelon
 Vnd Icarus gemöcher gethon
 Vnd beid gefolgt irs vatters rot
 Sie werent nit in der iugent tod
 Welcher den weg Hieroboam
 Gieng/keiner ye zu genaden kam
 Vnd sahen doch/das plag vnd rach
 Gieng stäts on vnderlaß darnach
 Wer sicht ein narren fallen hart
 Der lüg/das er syn selbs wol wart
 Dañ das ist nit ein thorecht man
 Wer sich an narren stoßen kan
 Der fuchs wolt nit in berg vmb das
 Nie keiner wider kummen was

Ein glock on klüpfel / gibt nit thon
 Ob darin hangt ein fuchßschwanz schon
 Darumb laß red für oren gon



Mit achten uff all red.

Wer by der welt vß kummen wil
 Der muß yetz lyden kummers vil

•LII.

Vnd sehen vil vor syner thür
 Vnd hören das er gern entbür
 Darumb in groſſem lobdie ſton
 Die ſich der welt hondt abgethon
 Vnd ſindt durch gangen berg vnd tal
 Das ſie die welt nit brächt zū val
 Vnd ſie villycht verſchuldten ſich
 Doch laßt die welt nit on ſtich
 Wie wol ſie nit verdienen kan
 Das ſie ſollich lüt ſol by ir han
 Wer recht zū thün den willen hett
 Der acht nit was ein yeder redt
 Sunder blyb vff ſym fürnem ſtyff
 Ker ſich nit an der narren pſyff
 Hetten propheten vnd wyſſagen
 Sich an nachred by iren tagen
 Kert/vnd die wyſſheit nit geſeit
 Es wer in yetz langſt worden leit
 Es lebt vfferden yetz kein man
 Der recht thün yedem narren kan
 Wer yeder man kündt dienen recht
 Der müſt ſyn gar ein güter knecht
 Vnd früg vor tag darzū vff ſton
 Vnd ſelten wider ſchlaffen gon
 Der müß mel hon/vil medañ vil
 Wer yedems mul verſtoſſen wil
 Dañ es ſtat nit in vnſerem gewalt
 Was yeder narz red/klaſſ/oder kalt
 Die welt müß tryben das ſie kan
 Sie hats vor manchem me gethan
 Ein gouch ſingt guckguck vil vnd lang
 Wie yeder vogel ſyn geſang

Es ist der narren güt entberen
Die all zyt mit stein werffen geren
Vnd wende kein straff noch wyßheit leren



Von spott vögelen.

Ir narren/wöllen von mir leren
Anfang der wyßheit/vorcht des herren

LIII.

All kunst der heiligen ist gespreit
In den weg/der fürsichtigkeit
Von wyßheit würt der mensch geert
Von ir all tag/vnd iar gemert
Ein wyser ist nütz der gemein
Ein narz syn kolben treit allein
Vnd mag vor wyßheit hören nit
Er spott der wysen zu aller zyt
Wer ein spott vogel leren wil
Der macht im selbs gespöttes vil
Wer strafft ein böshafftigen man
Der henckt im selbs ein spätlin an
Ein wysen straff/der hört dich geren
Vnd ylt/von dir nie wyßheit leren
Wer ein gerechten straffen thut
Der hat von im syn straff für gut
Der vngerecht schendet vil
Vnd würt doch selbs beschendt by wyl
Der häher ein spott vogel ist
Vnd ist doch vil das im gebrist
Wan man ein spötter würfft für thür
So kumpt mit im all spott hin für
Vnd was er zant vnd speywort trybt
Das dan vor der thüren blybt
Hett David nit syn selbs geschont
Nabal wer syns gespöts gelont
Sannabalach syn spotten ruwt
Do man die mur Hierusalem buwt
Die in dt wurden von Beren getödt
Die glazet schulten den prophet
Semey hat noch gar vil sün
Die gern mit steinen werffen thün



Der. XLIII. narz. Folio.

Das ich allein zytlichs betracht
Vnd vff das ewig hab kein acht
Das schafft/ein aff hat mich gemacht



Verachtung ewiger freud.
Ein narz ist/wer berümet sich
Das er gott ließ syn hymelrych

LIII.

Begerend / das er leben mag
In nartheit / biß an iüngsten tag
Vnd blyben möcht ein güt gesell
Er far ioch dan / wa gott hin well
Ach narz / wer doch vfferd ein freyd
Die wert ein tag vnd nacht on leyd
Das sienit wurd verbittert dir
So möcht ich gedencen doch in mir
Das du möchst hon et was vrsach
Die doch wer narrecht klein vnd schwach
Dan der hat warlich thorecht glust
Wen hie die leng zu leben lust
Do nüt ist dan das iamertal
Kurtz freud / vol leidt steckt überall
Gedencken sol man wol do by
Das hie kein blyblich wesen sy
Die wyl wir farent alles andt
Von hinnen / in ein frembdes landt
Vil sindt vorhin wir kummen noch
Wir müssen gott anschowen doch
Es sy zu freuden oder straff
Darumb sag an du thorechts schaff
Ob grösser narz ye kām vfferdt
Dan der / wer solliches mit dir gerdt
Du wünschest v on gott schendtelich
Vnd würst dich scheiden ewigklich
Ein honigtröpflin dir gefalt
Vnd würt dort gall hon / tusentfalt
Ein ougenblick / all freud hie sindt
Dort ewig freud vnd pyn man findt
Wölch freuelich tryben sollich wort
Den salt ir anschlag / hie vnd dort



Wer vogel/hundt/inn kirchen fiert
 Vnd ander lüt/amz betten irt
 Der selb/den gouch wol strycht vnd schmiert



Gebrecht in der kirchen.
 Wandarff nit fragen/wer die sygen
 By den die hundt in kirchen schrygen

LV.

So man mess hat/predig/vnd singt
 Oder by den der habich schwingt
 Vnd thut syn schellen so erklingen
 Das man nit betten kan noch singen
 So muß man huben dan die hätzen
 Do ist ein klappern vnd ein schwätzen
 Do muß man richten vß all sachen
 Vnd schnip schnap/ mit dē holzschüch mache
 Vnd sunst vil vnsür mancher handt
 Do lügt man wa frow cryemhilt stant
 Ob sy nit wöll her vmbher gassen
 Vnd machen vß dem gouche ein affen
 Ließ yederman syn hundert im huf
 Das nit ein dieb stillet was dar vß
 Die wyl man wer zu kirchen gangen
 Ließ er den gouch ston vß der stangen
 Vnd brucht die holzschüch vß der gassen
 Do er ein pfenning wert dreck möcht fassen
 Vnd töubt nit yederman die oren
 So kant man erwan nit ein thoren
 Doch die natur gibt yedem yn
 Klarheit wil nit verborzen syn
 Christus der gab vns das exempel
 Der treib die wechßler vß dem tempel
 Vnd die do hetten turben seil
 Treib er in zorn vß mit ein seil
 Solter yetz offen sündt vß tryben
 Wenig in kirchen würden blyben
 Er sieng gar dick am pfarzer an
 Vnd würd biß an den messner gan
 Dem huf gottes heiligkeit zu stat
 Do gott der herz syn wonung hat



Wen in das feür syn müitwill bringe
 Oder sunst selbs in brunnen springt
 Dem geschicht recht ob er schon ertrinckt



Von müitwilligem ungefell
 Mancher narz ist der do bettet stett
 Vnd thut (als in dunck) and ächt gebett

·LVI·



Mit rüffen zū gott überlüt
 Das er kum von der narren hut
 Vnd wil die cappen doch nit lan
 Er zücht/siet ägliche selber an
 Vnd meint/gott wöll in hören nit
 So weist er selbs nit was er bit
 Wer mit müit wil in brunnen springt
 Vnd söchtend das er drin ertringt
 Schryg vast/das man ein seil im brecht
 Syn nachpur sprech/es geschicht im recht
 Erst gefallen selbs daryn
 Er möcht hie vß wol bliben syn
 Empodocles in sollich narzheit kam
 Das er vß Ethna sprang in flam
 Wer in heruß solt gezogen hon
 Der hett im gewalt vnd vnrecht gethon
 Dañ er in narzheit was verrücht
 Er hett es doch nie versücht
 Alst hüt wer meint das gottes stym
 In ziehen sol mit gewalt zū im
 Im geben genad/vnd gaben vil
 Sich darzū doch nit schicken wil
 Mancher fürloufft im selbs syn tag
 Das gott in nym erhören mag
 Dañ er im nym die genaden gyt
 Das er üt fruchtbars von im bit
 Wer bett/vnd weist nit was er bett
 Der blaßt den windt/vnd schlecht die schett
 Mancher im gebett von gott begert
 Im wer leidt das er würd gewert
 Wer lebt in eim sörglichen stat
 Der hab den schad wie es im gat



Narzheit hat ein groß gezele
 By ir lāgert die gantz welt
 Vor vß/ was gewalt hat/ vnd vil gele



Von dem gewalt der narren.
 Es ist not das vil narren sindt
 Dañ vil sindt an in selbs erblinde

LVII.

Die mit gewalt wendt witzig syn
Do yeder man sich vnd ist schyn
Ir narzheit doch niemandt gethar
Zu in sprechen / was thüstu narz
Vnd wañ sie groffer wyßheit pflegen
So ist es vast von der göuch wegen
Vnd wañ sie niemans loben wil
So loben sie sich dick vnd vil
So doch der wyßman gibt vrkunde
Das / lob stinckt / vß ein eignen munde
Wer in sich selbs vertruwen setz
Der ist ein narz vnd thorecht götz
Wer aber wyßlich wandlen ist
Der würt gelobt zu aller frist
Die erd ist selig / die do hat
Ein herzen der in wyßheit stat
Des rat ouch ist zu rechter zyt
Vnd süchen nit wollust / vnd gyt
We we dem erdtrych / das do hat
Ein herzen / der in kindtheit gat
Des fürsten essen morgens frug
Vnd achten nit was wyßheit tüg
Ein arm kindt / das doch wyßheit hat
Ist besser vil in synem stat
Dañ ein künig / ein alter thor
Der nit fürsicht die künfftigior
We den gerechten über we
Wañ narzen stigen in die höh
Aber wañ narzen vndergondt
Gar wol die gerechten dan gestondt
Das ist dem gangen landt ein ere
Wañ vß dem gerechten würt ein herz





Aber doch wann ein narz regiert
 So werden vil mit im verfiert
 Der thut mit recht wer an gericht
 Durch fründtschafft ein ins antlit sich
 Der selb ouch vmb ein bißten brot
 Warheit vnd gerechtigkeit verlor
 Recht vnteilen / stat ein wysen wol
 Ein richter niemans kennen sol
 Rat vnd gericht / hat keinen fründe
 Susannen richter noch vil sindt
 Die mit will tryben / vnd gewalt
 Gerechtigkeit die ist vast kalt
 Die schwert die sindt verrostet beid
 Vnd wollen nym recht vß der scheid
 Noch schnyden me do es ist not
 Gerechtigkeit ist blindt vnd todt
 All ding dem gelt sindt vnd ethon
 Jugurtha do erscheid von Rom
 Do sprach er / o du feile stat
 Wie werest du so bald schoch vnd matt
 Wann du ein kouffman hetest allein
 Wan sindt der stet noch me dan ein
 Do man handtschmierung gern vffnympt
 Vnedar durchthut vil das nit sympt
 Diet / fründtschafft / all warheit vwbkert
 Als Moysen syn schweher lert
 Pfening / nydt / fründtschafft / gwalt / vñ gunst
 Zerbrechen yetz / recht / brieff / vnd kunst
 Die fürsten waren etwan wys
 Hetten alt rat / gelet / vnd gryß



FRIS. D3

b ij

Der. XLVI. narz. folio.

Vil thündt in thorheit hie beharren
Vnd ziehen vast ein schweren karren
Dort würt der recht wag naher faren




Von dem weg der seligkeit.
Gott laßt ein narren nit verston
Syn wunder/die er hat gethon

LIX.

Vnd täglich thut/darumb verdürbt
 Gar mancher narz der zytlich stürbt
 Hie/vnd dort ist er ewig todt
 Das er nit lernet kennen gott
 Vnd leben nach dem willen syn
 Hie hat er plag/dort lydt er pyn
 Hie müßer bürd des karren tragen
 Dort würt er ziehen erst im wagen
 Darumb narz/nit frag nach dem steg
 Der füret vff der hellen weg
 Gar licht do hin man kummen mag
 Der weg stat offen/nacht vnd tag
 Vnd ist gar breit/glat/wol gebant
 Dañ narren vil sindt/die in gant
 Aber der weg der seligkeit
 Der wyßheit ist allein bereit
 Der ist gar eng/schmal/hört/vnd hoch
 Vnd stellen wenig lüt darnoch
 Oder die in hondt müet zü gon
 Do mit wil ich beschloffen hon
 Der narren frag die oft geschicht
 War vmb/man meder narren sicht
 Oder die faren zü der hell
 Dañ des volcks/das nach wyßheit stell
 Die welt in üppigkeit ist blindt
 Vil narren/wenig wyser sindt
 Vil sindt berüfft zü dem nachtmol
 Weniger wölt/lüg für dich wol
 Sechshundert tusent man allein
 On frowen vnd die kinder klein
 Fürt gott vß/durch des meres sandt
 Zwen komen in das gelobt landt

h üj





LX.

Ein gesellen schiff fert yetz do her
 Das ist von handwercks lütren schwer
 Von allen gewerben vnd hadtieren
 Jeder syn geschirz thut mit im sieren
 Kein handwerck stat mein syn werd
 Es ist als überleit / beschwerdt
 Jeder knecht / meister werd en wil
 Des sindt yetz aller handwerck vil
 Mancher zu meisterschafft sich fert
 Der nie das handwerck hat gelert
 Einerdem andern werckt zu leidt
 Vnd trybt sich selbs dick über die heide
 Das ers wolfeil erzügen kan
 Des müßer oft zum thor vßgan
 Was diser nit wil wolfeil gen
 Do findt man sunst dry oder zwen
 Die meinen das erzügen wol
 Thündt doch nit arbeit / als man sol
 Dañ man hin sudlet yetz all ding
 Das man sie geben müg gering
 Do by mag man nit lang zyt blyben
 Thür kouffen vnd wolfeil vertryben
 Mancher ein andern macht ein kouff
 Der blybt / so er zum thor vßloufft
 Vff wolfeil gen / gat yederman
 Vnd ist doch gang kein werschafft dran
 Dañ wenig kosten man dran leit
 Vnd würt als vff die yl bereit
 Das es allein ein muster hab
 Do mit die handwerck gondt vast ab

h iij



Folio.

Mügent nit wol ernerer sich
Was du nit thüst/das thü doch ich
Vnd leg daran kein kost noch wyl
Echt ich allein müg machen vil
Ich selbs/das ich die warheit sag
Mit disen narren hab ich vil tag
Vertriben/ee ichs hab erdicht
Noch sindt sie nit recht zu gericht
Ich hett bedörfft noch lenger tag
Kein güet werck yl erlyden mag
Der maler der Apelli bracht
Syn tassel die er bald hett gemacht
Vnd sprach er hett geylet do mit
Fandt er in bald on antwurt nit
Er sprach die arbeit zeygt wol an
Das du hast wenig fleyß gethan
Vnd wunder ist das du nit vil
Der glych hast gemacht in kurtzer wyl
Kein arbeit het nie güet zur yl
Den stich es nit wol lyden mag
Zweintzig par schüch vff einen tag
Ein dutzent ägen vß bereiten.
Vil wercken vnd vff borg dan beiten.
Vertrybt gar manchen oft das lachen.
Böß zymmerlüt vil spänen machen.
Die müerer thündt gern groesse brüch
Die schnyder thündt gar wytte stich
Do würt die nat gar leitig von
Die Trucken in dem braß vmbgon.
Vff einen tag/ein wochen lon.

.LXI.

Verzeren/das ist ir gefert
Iz arbeit ist doch schwer vnd hert
Mit trucken/vnd bosselieren
Mit setzen/strychen corrigieren
Vfftragen/mit der schwarzen kunst
Vorbrennen/in des feüres brunst
Vnd ryben die/vnd sygen spitzen
Vil sindt die lang in arbeit sitzen
Machen doch nit dest besser werck
Das thut sie sindt von assenberck
Vnd hondt die kunst nit bass gelert
Mancher in disem schiff gern fert
Dan es sindt vil gut bossen drin
Die groß arbeit vnd kleinen gewin
Hondt/vnd verzeren das doch lycht
Dan in ist wol by der wynsycht
Vffrüfftigs/hondt gar wenig sorg
Wan man allein in gibt vff borg
Mancher ein blegschkouff machen kan
Do er nit vil gewinnet an
Man kan yetz nit verkouffen me
Man hab dan gott geschworen ee
Vnd so man lang schwört/yn vnd vß
So würt ein vischerschlag dan druß
Do by merckt man das all diß welt
Sich vast des kölschen böttichen helt
Dat halff ab/ist yetz vast der schlack
Berat dich gott/bricht kein den sack
Die handtwerck farent all do her
Noch sindt vil schifflin halber ler.



Do werdent kindt den elteren glych
Wa man vor in nit schamet sich
Vnd früg vor in / vnd häfen bricht



Böſe exempel der elteren.
Wer vor frowen vnd kinder wil
Von bülschafft / boßheit / reden vil

LXII.

Der wart das von in widerfar
Des glych/er vor in tryben thar
Kein zucht/noch ere/ist me vff erde
Kindt/frowen/leren wort vnd geberde
Die frowen das von mannen handt
Die kindt von eltern nemen schande
Vnd wāder apt die würffel leit
So findt die münch zū m spil bereit
Die welt ist yetz vol böser ler
Wan findt leider kein zucht/noch ere
Die vätter findt schuldig daran
Die frow die lert von irem man
Der sun/des vatters haltet sich
Die tochter ist der mütter glych
Darumb zū wundern niemans yl
Ob in der welt findt narzen vil
Der kreß glych wie syn vatter trit
Es macht kein wolff/kein lemlin nit
Brutus/vnd Chato findt beid todt
Des mert sich Cathelinen rott
Wyß/sittlich vätter/tugentrych
Wachen ouch kinder iren glych
Diogenes ein iungen sach
Der truncken was/zū dem er sprach
Wyn sun/das ist dyns vatters stat
Ein trunckner dich geboren hat
Es darff das man gar eben lüg
Was man vor kinden red oder tüg
Dan gewonheit/andere natur ist
Die macht/das kinden vil gebrüht
Ein yedes leb recht/in sym huf
Das ergerniß nit kum dar vß



Wollust durch einfalt manchen felt
Manchen sie ouch am flug behelt
Vil hondt ir endt darin erwelt



Von wollust.

Wollust der welt/die glychet sich
Zim iippigen wyb/die offentlich

.LXIII.

Sitz vff der strass vnd schryg sich vß
Das yeder man kum in ir hufß
Vnd syn gemeinschaft mit ir teil
Dan sie vmb wenig gelt sy feil
Bittent/das man sich mit ir yeb
In boßheit/vnd in valscher lieb
Als gondt die narren in ir schoß
Glych wie zū m schinder gat der ochß
Oder ein einfält schäflin geil
Das nit verstat/das es ins seil
Gefallen ist/vnd in die streng
Biß im der psyl syn hertz durch drenge
Gedenck narz/das es gilt dyn sel
Vnd du tieff fallest in die hell
Wan du mit ir vermeinschaffst dich
Wer wollust flucht/der würt dort ryck
Nitsüch zylich wollust vnd freud
Als Sardanapalus der heid
Der meint man solt hie leben wol
Mit wollust/freud/vnd füllen vol
Es wer kein wollust nach dem todt
Das was eins rechten narren rodt
Das er sücht so zergenglich freudt
Doch hat er war im selbs geseidt
Wer sich mit wollust überlad
Der koufft klein freud/mit schmerz vnd schad
Kein zylich wollust würt so sieß
Do von nit gall zū letst vß fließ
Der ganzen welt wollustigkeit
Endt sich zū letst/mit bitterkeit
Wie wol der meister Epycurus
Das höchst gut setzt in wollust



Der. L. narz .Folio.

Wer nit kan schwygen heimlicheit
Vnd syn anschlag ein andern seit
Dem widerfert / riu / schad / vnd leide



Heimlicheit verschwygen.
Der ist ein narz / der heimlicheit
Syner frowen oder yemans seit

.LXIII.

Dar durch der sterckest man verlor
Samson syn ougen/vnd syn hor
Es wardt verraten ouch alsus
Der wyssag Amphiarus
Dan frowen sindt/als die geschrifft seit
Bößhitterin der heimlicheit
Wer heimlich ding nit schwygen kan
Wer thut mit betrogenheit vmb gan
Vnd spant syn leffzen wie ein thor
Do hüt ein yeder wyß/sich vor
Mancher berümbt sich grosser sach
Wa er nachts vff der bülschafft wacht
Wan man sy worten recht nach gründ
Oft man in vff ein misthuff fünd
Dar vß gar dick entspringet ouch
Das man merck/wa er ätz den gouch
Dan was du wilt das ich nit sag
Schwygstu gar wol ich schwygen mag
Wagstu nit behalten heimlicheit
Die du in geheim mit hast geseit
Was begerstu dan schwygen von mir
Das du nit haben möchst an dir
Hett Achab nit syn heimlicheit
Syner frowen Jezabel geseit
Vnd hett verschwigen sollich wort
Es wer geschehen nit ein mort
Wer üt heimlichs im herten trag
Der hüt sich/das ers niemans sag
So ist er sicher das nieman
Das innen werd/vnd sag dar van
Der prophet sprach/ich wil allein
Wyn heimlicheit hon/nit gemein.



Wer durch kein ander visach me
Dan durch guts willen gryfft zur ee
Der hat vil zancs/leid/hader/we



Byben durch guts willen.
Wer schlüfft in esel/vmb das schmer
Der ist vernunft/vnd wysheit ler

.LXV.

Das er ein alt wyb nympt zur ee
 Ein güttten tag vnd keinen me
 Er hat ouch wenig freud dar von
 Kein frucht mag im dar vß entston
 Vnd hat ouch nymmer güttten tagē
 Dāñ so er sieht den pfennig sack
 Der gat im ouch dick vmb die oren
 Durch den er worden ist zū m thoren
 Dar vß entspringt ouch oft vnd dick
 Das darzū schlecht gar wenig glück
 So man das güt allein betracht
 Vff ere/vnd frumkeit/gar nit acht
 So hat man sich dāñ überwybt
 Kein frid noch fründtschafft me da blybt
 Lychter wer im syn in der wist
 Dāñ das er lang zyt wonen müst
 By ein zorn/wāhen/bösen wyb
 Dāñ sie dōrt bald des mannes lyb
 Warlich zū truwen ist dem nüt
 Welcher vmb gelt syn iugent gyt
 Sydt das im schmeckt des schmeres rouch
 Er dōrft den esel schinden ouch
 Vnd wāñ es lang zyt vmbher gat
 So findt er nüt dāñ müst vnd kat
 Vil stellent Ahabstochter nach
 Vnd fallent in syn sündt vnd rach
 Der rüfel Asmodeus hat
 Vil gwalt yetz in dem eelichen stat
 Es findt gar wenig Boos me
 Die Ruth begeren zū der ee
 Des findt man nüt dāñ ach vnd wee
 Vnd crinomurte/kratznorate



Vergunst vnd haß/wyt vmb her gar
 Wan findt groß nydt/in allem stat
 Der nythart/der ist noch nicht todt



Von nydt vnd haß.

Syndtschafft vnd/nydt macht narren vil
 Von den ich ouch hie sagen wil

.LXVI.

Der doch entspringt allein dar von
Das du vergünst mir das ich hon
Vnd du dir hertest gern das myn
Oder mir sunst nit holdt magst syn
Es ist nydt so ein tödtlich wunde
Die nimmer me würt recht gesunde
Vnd hat die eigenschafft an ir
Wan sie ir etwas ganz setz für
So hat kein rüw sy / tag noch nacht
Biß sie ir anschlag hat volbracht
So lieb ist ir kein schlaff noch freud
Das sie vergessirs herten leid
Darumb hat sie ein bleichen munde
Dürz / mager / sie ist wie ein hunde
Ir ougen rot / vnd sicht nieman
Mit gangen vollen ougen an
Das wardt an / Saul mit Dauid schyn
Vnd Joseph mit den brüder en syn
Nydt lacht nit / dan so vnder gat
Das schiff / das sie ertrencket hat
Vnd wan nydt kisset / nagt / lang zyt
So ist sie sich / sunst anders nit
Wie Ethna sich verzert allein
Des wardt Agrauros zu einem stein
Was giftt hab in im / nydt vnd haß
Das spürt man zwischen brüder en baß
Als Caym / Esau / Thyestes
Jacobs sün / vnd Ethyocles
Die trügen grösseren nydt in in
Dan weren sie nit brüder gesyn
Dan das geblüt würt so entzündt
Das es vil medan fremdes bründt

Wem sackpsysfen freud / kurtz wyl gyt
 Vnd acht der harpff vnd luten nit
 Der gehört wol vff den narzen schlic



Von ungedult der straff.

Ein gewisses zeichen der narzheit
 Ist / das ein narz nymmer vertreit

LX.VII

Noch mit gedult erlyden mag
Das man von wysen dingen sag
Ein wyser gern von wyßheit hert
Do durch syn wyßheit würt gemert
Ein sackpſyff iſt der narren ſpil
Der harpffen acht er nit vil
Kein güt dem narren in der welt
Baß dan ſyn kolb/vnd pſyff gefelt
Kum laßt ſich ſtraffen der vertert
Narren zal iſt on endt gemert
O narz gedenc zu aller frucht
Das du ein menſch/vnd tödlich biſt
Vnd nit dan leim/aſch/erdt/vnd muſt
Vnd vnder aller creatur
So hat vernunft in der natur
Biſt du das minſt/vnd ein byſchlack
Ein abſchum/vnd ein trüſſenſack
Was überhebiſt dich dyns gewalt
Dyngs adels/rychtumb/iugent/geſtalt
Sydt als das vnder der ſunnen iſt
Vnnütz iſt vnd dem wyßheit gebrüht
Weger das dich ein wyſer ſtraff
Dan dich anlach ein narrecht ſchaff
Dan wie ein brennendt diſtel kracht
Als iſt ein narz ouch wan er lacht
Selig der menſch der in im hat
All zyt ein ſchrecken/wa er gat
Der wyſen hertz/truren betracht
Ein narz allein vff pſyffen acht
Man ſing vnd ſag/man flöh vnd bit
Ab ſyn eilff ougen kumpt er nit
Vnd kein ſtraff/ler/er et was gyt

Wer artzny sich nymmet an
 Vnd doch kein bresten heilen kan
 Der ist ein gütter gouckelman



Von narzechter artzny.

Der gat wolheim mit andern narren
 Wer ein todtcranken besicht den haren

·LX·VIII

Vnd spricht/wart/biß ich dir verkünd
Was ich in mynen büchern find
Die wyl er gat zün büchern heim
So fert der siech gen todten heim
Vil nemen argeny sich an
Der keiner etwas do mit kan
Dān was krütter büchlin lert
Oder von alten wyben hört
Die hondt ein kunzt die ist gūt
Das sie all brejten heilen thūt
Vnd darff kein vnderscheid me han
Vnder iung/alt/frowen/man
Oder sycht/trucken/heiß/vnd kalt
Ein krut das hat sollich krafft/vnd gewalt
Glych wie die salb im Alabaster
Dar vß die scherer all ir pflaster
Machen/all wunden heilen mit
Es sygen geschwer/stich/brüch/vnd schnit
Herz Cucule verlaßt sie nit
Wer heilen wil mit eim vngent
All trieffent ougen/rot/verblent
Purgieren wil on wasser glas
Der ist ein arzt als Zühsta was
Dem glych/ist wol ein Aduocat
Der in keiner sach kan geben rat
Ein bycht vatter ist wol des glych
Der nit kan vnderrichten sich
Was vnder yeder maledy
Vnd geschlecht der sünden/mittels fry
Ja on vernunft/gat vmb den bry
Durch narzen mancher würt versürt
Der ee verdürbt/dān er das spürt

Der. XLV. narz. folio.

So groß gewalt vfferd nie kam
Der nit zu zytten / endt ouch nam
Wan im syn zil / vnd stündelin kam.



Von endt des gewalters.
Noch findt man narren manigfalt
Die sich verlondt vff iren gewalt

LXIX.

Als ob er ewigklich solt ston
Der doch thut/wie der schne zergon
Julius der Keiser/was genüg
Rych/mächtig/vnd von sinneu klüg
E dan er mit gewalt an sich
Bracht/vnd regiert das Römisch rych
Do er den septer an sich nam
Syn sorg vnd angst im huffecht kam
Vnd was so witzig nit an rot
Er wurd darumb erstochen todt
Darius der hett groß mächtig landt
Vnd wer wol bliben heim on schandt
Vnd hett behalten güte vnd ere
Aber do er wolt süchen mer
Vnd haben das/das syn was nit
Verlor er ouch das syn darmit
Xerxes der bracht in kriecken landt
So vil des volcks als meres sandt
Das mör mit schiffen er bedeckt
Er möcht die ganz welt hon erschreckt
Aber was wardt im medar van
Er griff Athenas grüßlich an
Glych wieder Löw/angryfft ein hün
Vnd floch doch als die hasen thün
Der künig Nabuchodonosor
Do im zü fiel me glück dan vor
Vnd er Arfayat überwandt
Meint er erst haben alle landt
Vnd setzt ein göttlich gewalt im für
Wardt doch verwandert in ein thier
Der möcht ich wol erzalen me
In alter/vnd in nūwer ee.

Folio.

Aber es dunckt mich nit syn not
Gar wenig sindt in rüwen todt
Oder die sturben an irem bett
Die man nit sunst ertödtet hett
Harby mercken ir gewaltigen all
Ir sitzen zwar in glückes fall
Sindt wiczig vnd trachtent das ende
Das gott das rad üch nit vmb wende
Vörschent den herzen/dienent im
Wa üch syn zorn ergryfft/vnd grym
Der kurzlich würt entflammen ser
Würt üwer gewalt nit blyben mer
Vnd werden ir/mit im zergon
Ixon blib/syn rad nit ston
Dan er loufft vmb von winden klein
Setlig/wer hofft in gott allein
Er felt vnd blybt nit in der höh
Der stein/den waltz mit sorg vnd we
Den berg vff/Sisyphus der thoz
Glück vnd gewalt/wert nit lang ior
Dan nach der alten spruch vnd sag
Vnglück vnphor/das wechselt all tag
Der vnrecht gewalt/nympt gründtlich ab
Als Jezabel zeigt/vnd Achab
Obschon ein herz sunst hat kein synde
Wüßer besorgen doch syn gesinde
Vnd vnderwyl syn nechsten fründe
Die bringen in vmb syn gewalt
Zambry syns herzen ryck nach skalt
Vnd thet an im mordt vnd todt schlag

.LXX.

Vnd wardt ein herz vff sibentag
Alexander all welt bezwanck
Ein diener todt in / mit ein tranck
Darius entran / vnd was on not
Bessus syn diener stach in todt
Also der gewalt sich enden thut
Cirus der tranck syn eigen blut
Kein gewalt vfferd / so hoch ye kam
Der nit ein endt mit truren nam
Nie keiner hett so mächtig fründe
Der im ein tag verheissen künde
Vnd sicher wer ein ougenblick
Das er solt hon gewalt vnd glück
Was die welt acht vffs aller best
Das würt verbittert doch zu lest
Wer überhebt sich das er stande
Der lüg vnd schlipff nit vff dem sande
Das im nit werd schad / spott / vnd schande
Groß nartheit ist vmb grossen gwalt
Dan man in selten langzyt bhalt
So ich durch süch all ryck vnd hōz
Assyrien / Meden / Persyer
Macedonum / vnd kriecken lande
Carthago / vnd der Römer stande
So hat es als gehan syn zil
Das Römisch ryck blybt so lang gott wil
Gott hat im gesetzt syn zyt / vnd moß
Der geb / das es noch werd so groß
Das im all erd sy vnderthon
Als es von recht / vnd gesatz solt han



Der. XLVI. narz. Folio.

Wer on verdienst wil hon den lon
Vnd vff ein schwachen roz wil ston
Des anschlag würt vff krebsen gon



Fürwissenheit gottes.
Man findt gar manchen narzen auch
Der serbet vß der geschrißten den gouch

.LXXI.

Noch mit gedult erlyden mag
Das man von wysen dingen sag
Vnd hat den psalter gessen schier
Biß an den verß/ Beatus vir
Weinend/ hab gott ein güts beschert
So werd im das nymmer entwert
Sol er dan faren zu der hell
So wöll er syn ein güt gesell
Vnd leben recht mit andern wol
Im werd doch was im werden sol
Narz laß von solcher fantesy
Du steckst sunst bald im narren bry
Das gott on arbeit belonung gyt
Verlaß dich druß/ vnd bach du nit
Vnd wart/ wa dir von hymel künde
Ein praten tub/ in dynen munde
Dan solt es also schlecht zu gon
So würd ein yeden knecht syn lon
Gott geb er arbeit oder nit
Das doch nit ist vfferden sitt
Warumb wolt gott dan ewig lon
Ein geben/ der wolt müßig gon
Geben ein knecht der schlaffen wolt
Syn rych vnd ein so grossen soldt
Ich sprich das vfferden niemans leb
Dem gott on gnaden etwas geb
Oder dem er sy pflichtig üt
Dan er ist vns ganz schuldig nüt
Ein freyer herz/ schenckt wem er wil
Vnd gibt vß wenig oder vil
Wie im geliebt wen gat es an
Er weist warumb ers hat gethan



Ein haffner vß ein erdt klotz macht
 Ein erlich geschürz / sunst vil veracht
 Als kachlen / hasen / wassertrüg
 Do man yn / böß / vnd güttes trüg
 Die kachel spricht nit wider in
 Ich solt ein krüg ein hasen syn
 Gott weist (dem es allein zü stat)
 Warumb er all ding geordnet hat
 Warumb er Jacob hat erwelt
 Vnd nit Esau im glych gezelt
 Warumb er Nabuchonosor
 Der vil gesünder hat lang ior
 Strafft / vnd zü rüw doch kummen ließ
 Vnd zü syn ryck / nach dem er büßt
 Vnd Pharaos mit geißlen hart
 Strafft / der do von doch böser wart
 Ein arzny macht einen gesunt
 Vnd macht den andern mer verwunt
 Dañ einer nach dem er empfandt
 Gottes straff / vnd der gewaltigen handt
 Bedacht er syn sündt mit süßzen vil
 Der ander brucht syn fryen will
 Vnd merckend gottes gerechtigkeit
 Wißbrucht er syn barmhertzigkeit
 Dañ gott nie keinen hat verlorn
 Er wüß / warumb ers hat gethon
 Wañ ers wolt als glych hon eracht
 Er hett wol nüt dañ rosen gemacht
 Aber er wolt ouch distlen han
 Do man syn gerechtigkeit sehan

.LXXII.

Der was ein nydich schalckhafft knecht
Der meint syn herz thet im vnrecht
Do er im gab syn gedingten solt
Vnd gab ein andern was er wolt
Der wenig arbeit hett gethon
Dem gab er doch ein glychen lon
Man findt gar vil gerechter lüt
Die hie vff erd hondt übel zyt
Vnd laßt in gott zu handengon
Als ob sie vil sündt hetten gethon
Dar gegen findt man narren dick
Die zu all sachen hondt vil glück
Vnd in iren sünden sindt so fry
Als ob ir werck ganz heilig sy
Das sindt die vrtail gottes heimlich
Der versach weist nieman gentslich
Je me man die gründen begert
Je minder man dar von erfert
Ob yeman schon went das ers wiß
So ist er syn doch vngewiß
Daß all dñg werden vns gespart
In künfftig/vnsicher/hinfart
Darumb laß gots fürwissenheit
Vnd ordenung der fürsichtigkeit
Ston wie es stat/thun recht vnd wol
Gott ist barmhertzig/gnaden vol
Laß wissen in/als das er weiß
Thun recht/den lon ich dir verheiß
Beharz/so gib ich dir myn sel
Zu pfandt/du kumbst nit in die hell



Wer leschen wil eins andern für
Vnd brennen laßt syn eigen schür
Der ist güt vff der narren lür



Syn selbs vergessen.

Wer groß arbeit vnd vngemach
Hat/ wie er für dere frembde sach

.LXXIII.

Vnd wie eins andern nutz er schaff
Der ist nie dan ein ander aff
So er nit in syner eignen sach
Lügt/das er flyssig sy vnd wach
Der narren blichlin billich list
Wer wyß ist/vnd syn selbs vergist
Dan der geordnete lieb wil han
Der sol an im selbs vahlen an
Als ouch Terentius vermant
Ich bin mir aller nächst verwant
Ein yeder lüg vor syner schantz
Ee er sorg/wie ein ander dang
Der wil verderben ee dan zyt
Der im nit segt/vnd andern schneyt
Vnd wer eins ander kleidt mit flyß
Süfert/vnd er das syn beschyß
Wer leschen wil eins anderen hufß
So in die flam schlecht oben vß
Vnd brent das syn in alle macht
Der hat vff syn nutz wenig acht
Der fürderen wil eins andern kartz
Vnd hinderen sich der ist ein narz
Wer sich mit frembder sach belad
Vnd selbs versumpt/der hab den schad
Wer sich des überreden lat
Dar vß in spott vnd schad entstat
Der mag die len g sich nit erwören
Der narz erwisch in by dem gören
Nach wyßheit in mit schaden leren
Dem lyt syn todt am hertsten an
Den sunst erkennet yeder man
Vnd er stirbt/vnd syn leben endt
Das er sich selbs hat erkent



Der. LVIII. narz. Folio.

Wer begert/das man im dien all tag
Vnd er doch danck vnd lon versag
Ist wol/das man im die brütschen schlag



Von undanckbarkeit.

Der ist ein narz/der vil begert
Vnd ernüt thut der eren wert

•LXXIII.

Vnd gibt ein müg/vnd arbeit vil
 Dem er doch wenig lonen wil
 Wer von einer sach wil haben gewin
 Billich setz er in synen sin
 Das er ouch kosten leg daran
 Wil anders er mit eren stan
 Gar selten in sym wesen blybt
 Ein mied roß/das man übertrybt
 Ein willig roß würt stetig bald
 Wan man das fürter im vor halde
 Wer ein vil ding zü müthen gar
 Vnd lonen nit/der ist ein narz
 Wer nit mag haben wol vergüt
 Was man vmb symlich lon im thüt
 Der sol zü zytten sich nit clagen
 Ob man im arbeit thüt versagen
 Ja sol man im die brütschen schlagen
 Wes einer wil des er genieß
 Der lüg das er ouch wider schieß
 Vnd anckbarkeit nympt bösen lon
 Siemacht den brunnen wassers on
 Ein alt zütern nit wasser gyt
 Wan man nit wasser noch dryn schütt
 Ein thüren angel gar bald fiert
 Wan man in nit mit öl ouch schmiert
 Der ist nit würdig groffer schenck
 Wer an die kleinen nit gedenc
 Dem würt billich versagt all gob
 Der vmb die klein nit saget lob
 Der heist wol on vernunft/vnd grob
 All wysen ye gehassent handt
 Den/der vnd anckbar wardt erkande



Des narzen bry / ich nie vergaß
 Do mir gefiel das spiegel glaß
 Hansesels oz / myn brüder was.



Von im selbs wol gefallen.

Der rürt im wol den narzen bry
 Wer wenet das er witzig sy

.LXXV.

Vnd gefelt allein im selber wol
 In spiegel sieht er ymmertol
 Vnd kan doch nit gemercken das
 Das er ein narren sieht im glaß
 Doch wañ er schwören solt ein eidt
 Vnd man von wyß vnd hüpschen seit
 So meint er doch er wers allein
 Wan sünd syns glych vfferden kein
 Vnd schwirouch/ini gebrest gang nüt
 Syn thün vnd lon/gefelt im all zyt
 Den spiegel er nit von im lat
 Er sitz/lig/ryt/gang/wa er stat
 Glych als der keiser Otto thet
 Der in dem stryt ein spiegel hett
 Vnd schar all tag syn backen zwilch
 Vnd wüsch sie dan mit esels milch
 Das ist ein wyber tading güt
 Kein on spiegel etwas thüt
 Le sie sich schleigere rech dar vor
 Vnd nutzen/gat wol vß ein ior
 Wem so gefelt wyß/gestalt/vnd werck
 Das ist der aff von Heidelberg
 Pygmalion gefiel syn eigen bild
 Des wardt er in nartheit ganz wild
 Hett sich Marcissus spiegelet nit
 Er hett gelebt noch lange zyt
 Manches sieht stets den spiegel an
 Sicht doch nüt hüpsches darin stan
 Wer also ist ein narrecht schaff
 Der lydt ouch nit das man in straff
 Jagat er in syn wesen hin
 Vnd wil mit gewalt/nit witzig syn



Das best / am danczen / ist das man
 Mit yemend arthut für sich gan
 Vnd ouch by zyt vmbtören kan



Von danczen.

Ich hielt nach die für narzen ganz
 Die freud vnd lust hondt in dem dantz

LXXVI.

Vnd louffen vmb/als weren stoub
Wid fuß zu machen in dem stoub
Aber so ich gedenck dar by
Wiedanz/mit sündt entsprungen sy
Vnd ich kan mercken vnd betracht
Das es der tûfel hat vffbracht
Do er das guldin kalb erdacht
Vnd schüß das gott wardt ganz veracht
Noch vil er mit zu wegen bringe
Vß danczen vil vnrats entspringt
Do ist hochart/vnd üppigkeit
Vnd für louff der vnluerekeit
Do schleyßt man Venus by der hende
Do hat allerberkeit ein ende
So weiß ich ganz vff erdterich
Kein schympff der sy ein erst so glych
Als das man danczen hat erdacht
Vff kirchwyh/erste mess ouchbracht
Do danczen pfaffen/münch/vnd leyen
Die kut muß sich do hinden reyen
Do loufft man/vnd würfft vmbher rein
Das man hochsicht die blossen bein
Ich wil der ander schandt geschwygen
Der dancz schmeckt baß dan essen sygen
Wan cûnz mit Wägen danczen mag
In hungert nit ein ganzen tag
So werden sie des kouffes eins
Wie man ein bock geb vmb ein geiß
Sol das ein kurtz wyl syn genant
So hab ich narzheit vil erkant
Vil warten vff den dancz lang syt
Die doch der dancz ersettiget nit

Wer villust hat wie er hosier
 Nachts vff der gassen / vor der thür
 Den glust das er wachent erfrier



Von nachtes hosieren.

Jetzt wer schier vß der narren dantz
 Aber das spil wer nit als gang

.LXXVII.

Wan nit hie weren ouch die löffel
Die gassen treiter / vnd die göffel
Die durch die nacht kein rüw wendt hon
Wan sie nit vff der gassen gon
Vnd schlagen luten vor der thür
Ob gucken wöll die mäg her für
Vnd kummen vß der gassen nit
Biß man ein kammer loug in gyt
Oder sie würfft mit ein stein
Es ist die freud in warheit klein
In winters nacht also erfrieren
So sie der göuchin thündt hofieren
Mit seitten spil / mit psysen singen
Am holzmarckt über die blöcher springen
Das thündt studenten / psaffen leyen
Die psysen zu dem narren reyen
Einer schrygt / iuchget / brölt / vnd blört
Als ob er yetz undt würd ermört
Ie ein narz do dem andern seyt
Waer muß warten vff bescheit
Do muß man im dan hoffrecht machen
Als heimlich haltet er syn sachen
Das yederman do von muß sagen
Die vischers vff den küblen schlagen
Mancher syn frow laßt an dem bett
Die lieber kurtz wyl mit im hett
Vnd dantz er an dem narren seil
Nympt das güttend / so darff es heil
Ich schwyg der / den das selb gyt freydt
Das sie louffen im narren kleidt
Wan man ein narren gyene hieß
Mancher sich an den namen stieß



Ich vorcht mir gieng an narzen ab
Vnd hon durch sücht den bettel stab
Klein wyßheit ich do funden hab



Von betlern.

Der bettel hat ouch narzen vil
All welt die richt sich yetz vff gyl

LXXVIII.

Vnd wil mit betlen neren sich
Pfaffen/münchs orden sindt vast ryck
Vnd clagent sich/als weren sie arm
Hü bettel/dases gott erbarm
Du bist zü notturfft vfferdacht
Vnd hast groß huffen zamen bracht
Noch schrygt der prior trag her plus
Dem sack dem ist der boden vs
Des glychen thündt die heilthum fürer
Stirnenstöffer/stationierer
Die nienan kein kirchwyh verligen
Vffder sie nit öflich vßschrygen
Wiedas sie fieren in dem sack
Das hew/das tieff vergraben lagt
Vnder der kripff zü Bettlehein
Dassie von Balams esel bein
Ein feder von sant Michels flügel
Duch von sant Jörgen roß ein zügel
Oder die buntschlich von sant Claren
Mancher thut betlen by den iaren
So er wol wercken möcht vnd künde
Vnd er iung/starck ist/vnd gesunt
Wan das ersich nit wol mag bucken
Im steckt ein schelmen bein im rucken
Syn kindt die miessent iung daran
On vnderlaß züm bettel gan
Vnd leren wol das bettel geschrey
Er brech in eein arm entzwey
Oder egt in vil bläger bülen
Do mit sie künden schrygen hülen
Der sitzen vier vnd zweintzig noch
Zü Straßburg in dem dummenloch



Folio.

On die man setz in weisen kassen
Über betler thündt selten vassen
Zu Basel vff dem kolenbergk
Do tryben sie vil bübenwerck
Iz rotweischsy im terich handt
Iz gefügnarung durch die landt
Jeder stabyl ein höznüttten hat
Die voppen/ferben/ditzengat
Wie sie dem prediger gelt gewin
Der lüg/wa sie der Joham grym
Durch alle schöcherboß er loufft
Mit rybling/innen ist syn kouff
Biß er beseuelet hie vnd do
So schwengzt er sich dan anderswo
Veralchend über den breichart
Stilt er all breitfuß vnd flughart
Der sie flößlet/vnd lüßling abschneit
Grantner/klant/vetzer/füren mit
Ein wild begonschafft der welt
Ist/wie man stelt yetz vff das gelt
Herolden/sprecher/Pargi sand
Die strafften etwan öflich schandt
Vnd hetten dar durch eren vil
Ein yeder narz yetz sprechen wil
Vnd tragen stäblin rich vnd glat
Das er werd von dem bettel satt
Ein wer leidet das gantz wer syn gwandt
Betler beschyssen alle landt
Einer ein silberin kelch muß hon
Do alltag sibem maßyn gon

.LXXIX.

Der gat vff krucken so man sicht
Wan er allein ist / darffers nicht
Diser kan fallen vor den lütten
Das yederman tüg vff in thütten
Der lechnet andern ir kinder ab
Das er ein grossen huffen hab
Mit körb ein esel thüt bewaren
Als wolt er zü sant Jacob faren
Der gat hinken / der gat bucken
Der bindet ein bein vff ein krucken
Oder ein gerner bein in die schlucken
Wan man im recht lügt zü der wunden
So sech man wie er wer gebunden
Züm bettel laß ich mir der wyl
Dan es sindt leider betler vil
Vnd werden stets ye me vnd me
Dan betlen das thüt nieman we
Ondem / der es zü not müß tryben
Sunst ist gar güt ein betler blyben
Dan betlen des verdürbt man nit
Vil begondt sich wol zü wyßbrot mit
Die trincken nit den schlechten wyn
Es müß Kynsal / Elßässer syn
Mancher verlaßt vff betlen sich
Der spilt bübt halt sich üppigklich
Dan so er schon verschlembt syn hab
Schlecht man im betlen doch uit ab
Im ist erloubt der bettel stab
Vil neren vßdem bettel sich
Die me gelts hondt dan du vnd ich



Der. LXIII. narz. Folio.

Mancher der ritt gern spat vnd frů
Kündt er vor srowen kummen zů
Die lont dem esel selten růw



Von bösen wybern.

In myner vorred hab ich gethon
Ein gezügnüß / protestation

.LXXX.

Ich wöll der güten frowen nicht
 Wit arg gedencen in myn gedicht
 Aber man wüß bald von mir clagen
 Solt ich nit von den bösen sagen
 Ein frow die gern von wyßheit hört
 Die würt nit licht in schandt verkört
 Ein güet frow / senft des mannes zorn
 Assuerus hett ein eedt geschworn
 Noch macht in Hester weich vnd lündt
 Abygayl senft Dauid gschwindt
 Aber böß frowen / gend böß rät
 Als Ochasyas mütter thet
 Herodias ir tochter hieß
 Das man den töuffer köpfen ließ
 Salomon durch frowen rät verkeret
 Wardt / das er die abgötter eret
 Ein frow ist worden bald ein hätz
 Wan in sunst wol ist mit geschwätz
 Vnd lipep / schnädern / tag vnd nacht
 Pyeris hat vil iungen gemacht
 Den ist gelupt die zung so wol
 Das sie dick brennet wie ein kol
 Diß clagt / diß klappert / diß lügt
 Die richt vs / als das stübt vnd flüget
 Die ander kisset an dem bett
 Der eeman selten frid do hett
 Wüß hören predig ouch gar oft
 So manch barfüßer ligt vnd schlofft
 Es zücht die strecktag mancher man
 Der doch das mer teil nach müß lan
 Manch frow ist frum vnd beschyd genüg
 Vnd ist dem man allein zu klüg



Folio.

Das sie nit von im lyden mag
Da ser sie etwas ler/vnd sag
Gar dick ein man zu vnglück künde
Allein durch syner frowen munde
Als Amphyon zu Teba geschach
Do er syn kindt all sterben sach
Wan frowen solten reden vil
Calphurnia kem bald ins spil
Ein böß frow stets ir bößheit eygt
Die frow der Joseph dient/das zeygt
Kein grösseren zorn man yemant spirt
Dan so ein wybs bild zornig würt
Die wüttet/wie ein löwin stüt
Der man die iungen nemen thut
Oder ein berin/die do seygt
Medadas/vnd Progne zeygt
Wan man die wyßheit ganz durch gründe
Kein bitterer krut vfferd man findt
Dan frowen der hertz ist ein garn
Vnd strick/dar yn vil thoren farn
Durch dry ding würt die erd erschüt
Das vierd das mag sie tragen nit
Ein knecht der worden ist ein hertz
Ein narz der sich hat gefüllet ser
Ein nydisch böß vnd giftig wyb
Wer die vermählet synem lyb
Das vierd all fründtschafft ganz verderbt
Ein dienst magt die ir frowen erbt
Dry ding man nit erfüllen mag
Das vierd schrygt stets/her zu her trag

LXXXI.

Ein frow / die hell / das erdtrych
 Das schluckt all wassers güß in stich
 Das feür spricht nymmer / hör vff nüt
 Ich hab genüg / trag nym her zü
 Dyr ding ich nüt erkennen kan
 Des vierden weiß ich gantz nüt van
 Wan in dem lufft ein adler flücht
 Ein schlang die vff ein felsen krücht
 Ein schiff das mitten gat im mer
 Ein man der noch hat kindescher
 Des glych der weg einer frowen ist
 Die sich züm ebruch hat gerüst
 Die schleckt / vnd wüschet den mundt gar schon
 Vnd spricht / ich hab nüt böses gethon
 Ein rinnent tach zü winters frist
 Ist glych ein frow die zantisch ist
 Hell / vnd segt üfel hat genüg
 Wer mit einer solchen zücht im pflug
 Daschy hat vil nachkomen gelan
 Die wenig achten vff ir man
 Des wybs wil ich geschwygen gar
 Die zürichten ein süpplin getar
 Als Poncia vnd Agrippina
 Belides vnd Clytemestra
 Die ir man erstachen an dem bett
 Als Pheres syn hufffrow thet
 Gar selgen ist Lucrecia
 Oder Cathonis Porcia
 Vppiger frowen findt man vil
 Dan Thais ist in allem spil



Der. LXIII. narz. Folio.

Vil abergloub man yetz erdicht
Was künfftig man an den sternenn sicht
Ein yedernarz sich dar vffricht



Von achtung des gestirn.
Der ist ein narz der me verheißt
Dañ er in sym vermügen weißt

.LXXXII.



Oder dan er zu thun hat mit
Verheissen ist dem arzet gut
Aber ein narz verheist ein tag
We/dan all welt geleisten mag
Vff künfftig ding man yetz vast lende
Was das gestirn vnd firmament
Vnd der planeten louff vns sag
Oder gott in sym rat anschlag
Vnd meinent/das man wissen soll
Als das gott mit vns würcken woll
Als ob das gestirn ein notturfft bring
Vnd im nach müsten gon all ding
Vnd gott nit herz vnd meister wer
Der eins lycht macht/das ander schwer
Vnd laßt das vil Saturnus kindt
Dannocht gerecht/frum/heilig sindt
Dar gegen Sunn/vnd Jupiter
Hondt kindt die nit sindt boßheit ler
Ein christen menschen nit zu stat
Das er mit heiden kunst vmbgat
Vnd merck vff der planeten louff
Oder diser tag sy gut zum kouff
Zu buwung/krieg/machung der ee
Zu fründtschafft/vnd des glychen me
All vnser wort/werck/thun vnd lon
Vß gott/in gott/allein sol gon
Darumb gloubt der nit recht in gott
Der vff das gestirn solch glouben hott
Das ein stundt/monat/tag/vnd ior
So glücklich sy/das man dar vor
Vnd nach/sol groß anfahren nit
Wan es nit geschicht die selben zyt



Folio.

Das es dan nym geschen mag
Dan es sy ein verworffen tag
Vnd wer nit etwas nūwes hat
Vnd vmb das nūw iar singen gat
Vnd grien tann ryß steckt in syn huß
Der meint er leb das iar nit vß
Als die Egiptier hielten vor
Des glychen zū dem nūwen ior
Wem man nit etwas schencken thut
Der meint das ganz iar werd nit gut
Vnd des glych vngloub allerley
Mit warsagen / vnd vogel geschrey
Mit character / sagen / treümerbüch
Vnd das man by dem monschyn süch
Oder der schwarzen kunst nach stell
Nit ist das man nit wissen well
So yeder schwur es felt im nit
So felt es vmb ein puren schrit
Nit vß der sternen louff allein
Sie sagen / ia ein yedes klein
Vnd aller mynst im fliegen hirn
Wil man yetz sagen vß dem gestirn
Vnd was man redet / raten werd
Wieder werd glück hon / was geberd
Was willen / zūfall der tranckheit
Freulich man vß dem gestirn yetz seit
In nartheit ist all welt ertoubt
Ein yeden narren man yetz gloubt
Vil practick vnd wyssagend kunst
Gat yetz vß der trucker gunst

·LXXXIII·

Die trucken alles das man bringet
Was man von schanden sagt vnd singet
Das gat nun als on straff do hin
Die welt die will betrogen syn
Wan man solch kunst yetz trib vnd lert
Vnd das nit in vil boßheit kert
Oder sunst brächt schad der sel
Als Moyses kundert vnd Daniel
So wer es nit ein böse kunst
Ja wer sie würdig rüms vnd gunst
Aber man wyssagt mir/das vich sterb
Oder wie wyn vnd korn verderb
Oder wan es schnyg oder reg
Wan es schön sy/der windt weg
Puren fragen nach solcher geschriffte
Dan es in zü gewin antrifft
Das sie korn/hindersich vnd wyn
Halten/bis es werd durer syn
Do Abraham laß solche büch
Vnd in Chaldea sternen sücht
Waser der gesicht/vnd trostes an
Die im gott sant in Chanaan
Dan es ist ein lychtfertigkeit
Wa man von solchen dingen seit
Als ob man gott wolt zwingen mit
Das es müß syn/vnd anders nit
Gottes lieb verloschen ist vnd gunst
Des sücht man yetz des tüfels kunst
Do Saul der künig was verlan
Von gott/rüfft er den tüfel an

Der. LXV. narz. Folio.

Wer vß mißt hymel / erd / vnd mer
Vnd darin sücht lust / freud / vnd ler
Der lüg / das er dem narren wer



Von er farung aller landt.
Ich halt den ouch nit yrel wyß
Der all syn sîn leit / vnd syn flyß

.LXXXIII.

Wie er erkund all stett/vnd landt
Vnd nympt den zirkel in die hand
Das er dar durch berichtet werd
Wie breit/wie lang/wie wyt die erd
Wie tieff/vnd verz sich ziech das mör
Vnd was enthalt den letsten spör
Wie sich das mer zü endt der welt
Halt/das es nit zü tal abfelt
Ob man hab vmb die gantz welt für
Was volcks wone vnder yeder schnür
Ob vnder vnsern füßsen lüt
Duch sygen/oder do sy nüt
Vnd wie sie sich enthalten vff
Das sie nit fallen in den lufft
Wie man vß mit ein stecklin rech
Das man die gantz welt durch sech
Archimenides der wußt des zil
Der macht im buluer/kreis vnd zil
Do mit er vil vßrechnen künde
Vnd wolt nit vffthün synen munde
Er vorcht es gieng ein blast dar von
Das im an kreissen ab würd gon
Vnd eer reden wolt ein wort
Ließ er ee das er wurd ermort
Der messen kunst was er behend
Kund doch vßrecken nit syn end
Dycearchus der fleiß sich des
Das er die höh der berg vß meß
Vnd fand das Pelyon höher was
Dañ alle berg die er ye maß
Duch maß er nit mit syner handt
Die Alpen hoch im Schwytzer landt

Folio.

Was ouch nit wie tieff wer das loch
Do hin er müß/vnd sitzet noch
Ptholomeus rechnet vß mit gradt
Was leng vnd breit das erdtrych hatt
Die leng zücht er von orient
Vnd endt dieselb in occident
Das hundert/achtzig grad er acht
Sechzig vnd dry/gen mitternacht
Die breit vom equinoxial
Gen mittentag/ist sie me schmal
Zweintzig vnd fünff er findet gradt
Des landts so man erkundet hat
Plinius recht das mit schritten vß
So machet Strabo mylen druß
Noch hat man sydt her funden vile
Landt/hinder Norwegen vnd Thyle
Als Islandt vnd Pylappen landt
Das vorhin als nit was bekant
Duch hat man sydt in Portigall
Vnd in Hispanien überall
Goldt/inßlen funden/vnd nacket lüt
Von den man vor wußt sagen nüt
Marinus/nachdem mer/die welt
Rechnet/vnd hat dran gar wußt gefelt
Plinius der meister seit
Das es sy ein vn synnigkeit
Wollen die groß der welt verston
Vnd vffer der by wylen gon
Vnd rechnen bißhinder das mer
Darin menschlich vernunft irt ser

LXXXV.

Das sy solchem nachrechen all zyt
Vnd kan sich selb vßrechen nit
Vnd meint das er die ding verstat
Das die welt selb nit in ir hat
Hercules setz in das mer
Zwo sülen (als man seit) von ere
Die ein die endet Affricam
Die ander vacht an Europam
Vnd hett groß acht vff end der erd
Wußt nit/was endt im was beschert
Dañder all wunderwerck veracht
Der wardt durbh frowen list vmbbracht
Bachus zoch vmb mit grossen hōz
Durch alle landt der welt vnd mōz
Vnd was allein der anschlag syn
Das yederman lert trincken wyn
Wa man nit wyn vnd reben hett
Do lert er machen bier vnd mett
Sylenus der verlag sich nit
Im narzenschiff für er ouch mit
Vnd sunst iufft kindt vnd megen vil
Mit grosser freüdt vnd seitenspil
Er ist ein trunckner schlemmmer gesyn
Das im so wol was mit dem wyn
Er dörfst nit arbeit hon ankert
Dan hett sunst trincken wol gelert
Dan trybt mit brassen vil schandt
Jez fert er erst recht vmb im landt
Vnd macht manchen im prasz verrücht
Des vatter nie kein wyn versücht



Folio.

Aber was wardt Bacho dar von
Er müß zu leß von gesellen gon
Vnd faren hin do er yetz trinckt
Das im me durst/dan wollust bringt
Wie wol die heiden in darnoch
Erten als gott/vnd hielten hoch
Von denen kummen ist sydthar
Das man im landt vmb bächten far
Vnd thüt im ere nach synem todt
Der vns vil üfels hat vffbrocht
Die bößgewonheiten werent lang
Was vnrecht ist nympt überhang
Dan darzu sters der tüfel bläst
Das man syn dienstbarkeit nit laßt
Do mit ich ouch yetz widerumb
Vff myn matery vnd fürnemen kumb
Was not wont doch ein menschen by
Das er süch größers dan er sy
Vnd weist nit was im nutz entspringt
Wan er erfart schon hohe ding
Vnd nit die zyt syns todes kent
Die wie ein schatt von himmen rent
Ob schon diß kunft ist gewiß vnd wor
So ist doch das ein grosser thor
Der in sym sün wigt so gering
Das er wöll wissen frembde ding
Vnd die erkennen eigentlich
Vnd kan doch nit erkennen sich
Duch gedencet nit wie er das erler
Er sücht allein rüm/weltliche ere

LXXXVI.

Vnd gedencet nit an das ewigrych
Wiedas wyt ist/schön/wunderlych
Darin dan ouch vil wonungsinde
Vffirdischs yeder narz erblinde
Vnd sücht syn freüdt/vnd lust darin
Des er me schad hat dan gewin
Vil hondt erkundt/verz/frembde lande
Do keiner nie sich selbs erkandte
Wer wyß würd als Vlisses wart
Do er lang zyt für vff der fart
Vnd sach vil lande/lüt/stett/vnd mer
Vnd mert sich stat in gütter ler
Oder als het Pythagoras
Der vß Memphis geboren was
Duch Plato durch Egipten zoch
Kam/in Italam darnoch
Do mit er yemer täglich lert
Das syn kunst/wyßheit/würd gemert
Appolonius durch zoch all ort
Wa er von geleerten sagen hort
Den stelt vnd zoch er täglich noch
Das er in künsten würd me hoch
Fandt allenthalb das er me lert
Vnd das er vor nit hett gehört
Wer yetz solch reiß vnd landtsarthe
Das er zu nam in wyßheit stet
Dem wer zu übersehen baß
Wie wol doch nit genüg wer das
Dan wem syn sin zu wandlen stot
Der mag nit genzlich dienen gott



Der. LXVI. narz. Folio.

Der narz Marsyas der verloz
Das man im abzoehut vnd hoz
Hielt doch die sackpsyff / nach als vor




Nit wollen ein narz syn.
Die eigenschafft hat yeder narz
Das er nit kangenemen war


·LXXXVII·

Das man syn spott/darumb verlor
Der narz Marsyas/hut vnd hor
Aber narzheit ist so verblent
Ein narz zu allen zytten went
Er sy witzig/so man syn lach
Vnd ein iustädig vß im mach
Stelt er sich ernstlich zu der sach
Das man in ouch für witzig halt
Biß die psyff vß dem er mel falt
Wer vil güt hat/der hat vil fründe
Dem hilfft man redlich ouch zu sünde
Ein yeder lüg wie er in schindt
So lang das wert/biß er würt arm
So spricht er heu/das gott erbarm
Wie het ich vor/nachlouff so vil
Kein fründt ist/der mich trösten wil
Hett ich das vor by zyt betracht
Ich wer noch ryck/vnd nit veracht
Ein großthorheit ist das fürwar
Welcher verthüt in einem iar
Do er syn tag solt leben mit
Das er das üppigklich vß gyt
Vnd meint/zytlich fürabent hon
Das er mügnachdem bettel gott
So im dan stoß vnder syn hend
Armüt/verachtung/spott/ellend
Vnd er zerrissen loufft vnd bloß
So kumpt im dan der rüwstoß
Wol dem/der im fründt machen kan
Vß güt/das er doch hie muß lan
Die in trösten vnd by im ston
So er ist allenthalb verlorn



Folio.

 Dar gegen ist mancher narz vfferd
Der sich an nympt nartzscher geberd
Vnd wañ man in ioch schünd vnd sütt
So künd er doch ganz nüt dar mit
Dañ das er erwan die oren schütt
Wil nartzisch syn mit allem flyß
Doch niemans gefelt syn narzen wyß
Wie wol er glychein narzen thüt
Nympt doch syn schympff niemans für güt
Duch sprechen von im etlich gesellen
Der narz wolt sich gern nartzisch stellen
So kan er weder wyß noch geberd
Er ist ein narz vnd niemans werd
Vnd ist ein selzen ding vfferd
Mancher wil syn ein witzig man
Der sich nympt der thorheit an
Vnd meint das man in riemen sol
Wañ man spricht der kan narzheit wol
Dar gegen sindt vil narzen ouch
Die vßgebret hat ein gouch
Die wellen von der wyßheit sagen
Es sy gehowen oder geschlagen
So went sie witzig syn gezelt
So man die doch für narzen helt
Wañ man ein narzen knütschet klein
Als man dem pfeffer thüt im stein
Vnd stieß in darin ioch lang ior
So blib er doch ein narz als vor
Dañ yedem narzen das gebrist
Das wonolff/btriegolffs brüder ist



•LXXXVIII.

Mancher der ließ sich halber schinden
 Vnd im alle viere mit seilen binden
 Das im allein gieng gelt dar vß
 Vnd er vil goldts hett in sym hus
 Der lyt ouch das er leg zü bett
 Vnd er der rychen siechtag hett
 Vnd man in wie ein büben schilt
 Eht er dar von hett zyns vnd güle
 Mit zymlich nieman benügen wil
 Wer vil hat/der wil hon zü vil
 Vß rychtumb übermüt entsprünge
 Rychtumb gar selten demüt bringe
 Was sol ein dreck wañ er nit stincke
 Vil sindt allein/die hondt kein kindt
 Kein brüder noch sunst nahe fründe
 Vnd hören nit vff arbeitenn doch
 Ir ougen sült kein rychtumb ouch
 Noch gdencken nit/wem werck ich vor
 Hab übel zyt ich gouch vnd thor
 Gott gibet manchem rychtumb vnd ere
 Vnd gbrüst syner sel nüt anders mer
 Dañ das im gott nit dar zü gyt
 Das er das bruch zü rechter zyt
 Duch das nit niessen zymlich getar
 Ja es ein frembden füller spar
 Tantalus sitzt in wassers lust
 Vnd hat an wasser doch gebrüst
 Wie wol er sicht die äpfel an
 Hat er doch wenig freüdt dar van
 Das schafft/das er im selbs nüt gan



Der. LXVII. narz. folio.

Wer kindt vnd narzen sich nympt an
Der sol ir schympff für güt douch han
Er muß sunst mit den narzen gan



Schymppff nit verston.

Der ist ein narz der nit verstōt
Wan er mit einem narzen redt

LXXXIX.

Der ist ein narz der widerbilt
Vnd sich mit einem truncken schilt
Mit kindt vnd narren schympffen wil
Vnd nit vffnemen narren spil
Wer wil mit iägeren gon der hetz
Wer köglen will/der selb vffsetz
Der hül/der by den wolffen ist
Der sprech ich lieg/dem nütz gebrist
Wort gendt vmb wort/ist narren wyß
Güts gendt vmb böß hat hohen bryß
Wer gibt das böß vmb güttes vß
Dem kumpt böß/nymmer vß dem huß
Wer lachet des ein ander weint
Dem kumpt des glych/so ers nit meint
Ein wyser gern byn wysen stat
Ein narz mit narren gern vmbgar
Das niemans lyden mag ein narz
Das kumpt vß synem hochmüt dar
We leidt geschicht ein narren dran
Das er sicht etlich vor im gan
Dan er hab freüd/das im sunst all
Nach gangen/vnd zün füßen fall
Vnd das du merckest/wie ich es mein
Ein stoltzer wer gern herz allein
Aman hett nit grossen glust
Das yederman in anbettust
Als er het t leidt/das in ein man
Nit bettet Wardocheus an
Nit not das man narren vffmerckt
Wan spürt ein narren an sym werck
Wer wyß wolt syn (als yeder sol)
Der gieng der narren müßig wol



Der. LXVIII. narz. Folio.

Der würfft in die höh den ball
Vnd wartet nit des widerfall
Wer will die lüt erzürnen all



Böß thun und nit warten.
Der ist ein narz der andern thut
Das er volckem mag hon für güt

Lüg yeder/was er andern tlig
 Was in do mit ouch wol benlig
 Wie yeder vor dem wald yn bilt
 Des glych im all zyt wider hilt
 Wer ander stossen wil in sack
 Der wart ouch selbs des backen schlagt
 Wer vilen seit was yedem gebrist
 Der hört gar oft ouch wer er ist
 Wie Adonisedech hat gethon
 Vil andern/als wardt im der lon
 Beryllus sang selber in der kü
 Die er hett andern gerüstet zü
 Des glych geschach ouch Busyris
 Diomedi vnd Phalaris
 Mancher ein andern macht ein loch
 Daryn er selber fallet doch
 Ein galg ein andern macht Aman
 Do er wardt selbs gehencket an
 Truw yedem wol/lüg doch für dich
 Dan warlich/truw ist müßlich
 Lüg vor was hinder yedem steck
 Wol rruwen/ritt vil pferdt hin weck
 Nit is mit einem nydschen man
 Noch wöllest mit im zü tisch gan
 Dan er von stundt an überschlacht
 Das du nie hast in dir gedacht
 Er spricht zü dir/fründt is/vnd trinck
 Doch ist syn hertz an dir gantz linc
 Als ob er sprech/wol günd ichs dir
 Als hets ein dieb gestolen mir
 Mancher der lacht dich an in scherz
 Der dir doch heimlich äß dyn hertz



Wer nit im summer gablen kan
 Der muß im winter mangel han
 Den beren dang dick sehen an



Mit fürsehen by zyt.
 Wan findt gar manch nachgültig mensch
 Das ist so gar ein wettertrensch

•XCI•

Das es sich nienan schicken kan
 Zu allem das es fahet an
 Kein ding by zytten er bejtelte
 Nit übernächtigs er behele
 Da n̄ das er sunst so hinleß ist
 Das er nit gedencet was im gebrist
 Vnd was er haben muß zur not
 Dañ so es an ein treffen got
 Nit wyter gedencet er vff all stunde
 Dañ von der nase/biß in munde
 Wer in dem summer samelen kan
 Das er den winter müg bestan
 Den nenn ich wol ein wysen sūn
 Vnd wer im summer nit wil thūn
 Dañ schlaffen all zyt an der sunnen
 Der muß hon gūt/das vor ist gewonnen
 Oder muß durch den winter sich
 Behelffen etwan schlechtiglich
 Vnd an den dapen sugen hört
 Biß er des hungers sich erwört
 Wer nit im summer machet hew
 Der loufft im winter mit geschrey
 Vnd hat zur samen gebunden seil
 Ruffend/das mau im hew geb seil
 Der trägt im winter vngern ert
 Im summer/betlens ersich nert
 Vnd muß lyden manch übel zyt
 Vnd heischt vil wenig man im gyt
 Ler narz/vnd würd der omeyß glych
 In gütter zyt versorg du dich
 Das du nit miess est mangel hon
 Wañ ander lüt zu freunden gon



Der. LXX. narz. Folio.

Har dick der hechlen / er entpsinde
Wer stets zacket wie ein kinde
Vnd meint die warheit machen blinde



Zancken und zu gerichte gon.
Vonden narren wil ich ouch sagen
Die in einer yeden sach wend tragen

.XII.

Vnd nüt mit lieb londt kummen ab
 Do man nüt vor/ein zancck vmb hab
 Do mit die sach sich lang verziech
 Vnd man der gerechtigkeit entfliech
 Londt sie sich bitten/tryben/manen
 Echten/verlytten/vnd verbannen
 Verlassent sich/das sie das recht
 Wol büngen/das es nüt blyb schlecht
 Als ob es ein wächsin naß
 Nüt denckendt/das sie sindt der haß
 Der in der schryber pfeffer künde
 Der vogt/gewalthaber/vnd für munde
 Vnd aduocat/muß zu symtisch
 Dar von ouch hon ein schläglin visch
 Die kynnen dan die sach wol breitten
 Vnd ir garn nach dem wiltprat spreitten
 Das vs ein sächlin/würt ein sach
 Vnd vs ein rünßlin/werd ein bach
 Wan muß yetz köstlich redner dingen
 Vnd sie von verzen landen bringen
 Das sie die sachen wol verklügen
 Vnd mit geschwätz/ein richter btriegen
 So muß man dan vil tag an stellen
 Do mit der tagsoldt müg vffschwellen
 Vnd werd verritten/vnd verzert
 We/dan der hauptsach zu gehört
 Mancher verzert in peterle nie
 Dan im vs synem tag entste
 Noch meint er warheit also blenden
 So er die sach nüt bald laßt enden
 Ich wolt wem wol mit zanccken wer
 Das er am arß hett hächlen schwer



Der. LXXI. narz. Folio.

Wist/schamper wort anreizung gyt
Vnd stört gar oft die gütten sitt
So man zu vast die suw glock schütt



Von groben narzen.

Ein nürwer heilig heist grobian
Den wil yetz füren yederman

.XIII.

Vnd eren in/in allem ort
Mit schentlich wüß werck/wyß/vnd wort
Vnd wendt das ziehen in ein schympff
Wie wol der gürtel hat kein glympff
Herz Glympffrus ist leider todt
Der narz die suw byn oren hot
Schütt sie/das ir die suw glock kling
Vnd sied den moringer im sing
Die suw hat yetz allein den dantz
Sie halt das narzenschiff bym schwantz
Das es nit vndergang von schwer
Das doch gar groß schad vfferden wer
Dañ wa narzen nit truncken wyn
Er gilt yetz kum ein örtlin
Aber die suw macht yetz vil iungen
Die wüß rott/hat wyßheit vertrungen
Vnd laßt sie nieman zü dem brett
Die suw allein die kron vff hett
Wer wold die suw glock lytten kan
Der müß yetz syn do vornan dran
Wer yetz kan tryben sollich werck
Als trib der pfaff vom kallenberg
Oder münch ylsan mit sym bart
Der meint er tüg ein güttel fart
Mancher der trybt solch wyß/vnd wort
Wan die Horestes sech vnd hort
Der doch was aller synnen on
Er sprech es hers kein sinniger gethon
Sufer ins dorff/ist worden blinde
Das schafft/das puren truncken sinde
Herz Ellerküntz den vordantz hat
Mit wüß genüg/vnd selten satt

Folio.

Ein yeder narz wil suw werck tryben
Das man im laß die büchsen blyben
Die man vmbfürt mit esels schmer
Die esels büchs würt selten ler
Wie wol ein yeder dzyt wil gryffen
Vnd do mit schmieren syn sackpysfen
Die grobheit ist yetz kummen vß
Vnd wondt gar nach/in yedem huß
Das man nit vil vernunft me trybt
Was man yetz redt/oder schrybt
Das ist als vß der büchsen genummen
Vor vß/wan brasser zamen kummen
So hebt die suw die metten an
Die prym zyt/ist im esel thon
Die tertz ist von sant Grobian
Hutmacher knecht/singen die seyt
Von groben fultzen ist der text
Die Wüsterott sitzt in der non
Schlemmer vnd demmer darzu gon
Darnach die suw zur vesper klinge
Vnflat/vnd schamperion/dan singt
Dan würt sich machen die complet
Wan man/all vol/gesungen hett
Das esels schmaltz vnmußig ist
Mit bergen schmer ist es vermische
Das strycht ein gesell dem andern an
Den er wil in der gesellschaft han
Der wist wil syn/vnd das nit kan
Wan schon nit gott/nach erberkeit
Von allem wistem ding man seit

·XCI·III·

Wer kan der aller schamperst syn
Dem büttet man ein glaß mit wyn
Vnd lacht syn/das das huß erwag
Wan bitt in/das er noch eins sag
Wan spricht das ist/ein gütter schwanch
Do mit würt vns die wyl nit langk
Ein narz/den andern schryget an
Biß gütt gesell/vnd frölich man
fety gran schyer/ebell schyer
Was freüdt vfferd hondt sunst wir
Wan wir nit gütt gesellen syen
Londt vns syn frölich/brassen/schryen
Wir hondt noch klein zyt hie vfferd
Das vns das selb zü lieb doch werd
Dan wer mit todt abstübt/der lyt
Vnd hat darnach kein frölich zyt
Wir hondt von kein noch nie vernommen
Der von der hell sy wider kommen
Der vns doch seit/wie es do stündt
Gütt gesellschaft tryben ist nit sündt
Die pfaffen reden was sie wendt
Vnd das sie diß/vnd ihens geschendt
Wer es so sündt als sie vns schryben
Sie hetren es nit selber tryben
Wan nit der pfaff vom tüfel seit
Der hirt von wölffen clagt syn leit
So hetten sie beid nit dar von
Wie solcher red narren vmbgon
Vnd thündt mit irer groben rott
All welt geschenden/vnd ouch got
Doch werden sie zü letst zü spott

Der. LXXII. narz. folio.

Mancher stelt nach geistlichkeit
Der an thürpfaffen / closter kleit
Den es berüwt / vnd würt im leit



Von geistlich werden.

Noch hat man anders yetz gelet
Das ouch ins narzenschiff gehöret

·XIV·

Des thut sich brüchen yederman
Jeder pur wil ein pfaffen han
Der sich mit müßig gon erner
On arbeit leb/ vnd syg ein herz
Mit das er das thut von andacht
Oder vff selen heil hab acht
Sunder das er müg hon ein herzen
Der all syn geschwister müg erner
Vnd laßt in wenig dar zu leren
Wan spricht er müg lycht dar zu kinnen
Er darff nach grosser kunst nit synnen
Echt er ein pfunden kan gewynnen
Vnd wigt/priesterschaft so gering
Als obes sy ein lyktes ding
Des findt man yetz vil iunger pfaffen
Die als vil kinnen als die affen
Vnd nement doch sel sorg vff sich
Do man kum ein vertruwt ein vich
Wissen als vil von kirchen regieren
Als müllers esel kan quintieren
Die Bischoff die sindt schuldig dran
Sie soltens nit zu m orden lan
Vnd zu selforg vor vß nit
Es weren dan gang dapffer lüt
Das einer wer ein wyser hirt
Der nit syn schaff mit im verfür
Aber yetz wenent die iungen lassen
Wan sie allein ouch werent pfaffen
So hett ir yeder was er wolt
Es ist fürwar nit alles golt
Das ant dem sattel etwan glyst
Wanher die hendt daran beschyft



Vnd laßt sich iung zu priester wyhen
 Der dan sich selbst thut maledyen
 Das er nit lenger gebyttet hat
 Der selben mancher betlen gat
 Hett er ein rechte pfündt gehan
 Ze er die priesterschaft nam an
 Es wer im darzu kummen nit
 Vil wucht man durch der herzen bite
 Oder vff diß vnd ihenes tisch
 Dar aber doch ist gar wenig visch
 Man lehnet brieff ein ander ab
 Do mit / das man ein titel hab
 Vnd wenen den bischoff betriegen
 So sy mit irem verderben liegen
 Kein armer dich vfferden ist
 Dan priesterschaft / den narung gebrist
 Sie hondt sunst abzüg liberal
 Bischoff / Vicary / vnd Fiscal
 Den lehen herren / syn eigen fründt
 Die kellerin / vnd kleine kindt
 Die geben im erst rechte büß
 Das er kum in das narzenschiff
 Vnd do mit aller freud verges
 Ach gott / es haltet mancher meß
 Do wegerwer er ließ dar van
 Vnd rürt den alter nymmer an
 Dan gott acht vnser opfers nicht
 Das in sünden / mit sünden geschichte
 Zu Moysi / sprach gott der herz
 Ein pedes thier / das mach sich verz.

.XQVI.

Vnd rür den heiligen berg nit an
Das es nit grosse plag miß han
Dza der angerüret hett
Die arch\des starb er an der stett
Chore das wyrouch vaß riert an
Vnd starb / Dathan vnd Abyron
Das gewycht fleisch schmeckt manchem wol
Der wermt sich gern by closter kol
Dem doch zü letst würt feür vnd glüt
Verstanden lütten ist predigen güt
Man stoß manch kindt yetz in ein orden
Le es ist zü ein menschen worden
Vnd es verstandt ob das im sy
Güt oder schad steckt es im bry
Wie wol güt gewonheit bringet vil
Küwt es doch manches vnderwyl
Die dan verflüchen all ir fründe
Die vrsach solches ordens fundt
Gar wenig yetz in clöster gondt
In solcher ält / das sie es verstandt
Oder die durch gotz willen dar
Kommen / vnd nit medurch ir nar
Vnd hondt der geistlichkeit nit acht
All ding thündt sie dan on andacht
Vor vs in allen ördengantz
Do man nit haltet obseruantz
Solch closter kargen sindt gar geil
Das schafft man bindt sienit an seil
Doch lychter wer kein orden han
Dan nit recht thün / ein ordens man



Mancher vil kost vffiagen leit
Das im doch wenig nutz vßdreit
Wie wol er dick ein weidspruch seit



Von unnützem iagen.

Jagen ist ouch on narzheit nit
Vil zyt vertrybt man on nutz mit

·XCVII·

Wie wol es syn sol ein kurtz wyl
So darffes dannoch kosten vil
Dā leidthundt/wind/rüden/vnd brackel
On kosten füllen nit ir backen
Des glych hundt/vogel/federspil
Bringt als kein nutz vnd kostet vil
Kein hasen/rephün/sahet man
Es stat ein pfundt den iägern an
Dazū darff man vil herter zyt
Wie man im nachlouff/gang/vnd ryt
Vnd sucht all berg/tal/weld/vnd heck
Do man vor hag/wart/vnd versteck
Mancher verscheycht me dā er iagt
Das schafft/er hat nit recht gehagt
Der ander/sacht ein hasen oft
Den er hat vff dem kornmarckt koufft
Mancher der wil gar freydig syn
Wagt sich an löwen/beren/schwyn
Oder stytzt sunst den gempsen noch
Dem würt der lon zūm letzen doch
Die puren iagen in dem schne
Der adel hat kein vorteil me
Wā er dem wilpret lang nachloufft
So hats der pur heimlich verkoufft
Nembrocht zūm erst sieng iagen an
Dā er von gott ganz was verlan
Esau der iagt vmb das er was
Ein sūnder/vnd der gottes vergaß
Wenig iäger als Humpertus
findt man zetz/vnd Eustachius
Die liessen doch den iäger stot
Sunst truwten sie nit dienen gott

Wer schießen wil/der lüg vnd triff
Dañ thüt er nit die rechten griff
So schüßt er/zü dem narren schiff



Von bösen schützen.
Wolt es die schützen nit verdriessen
Ich richtrouch zü ein narren schießen

·XCVIII·

Vnd macht ein schutzrein / an den staden
Des mancher fällt / nit on syn schaden
Wazü sind gaben ouch bestellt
Der nechst bym zil der selb der helt
Zü mynst erzü verstecken künde
Doch lüg er / vnd heb nit in grunde
Noch in die höh / sunder ins zil
Wan er den zweck sunst rüren wil
Vnd thü syn anschlag nit zür yl
Vil sindt die schiessen über vß
Ein bricht der bogen / senw / vnd nuß
Der thüt am anschlag manchen schlipff
Dem ist verrückt stül oder schypff
Dem laßt das armbrust so ers rürt
Das schafft der windesad ist geschmiert
Dem steckt das zil nit glych als ee
Vnd kan syn gemerck nit haben me
Der hat gemacht gar vil der schütz
Die im doch sindt ganz wenignütz
Das schafft / im würt die suw kum wol
Wan man zü letst verschiessen sol
Kein schütz so wol sich yemer rüst
Er findt all zyt das im gebrist
Dan diß / dan ihens / do mit er hett
Ein wörwort / das syn glympff er rett
Wan er nit hett gefält dran
So hett er fry / die gab behan
Vor vß / weiß ich noch schützen mer
Wan die ein schiessen hören verz
Do hin von allen den landen lüt
Zü ziehen vß bestimpte zyt
Die besten die man finden kan

Der einer die gab kum vor wolt han
 Dañ er allschuß/halt an den zweck
 Das einer dañ ist so ein geck
 Der weißt/das er nütz gewynnet gar
 Vnd dannocht do hin ziehen thar
 Vnd do versüchen ouch syn heil
 Ich nem syn zerung für syn teil
 Ich wil des gelts im doppel geschwygen
 Die suw würt im in ermel schrygen
 Für wyßheit mancher schießen wil
 Vnd wenig treffen doch das zil
 Das schafft/man zeigt nit recht darnoch
 Der halt zu nider/der zu hoch
 Der laßt sich bringen vß dem geseyg
 Dem bricht syn anschlag ganz entzwey
 Der thut als Jonathas ein schuß
 Dem fert syn anschlag hinten vß
 Der wyßheit eben treffen wil
 Der dörrt/das er hett solche psyl
 Der Hercules hett me dañ vil
 Mit den er traff als das er begert
 Vnd was er traff viel todt zur erde
 Wer recht zur wyßheit schießen wil
 Der lüg das er halt maß vnd zil
 Dañ felt er/oder hebt nit dran
 So müßer mit dem narren gan
 Wer schießen wil vnd felt des rein
 Der treit die suw im ermel hein
 Wer iagen/stechen/schießen wil
 Der hat klein nutz/vnd kosten vil

Ritter Peter von alten ioren
 Ich muß üch gryffen an die oren
 Wir gedencet / das wir beid narren woren
 Wie wol / ir füren ritters sporen



Von grossem riemen.
 Die gäcken narren ich ouch bring

Die sich berietten hoher ding
 Vnd wöllent syn/das sie nit sindt
 Vnd wenent/das all welt sy erblinde
 Wan ken sie nit/vnd frag nit noch
 Mancher wil edel syn/vnd hoch
 Des vatter doch macht bumble bumb
 Vnd mit dem kieffer werck gieng vmb
 Oder hat sich also begangen
 Das er vacht mit einer stähelín stangen
 Oder rent mit ein iuden spieß
 Das er gar vil zú boden stieß
 Vnd will das man in iunckherz nen
 Als ob man nit syn vatter ken
 Das man sprech/meister Hans von Wentz
 Vnd ouch syn sun iunckherz Vincentz
 Vil rümen hoher sachen sich
 Vnd bochen sters zú wider stich
 Vnd sindt doch narren in der hut
 Als ritter Peter von Brundrut
 Der wil das man im ritter sprech
 Dañ er zú Curten in dem gestech
 Gewesen sy/do im so not
 Zú fliehen was/das im der tot
 So hoch syn hosen hett beschlempt
 Das man im weschen müß das hembd
 Vnd hat doch schilt vnd helm dar van
 Bracht/das er sy ein edelman
 Ein habich hat varb wie ein reiger
 Vnd vff dem helm ein nest mit eiger
 Dar by ein han/sigt in der muß
 Der wil die eiger brünnen vß
 Der selben narren findt man mer

A

Die des wendt haben gar größere
 Das sie sindt vornan gewesen dran
 Do es wolt an ein fliehen gan
 Lügten sie hinder sich all zyt
 Ob in nach kämen ouch meliut
 Mancher seit von sym fechten groß
 Wie er den stach/vnd ihenen schoß
 Der doch von im was wol als wyt
 Er thet im mit eint handt büchß nüt
 Vil stellen yetz nach edlen wappen
 Wie sie führen vil löwen dappen
 Ein krönten helm vnd guldin felde
 Die siudt des adels von Bensfelde
 Ein teil sindt edel von den frowen
 Der vatter saß in Rüprechts owen
 Syner mütter schilt gar mancher flirt
 Das er villycht am vatter irt
 Vil hondt des brieff vnd sigel güt
 Wie das sy sindt von edlem blüt
 Sie wendt die ersten syn von recht
 Die edel sindt in irem geschlecht
 Wie wol ichs nit ganz straff noch acht
 Vß tugent ist all adel gemacht
 Wer noch güt sitt/ere/tudent kan
 Den halt ich für ein edelman
 Aber wer hat kein tugent nit
 Kein zucht/scham/ere/noch güte sit
 Den halt ich alles adels ler
 Obioch ein fürst syn vatter wer
 Adel allein by tugent stat
 Vß tugent aller adel gat



Folio.

Des glych/wil mancher doctor syn
Der nie gesach Sext/Clementin.
Decret/Digest/ald institut
Dañ das er hat ein pyrmment hut
Do stat syn recht geschriben an
Der selb brieff wyßt/als das er kan.
Vnd das er güt sy vff der psyff
Darumb so stat hie doctor gryff
Der ist eingelert vnd witzig man
Er gryfft ein yeden die oren an
Vnd kan me dañ manch doctor kan.
Der ist doch in vil schülen gstanden
In nahen/vnd in verren landen
Do doch die göuch nie kamen hin
Die mit gewalt wendt doctores syn.
Man muß in doch herz doctor sagen
Darumb das sie rot rōck an tragen.
Vnd das ein affir mütter ist
Ich weiß noch ein der heist hans mist
Der wil al welt des iiber reden
Er sy zū Norwegen/vnd zū schweden
Zū Alkeyr gesyn/vnd zū Granat
Vnd do der pfeffer wechset/vnd stat
Der do nie kam so verz hin vß
Hett syn mütter do heim zū huß
Ein pfannküch/oder würst gebachen
Er het geschmeckt/vnd hören krachen.
Des rimens ist vfferd so vil
Das es zū zalen nem groß wyl
Dañ yedem narren das gebrist
Das er wil syn das er nit ist.

Der. LXXVI. narz. OI

Vil hondt zū spil grossen glust
Das sie kein kurtz wyl achten sust
Vnd merckent nit künfftig verlust



Von spileren.

Sunst findt ich narscher narren vil
Die all ir freud hondt in dem spil

Folio.

Weinent sie möchten leben nit
Solten sie nit vmb gon mit
Vnd tag/vnd nacht spilen/vnd rassen
Mit karten/würffeln/vnd mit brassen
Die ganz nacht/vß vnd vß sie sessen
Das sie nit schlieffen oder essen
Aber man muß gerruncken han
Dañ spil das zindt die leber an
Das man würt dürr/vnd durstes vol
Des morgens so entpfindt mans wol
Einer sicht wie die gütten büren
Der ander spüwet hinder die thüren
Der drit ein varb hat ansich genummen
Als wer er vß dem grab erst kummen
Oder glyßt in sym angesicht
Glych als vor tag ein schmide knecht sicht
Den kopff hat er also gebeint
Das er den ganzen tag vff geint
Als ob er fliegen sehen wolt
Keiner verdienen möcht großdolt
Das er an einer predig saß
Ein stundt/vnd er des schlaffs vergaß
Er würd den kopff schlagen in gören
Als ob der predider vß solt hören
Aber im spil gar lange zyt
Sitzen/acht man des schlaffes nit
Vil frowen die sindt ouch so blindt
Das sie vergessen wer sie sindt
Vnd das verbieten alle recht
Sollich vermischung beider geschlecht
Die mit den mannen sitzen zamen
Ir zucht/vnd geschlechtes sich nit schamen

QII.

Vnd spilen/raßlen/spat/vnd frû
 Das doch den frowen nit stat zû
 Sie solten an der kunkel lecken
 Vnd nit im spil byn mannen stecken
 Wan yeder spilt mit synem glych
 Dörfft er des minder schamen sich
 Do Alexanders vatter wolt
 Das er umb gaben louffen solt
 Dan er zû louffen vast geng was
 Sprach er zû synem vatter das
 Billich wer/das ich alles thet
 Das mich myn vatter hieß vnd bæt
 On zwyffel ich gern louffen wolt
 Wan ich mit kûngen louffen solt
 Wan dörfft darzû nit betten mich
 Wan ich hett yemans mynen glych
 Aber es ist yetz darzû kummen
 Das pfaffen/adel/burger/frum mens
 Setzen an köppels knaben sich
 Die in nit sindt an eren glych
 Vor vß die pfaffen mit den leygen
 Solten ir spil lon vnder wegen
 Wan sie echt wol betrachten das
 Ir vßsag/vnd den alten haß
 Der Nythart ist sunst vnder in
 Der rôgt sich mit verlust vnd gewin
 Vnd ouch das in verbotten ist
 Kein spil zû thûn zû aller frist
 Wer mit im selber spilen kan
 Dem dewinnet gar selten yemans an

Folio.

Vnd ist on sorg das er verlier
Oder das man im fluch böß schwier
Die wyl ich aber sagen sol
Was standt ein rechten spiler wol
Wil ich Virgilium her bringen
Der also redt von selben dingen
Veracht das spil zu aller zyt
Das dich nit betrieb der schantlich gyt
Dan spil ist ein vn Sinnig begir
Die all vernunft zerstört in dir
Irdapffern/hütten iwer ere
Das üch das spil thū nit verfer
Ein spiler muß hon gelt vnd müc
Ob er verlürt das hon für güc
Kein zorn/fluch/schwir/vßstossen gantz
Wer gelt bringt/der lüg wol der schantz
Dan mancher zu dem spil kumpt schwer
Der doch zur thüren vß gat ler
Wer spilt allein durch grossen gewin
Dem gat es selten nach sym sin
Der hat güc frid wer spilet nit
Wer spilt der muß vßsetzen mit
Wer all irten besizen wil
Vnd süchen glück vß yedem spil
Der muß wol vß zu setzen hon
Oder gat dick on gelt heim gon
Wer dry sücht hat vnd stelt nach mit
So werden vnser schwestren vier
Spil mag gar selten syn on sündt
Ein spiler ist nit gottes fründt
Die spiler sindt des rüfels kindt

Vil narzen sindt in disem truck
Die thoren sindt / in manchem stuck
Den sitzt der esel vff den ruck



Von gedruckten narzen.
So vil sindt in dem narzen orden
Das ich schier wer veressen worden.



Vnd hett des schiffes mich versumpet
 Hett mir der esel nit gerumpet
 Ich bin der den all ding thündt trucken
 Wil mich recht in winkel schmucken
 Ob mich der esel wolt verlon
 Vnd nit sters vff myn rucken ston
 Wan ich allein gedult darzu hab
 Hoffich des esels kummen ab
 Doch hab ich sunst vil gesellen gut
 Die truckt als das mich trucken thut
 Als der nit volget guttem rot
 Wer zürnet so es ist nit not
 Wer vnglück koufft/wer trurt on sach
 Wer lieber krieg hat/dan gemacht
 Wer gern sicht mütwil syner kindt
 Wer halt syn nachpuwr nit zu fründe
 Wer lydet das in truckt syn schüch
 Vnd in syn frow im wynhuß süch
 Der gehört wol in das narren büch
 Wer me verzert dan er gewint
 Vnd borget vil so im zerrint
 Wer zücht syn frow ein andern vor
 Der ist ein narz/gouch/esel/thor
 Wer gedencet die vile/der sünden syn
 Vnd was er drum müß lyden pyn
 Vnd mag doch frölich syn dar mit
 Der gehört vff den esel nit
 Sunder der esel vff syn ruck
 Das er in gantz zu boden truck
 Der ist ein narz/der sicht das gutt
 Vnd nach dem bösen stellen thut
 Hie mit sindt narren vil gethert
 Die diser esel mit im firt

Der. LXXVIII. narz. CIII

Wan ryter / schryber / gryffen an
Ein feisten / schlechten / pürschen man
Der muß die leber gessen han



Ryter und schryber.

Schryber vnd ryter / man ouch spott
Sie syen in der narren rott

Sie begondt sich nach mit glycher nar
 Der schindt heimlich/der offenbar
 Der wagt syn lyb in druck vnd naß
 Der setzt syn sel ins dinten vaß
 Der ryter stoßt vil schüren an
 Der schryber muß ein puren han
 Der feist syg/vnd müg triessen wol
 Do mit er riechen macht syn kol
 Wan yeder thet als er thün sol
 So werent sie beid geltes wert
 Diser mit federn/der mit schwere
 Wöcht man ir beid entberen mit
 Wan ob der handt nit wer ir schnit
 Vnd durch sie würd das recht versert
 Wan vß dem stetgereiß sich nert
 Die wyl aber vffeigen gewin
 Ein yeder stelt syn müit vnd sin
 Vnd wöllen verzyhen mit
 Das ichs im narzenschiff ouch für
 Ich hab sie des gebetten mit
 Ir yeder selb den für lon gyt
 Vnd wil sich vff ein nüws verdingen
 Sunst kunden vil/ins schiff zü bringen
 Schryber vnd glychfner sindt noch vil
 Die tryben yetz wild ryterspil
 Vnd neren sich kurtz vor der hande
 Glych wie die reißknecht vff dem lande
 Es ist warüchein grosse schandt
 Das man die strassen nit wil fryen
 Das bilger/kouflüt/sicher syen
 Aber ich weiß wol/was es thut
 Wan spricht/es macht das geleit vast güt

Der. LXXIX. narz. CIV

Ich bin gelouffen verz / vnd wyt
Vñtler das fläschlin was all zyt
Bis ich diß brieffden narzen büt



Narzechte bortschafft.

Ob ich der botten nun vergaß
Vnd in nit thorheit ouch zu maß

Sie manten mich ee selber dran
 Narren müssen ein botten han
 Der trag im mundt/ vnd sy nit laß
 Ein briefflin das es nit werd naß
 Vnd süberlich gang vff dem tach
 Do mit der ziegel huff nit krach
 Lüg ouch das es in nit beuile
 Weenden/ dan man im entpfilt
 Vnd was er thün sol/ vnd man heiße
 Das er vor wyn/ darumb nit weiße
 Vnd lang zyt vff der straß sich nit sum
 Do mit das im vil lüt bekum
 Vnd lüg das er zör an der nâh
 Vnd drystundt vor die brieff besâh
 Ob er künd wissen was er trag
 Vnd was er weiße/ bald wyter sag
 Vnd leg syn täsch nachts vff ein banch
 So er nympt von dem wyn ein schwanc
 Vnd kum on antwurt wider heim
 Das sindt die narren die ich mein
 Dem narren schiff louffen sie nach
 Sie finden es hie zwischen Ach
 Doch sollen sie sich des vermessen
 Das sie des fläschlins nit vergeffen
 Dan in ir leber/ vnd geschirz
 Von louffen/ liegen würt ganz dürr
 Wie güt der schne erkilung gyt
 Wan man in findt in summers zyt
 Also ergetzt ein trüwer bott
 Den/ der in vß gesendet hot
 Der bott ist lob/ vnd eren wert
 Der bald kan werben/ das man begert

Hie kummen keller/köch/cehalten
 All die des huses sorg/thündt walten
 Die redlich in dem schiffthündt schalten



Von köch und keller.

Ein bötlin erst vor vshin lieff
 Das fraget nach dem narren schiff

o ij

Dem gaben wir versaltzen suppen
 Das es dem fläschlin wol möcht luppen
 Im was zü louffen also goch
 Das fläschlin es on duren zoch
 Wir wolten im brieff geben hon
 Wolt es doch nit so lang still ston
 Des kummen wir die straß hie schlecht
 Keller/vnd köch/mägt/eehalt/knecht
 Die mit der kuchin sindt behafft
 Wir tragen all vff nach kundtschafft
 Dar vß kein duren vns bestat
 Vß vnserm seckel es nit gat
 Vor vß wañ vnser herzschaft nicht
 Zü huß iß/vnd es nieman sicht
 So schlemmen wir vnd tabernieren
 Frembde brasser/wir mit vns heim fierer
 Vnd geben da gar manchen stoß
 Der kannen/krusen/fleschen groß
 Wañ nachts die herzschaft schlaffen gat
 Vnd rigel/tor/beschlossen hat
 Do trincken wir dan nit des bösten
 Wir lassen vß dem vass/dem grösten
 Do mag man es nit wol an spüren
 Ans bett wir dan einander fiiren
 Doch thündt wir vor zwen socken an
 Das vns die herzschaft nit hör gan
 Vnd ob man schon hört etwas krachen
 Wau went die katzen thündt das machen
 Vnd wañ ein klein zyt vmbher gat
 So went der herz/das er noch hat
 In sym vasslin ein güttten trunck
 So macht der zapff dan glunck glunck glunck

·C·VII.

Das ist ein zeichen darzu/das
 Gar wenig ist me in dem vass
 Darzu wir dar vff flyßlich achten
 Wie wir zu richten vil der trachten
 Do mit den glust vnd magen reitzen
 Mit kochen/sieden/braten/schweitzen
 Mit rösten/bachen pfeffer bry
 Vol zucker/würtz/vnd specery
 Geben wir ein ein ozymell
 Der by der stegen leit gewell
 O der muß das von im purgieren
 Mit Syropen/vnd mit kristieren
 Des achten wir ganz nit zu mol
 Dañ wir ouch werden do by vol
 Vnser selbs wir nit vergessen
 Das best/wir ab dem hasen essen
 Dañ ob wir hungers sturben schon
 Wan sprech/es wer von völl gethon
 Der keller spricht/brat mir ein wurst
 Herz koch/so leschich dir den durst
 Der keller ist des wyns verrätter
 Der koch ist des tüfels bräter
 Hiethüt er gewonen by dem für
 Das im dort kummen würt zu stür
 Keller vnd köch sindt selten ler
 Sietragen vff als by der schwer
 Ins narzenschiff stat all ir beger
 Do Joseph in Egypten kam
 Der fürst der köchin zu im nam
 Iherusalem gewan Nabursadam

o üj



Der. LXXXI. narz. Folio.

Ich hett vergessen nach in mir
Das ich nit noch ein schiff yn für
Do ich der puren narzheit rür



Von pürschem vffgang.
Die puren einfalt etwan woren
Nüwlich in kurtz vergangen en ioren

.CVIII.

Gerechtigkeit was by den puren
Do sie floch vß den stett vnd muren
Wolt sie in ströwen hütlin syn
Edaß die puren truncken wyn
Den sie ouch yetz wol mügent duldē
Sie stecken sich in grosse schulden
Wie wol in korn / vnd wyn gilt vil
Nemen sie doch vff borg vnd zil
Vnd wendt bezalen nit by zytten
Man müß sie bannen vnd verlytten
In schmeckt der zwilch nit wol als ee
Die puren wendt kein güppen me
Es müß syn lündsch / vnd mechelsch kleide
Vnd gantz zerhacket / vnd gespreit
Mit aller varb wild / über wild
Vnd vff dem ermel ein gouchs bild
Das statt volck yetz von puren lert
Wie es in boßheit werd gemert
All beschiff yetz von den puren künde
Alltag hondt sie ein nüwen fundt
Kein einfalt ist me in der welt
Die puren stecken gantz vol gelt
Korn vnd wyn haltens hinder sich
Vnd anders das sie werden ryck
Vnd machen selber in ein thür
Biß das der dunder kumpt mit für
So würt verbrēit daß korn / vnd schür
Des glych by vnser zytten ouch
Ist vffgestanden mancher gouch
Der vor ein burger / kouffman was
Wil edel syn / vnd ritters genaß
Der edelman gert syn ein fry

Folio.

Der graff/das er gefürstet sy
Der fürst der kron des künigs gert
Vil werden ritter/die kein schwert
Thun bruchen für gerechtigkeit
Die puren tragen sydin kleit
Vnd guldin ketten an dem lyb
Es kumpt do her eins burgers wyb
Vil stölzer dan ein gräffin thut
Waytz gelt ist/do ist hochmüt
Was ein ganß von der andern sieht
Dar vff on vnderlaß sie dacht
Das muß man hon/es thut sunst we
Der Adel hat kein vorteil me
Wan findt eins handt werck mannes wyb
Die bessers wert treit an dem lyb
Von rock/ring/mentel/borten schmal
Dan sie im huf hat überall
Do mit verdürbt manch biderman
Der mit sym wyb muß betlen gan
Im winter trincken vß ein krüg
Das er sym wyb müg thun genüg
Wan sie hüt hat als das sie gelangt
Gar bald es vor dem köusler hangt
Wer frowen glust wil hengen noch
Den frürt gar dick so er spricht schoch
In allen landen ist groß schandt
Keinen benügt me mit sym standt
Niemand denckt me wer syn fordern woren
Des ist die welt yetz gantz vol thoren
Das ich das warlich sagen magt
Der dryspitz/der muß in den sack

Der. LXXXII. narz. CIX.

Diß narren freüt nüt in der welt
Es sy dan/das es schmeckt nach gelt
Sie gehören ouch ins narren feldt



Von verachtung armüt.
Gelt narren sindt ouch überall
So vil das man nit findt ir zal

Die lieber haben gelt dan ere
 Nach armut fragt yetz nieman mer
 Gar kum vfferd yetz kummen vs
 Die tugent hondt/sunst nit im huß
 Wan thut wyßheit kein ere mean
 Erberkeit muß verz hinden stan
 Vnd kumpt gar kum vff grünen zwyg
 Wan wil yetz das man ir geschwyg
 Vnd wer vff rychtumb flyßet sich
 Der lügouch das er bald werd rych
 Vnd acht kein sündt/mordt/wücher/schandt
 Des glych verrätery der landt
 Das yetz gemein ist in der welt
 All boßheit/sindt man yetz vmb gelt
 Gererchtigkeit/vmb gelt ist seil
 Durch gelt kem mancher an ein seil
 Wan er mit gelt sich nit abkousst
 Vmb gelt vil sündt blybt vngestrost
 Vnd sag dir tütsch wie ich das mein
 Wan henckt die kleinen dieb allein
 Ein bräm nit in dem spinwep klebt
 Die kleinen mücklin es behebt
 Achab ließ nit benügen sich
 Mit synem gantzen künigrych
 Er wolt ouch Naboths garten han
 Des starb on recht der arm frum man
 Allein der arm muß in den sack
 Was gelt gyt/das hat gütten geschmack
 Armut die yetz ist gantz vnwerdt
 Was etwan lieb/vnd hoch vfferdt
 Vnd was genem der guldin welt
 Do was niemans der achtet gelt

·OX·

Oder der etwas hett allein
 All ding die waren do gemein
 Vnd ließ man des benützen sich
 Was on arbeit das erdtrych
 Vnd die natur on sorgen trüg
 Nach dem man bruchen wardt den pflüg
 Do sieng man an/ouch gyttig syn
 Do stündt ouch vff/wer myn das dyn
 All tugent warent nach vfferdt
 Do man nüt dan zymlichs begert
 Armüt die ist ein gab von gott
 Wie wol sie yetz ist der welt spott
 Das schafft allein das nieman ist
 Der gedenc/ das armüt nüt gebrist
 Vnd das der nit verlieren magt
 Der vor nüt hat in synem sack
 Vnd das der lycht mag schwymmen wyt
 Wer nacket ist vnd an hat nüt
 Ein armer singt fry durch den walt
 Dem armen selten ist entpfalt
 Die fryheit hat ein armer man
 Das man in doch last betlen gan
 Ob man in schon sicht übel an
 Vnd ob man ioch im gar nüt gyt
 So hat er doch dest minder nit
 By armüt fandt man besseren rat
 Dan rychtumb ye gegeben hat
 Das wyset Quintus Curius
 Vnd der berümpft fabricius
 Der nit wolt haben güet noch gelt

Folio.

Sunder ere/tugent/erwele
Armüt hat geben fundament
Vnd anfang allem regiment
Armüt hat gebuwen all stett
All kunst Armüt erfunden hett
Als üfels Armüt ist wol on
All ere vß Armüt mag entston
By allen völker vß der erd
Ist Armüt/lang zyt gewesen werd
Vor vß die krieche dar durch handt
Vil stett bezwungen/lüt/vnd landt
Aristides was arm/gerecht
Epamynundas streng/vnd schlecht
Homerus was arm vnd gelet
In wyßheit Socrates geert
Phocyon in milt übertrifft
Das lob hat Armüt in der geschrifft
Das nüt vß erd ye wardt so groß
Das nit von erst vß Armüt floß
Das Römischrych/vnd syn hoher nam
Anfänglich vß Armüt her kam
Dā wer merckt/vnd gedencet do by
Das Rom von herten gebuwen sy
Von armen puren lang regiert
Darnach durch rychtumb gantz versiert
Der mag wol mercken das armüt
Rom baß hat gethon dā großes güt
Wer Cresus arm/vnd wyß gesyn
Er hett behalten wol das syn
Do man fragt Solon vmb bescheit

Ob er hett rechte seligkeit
 Dañ er was mächtig rych vnd werd
 Sprach Solon man solt hie vfferd
 Kein heissen selig vor sym todt
 Wan weißt nit was her naher got
 Wer meint das er vest standt noch hüt
 Der weißt doch nit die künfftig zyt
 Der herz sprach/üch sy we vnd leidt
 Ir rychen hondt hie üwer freüdt
 Ergötzlicheit in üwerem güt
 Selig der arm/mit freiem müet
 Wer samlet güt durch liegens krafft
 Der ist vnnütz vnd gantz zaghafft
 Vnd macht sich feist mit sym vnglück
 Das er erworgt an todes strick
 Wer einem armen vnrecht thüt
 Vnd do mit huffen wil syn güt
 Der findt ein rycheren dem er gibt
 Syn güt/so er in armüt blybt
 Nit richte dyn ougen vff das güt
 Das all zyt von dir fliehen thüt
 Dañ es glych wieder Adler gewint
 Federn/vnd flügt bald durch den windt
 Wer güt vfferden rych hie syn
 Christus wer nit der armüt gesyn
 Wer spricht das im sunst nit gebrest
 Dañ on pfenning sy syn täsch
 Der selb ist aller wyßheit on
 Im gebrüst me dañ er sagen kan
 Vnd vor vß das er nit erkent
 Das er sy ärmer dañ er went



Vil gryffen den pflug an gar resch
Vnd enden übel doch zu letst
Das thut / der gouch der blybt im nest



Von beharren in gutem.
Da legen ir handt an den pflug
Vnd sindt von erst / ynbrünstig genug



Zu wyßheit / vnd zu güttem werck
 Srygent doch nit wol vff den bergk
 Der sie für zu dem hymelrych
 Sunder sehen sie hinder sich
 Vnd gefelt in wol Egipten landt
 Do sy ir fleisch haff gelassen handt
 Vnd louffen zu den sünden groß
 Glych wie der hundert zu synem oß
 Das er yetz dick mal gessen hat
 Die hondt für war ein sörglich stat
 Hartum ein wundt wider genist
 Die medaß einst vffgebrochen ist
 Wan sich der siech nit haltet recht
 Das widerumb syn krankheit schlecht
 So ist vast sörglich das er mag
 Genesen nit / in langem tag
 Vil weger wer nit sahen an
 Dan nach dem anfang doch abstan
 Gott spricht / ich wolt du heist gestalt
 Das du werst warm oder ganz kalt
 Aber die wyle du law / wilt syn
 Do vnwillest du der selen myn
 Ob einer ioch vil gütz hab gethon
 So wirt im doch nit der recht lon
 Wan er nit beharret in das endt
 Vß großem übel kam behendt
 Vnd wardt er löst die huffrow Loth
 Aber do sie nit hielt das gebott
 Vnd widerumb sach hinder sich
 Bleib sy da ston ganz wunderlich
 Ein narz loufft wider zu syner schell
 Glych wie ein hundert zu syn gewell



Was adel/gut/sterck/iugentszier
Honfrid vnd rüw/otodt vor dir
Als das/das leben ye gewan
Vnd tödtlich ist das muß dar van



Nur fürsehen den todt.
Wir werden betrogen lieben fründe

·CXIII·

All die vfferden leben sindt
Wir wissen/vnd ist vns wol künde
Das vns gesetzet ist die stunde
Vnd wissent nit wen/wa/vnd wie
Der todt der ließ nie keinen hie
Wir sterben all vnd fließen hin
Dem wasser glych zur erden yn
Darumb sindt wir groß narrecht thoren
Das wir nit gedencen in vil ioren
Die vns gott darumb leben lot
Das wir vns rüsten zu dem todt
Vnd leren das wir miessen kinnen
Vnd mügen in kein weg entrinnen
Der wynkouff ist getruncken schon
Wir mügen nit dem kouff abston
Die erste stundt/die letst ouch bracht
Vnd der den ersten hat gemacht
Der wüß ouch/wie der letst würd sterben
Aber die nartheit thut vns ferben
Das wir gedencen nit da ran
Das vns der todt nit hie würt lan
Vnd vnsers hübschen harß nit schonen
Noch vnsere grünen krenz/vnd kronen
Er heist warlich/Hans acht syn nit
Dan wölchen er begryfft/vnd schütt
Er sy wie starck/schön/oder iung
Den lert er gar ein seltsen sprung
Den ich billich den todtsprung heiß
Das ein vßdringt kalt/grym/vnd schweiß
Vnd streckt/vnd krimpt sich/wie ein wurm
Dan do thut man den rechten sturm



Folio.

D tott wie starck ist dyn gewalt
Sydt du hin nymbst beid iung/vnd ale
D tott wie gar hört ist dyn nam
Dem adel/gewalt/vnd hohem stam
Vor vß dem der syn freüdt/vnd müet
Allein setz/vß das zytlich güet
Der tott mit glychem friß zerschüt
Der Künigsäl/vnd hirtten hüt
Er acht kein pomp/gewalt/vnd güet
Dem bapst/er wie dem puren thüt
Darumb ein thor ist/wer all tag
Flücht/dem er nit entrünnen mag
Vnd meint wañ er syn schellen schütt
Das in der tott/darumb sah nit
Vß sollich geding ein yeder hat
Kundt/das er ouch von hinnan far
Vnd erlaubet sy dem tott
Wañ von dem lyb diesel vß got
Mit glychem gesatz/der tott hinsürt
Als das/das leben ye berürt
Du stürbst/der blybt noch lenger hie
Vnd bleib die leng doch keiner nie
Die tusent iar erleben schon
Die müsten doch zñ lest ouch gon
Es ist kün omb ein rock zñ thün
Das nach dem vatter leb der sün
Der vor dem vatter stürbt zñ zyt
Dañ man findt ouch vil kelber hüt
Je einer fert dem andern nach
Wer nit wol stürbt/der findt syn rach

·CXIII·

Des glych ir narzheit ouch erschynen
Die vmb ein todten/truren/weinen
Vnd im vergünnen syner rüw
Do wir doch all begeren zü
Dan keiner fert zü frsi do hin
Do er müß ewiglichen syn
Ja geschicht gar manchem wol daran
Das gott im rüfft zytlich hindan
Der tod ist manchem nütz gesyn
Das er on wardt/trübsal/vnd pyn
Vil hondt den tod ouch selb begert
Der tod vil dancks an den bewert
Zü den er kam/ee man im rüff
Vil gefangen er in fryheit schüff
Vil hat er vß dem kercker bracht
Den er was ewiglich eracht
Das glück teilt vnglych güt/vnd ryck
Aber der tod macht es als glych
Der ist ein richter/der ganz nit
Etwas ablaß durch yemans bitt
Der ist allein/der all ding iont
Der ist/der nie keim ye hat geschont
Nie keim gehorsam er ye wart
Siemüßten all vff syne fart
Vnd dantzen im nach synem reyen
Bäbst/keiser/künig/bischoff/leyen
Der mancher noch nit hett gedacht
Das man den vordantz im hett bracht
Daser müß dantzen an dem gezotter
Den wäster wälder/vnd den trotter



Folio.

Hett er sich vor darzu gerüst
Er wer nit so stympling erwüst
Daß manich groß narz ist yetz do hün.
Der sorg hett vff die grebnüß syn
Vnd leit daran so grosses güte
Das es noch manchen wundern thut.
Als Mansalum/das im man
Arthemesta hat machen lan
Vnd so vil kosten dran geleit
Mit grosser gezierd/vnd rychlicheit
Das er der siben wunder eins
Ist/die man findt im erden kreiß
Such gräber in Egipten landt
Die man Pyramides hat genant
Vor vß als Chemmis macht ein grab
Daran er henckt syn güte vnd hab
Do dry mal hundert tusent man
Vnd sechzig tusent wercken an
Daß er vmb krut gab also vil.
(Der ander kostlich schwygen wil)
Kein fürsten ich so rych yetz halt
Der das allein möcht hon bezalt
Des glych ouch Amasis im macht
Wie Rhodope/hat eins volbracht
Das was ein groß thorheit der welt
Das man leit ein so mächtig gelt
An gräber/do man würffet hein
Den äschsack/vnd die schelmen bein
Vnd gab so grossen kosten vß
Das man den wünnen macht ein huß

QXV.

Vnd durch der selen willen nüt
 Thut/die doch leben muß all zyt
 Die sel hilfft nüt ein köstlich grab
 Oder das man groß marmel hab
 Vnd vffhenck schilt/helm/baner groß
 Hielyt ein herz/ist wappens genos
 Howt man im dan einen stein
 Der recht schilt/ist ein todten bein
 Daran würm/schlangen/krotten nagen
 Das wappen keiser/puren tragen
 Vnd wer hie zücht ein feisten wangst
 Der spyßt/syn wäpner aller langst
 Do ist ein fechten/ryssen/brechen
 Die fründt sich vmb das güet erstechen
 Wölcher es gang behalten well
 Die tūfel/sindt gewiß der sel
 Vnd thündt mit der wüß triumphieren
 Von ein bad in das ander füren
 Von yttel kelt/in yttel hitz
 Wir menschen leben gang on witz
 Das wir der sel nit nemen war
 Des lybs wir sorgen yemer dar
 All erdt die ist gesegnet gott
 Wol lyt der/der do wol ist todt
 Der hymel manchen todten deckt
 Der vnder keinen stein sich streckt
 Wie kündt der hon ein schöner grab
 Dem das gestirn lücht oben ab
 Gott findt die bein zū syner zyt
 Das grab der sel kein wollust gyt
 Wer wol stirbt/des grab ist das höchst
 Der sūnder todt/der ist der böst

Wer meint gott wöll in straffen nit
Darumb/das er beit lange zyt
Dem schlecht der dunder dick noch hüt



Von verachtung gottes.

Der ist ein narz/der gott veracht
Vnd wider in vicht/tag vnd nach

·CXVI·

Vnd meint er sy den menschen glych
Das er schwig/vnd ließ sagen sich
Dañ mancher sich dar vff verlost
So im der dunder nit anstoset
Syn huß so bald/vnd schlecht in todt
So er syn boßheit hat verbrocht
Oder nit stirbt gähelich
Das er nit me dürff vörchten sich
Dañ gott hab syn vergessen doch
Das er so lang iar beittet noch
Er werd im darzü lonen ouch
Do mit versündet sich mancher gouch
Der erst in synen sünden verhart
Darumb/das im gott erwañ spart
Weint er im gryffen an den bart
Als ob er mit im schympffen wolt
Vnd gott vertragen solches solt
Hör zü o thor/würd witzig narz
Verlaß dich nit vff solche harz
Es ist warlich ein grusam bandt
Wölcher gott fallet in syn handt
Dañ ob er ioch lang zyt dyn schon
Dir würt des beittens wol gelont
Manchen laßt sünden gott der herz
Das er in darnach straffdest mer
Vnd im bezal das/vnd das ein
Man spricht es macht den seckel rein
Mancher der stirbt in sünden klein
Dem thut gott solche genad daran
Das er in zytlich nympt von dan
Do mit er nit vil sündt vfflad
Vnd grösser werd der selen schad

Folio.

Gott/hat all rüweren zü geseit
Ablass/vnd syn barmhertzigkeit
Keim sünd er doch ye verhieß
Daser in so lang leben ließ
Biß er rüwt/vnd nem besserung an
Oder das er rüw würd entpfan
Gott gebe im dick syn gnad noch hüt
Vnd wil im doch geben nüt
Ezechias von gott erwarb
Das vff syn gesagt zil er nit starb
Sunder lebt noch dan fünffzehen ior
Balthasar durch sünd t sym zil kam vor
Die handt/von aller freüdt im treib
Die Wane/Phares/Therel schreib
Er was zü lycht an dem gewiecht
Darumb wardt im entzuckt syn liecht
Vnd merckt nit das syn vatter vor
Durch gott gestrafft/vor manchem ior
Zü besserung vnd büß sich kört
Darumb wardt er von gott erhört
Das er in viches gestalt nit starb
Durch rüw/er gnad vnd zil erwarb
Ein yeden ist gesetzt syn zyt
Vnd zal der sündt/dar über nüt
Darumb zü sünden nieman yl
Wer vil sündt/der ist bald züm zil
Vil sindt tod yetz in disem ior
Hatten sie sich gebessert vor
Vnd ir stundt glaß vmb kört by zyt
Der sandt wer vß geloffen nit
Sie lebten noch on z wyl hüt.

Der. LXXXVI. narz. CXVII.

Wer leßert gott mit flüchen / schweren
Der lebt mit schandt / vnd stürbt on eren
We dem / der solchs ouch nit thut weren.



Von gottes leßeren.

Die grôßten narren ich ouch beñ
Die ich nit weiß wie man sie nenn.

Folio.

Die nit benügt an aller sünde
Vnd das sie sindt des tufels kinde
Sie müssen öflich zeygen das
Wie sie syen in gottes haß
Vnd haben im gantz widerseit
Der hebt gott syn omichtigkeit
Der ander / im syn marter für
Syn miltz / syn hirn / syn kröß / vnd nier
Wer yetz kan vngewonlich schwür
Diedaß verbierten thündt all recht
Den halt man für ein frischen knecht
Der muß ein spieß / ein armbrust hon
Der gethar allein / wol vier beston
Vnd vß der fläschchen freidig syn
Wörtlich schwürt hüt man by dem wyn
Vnd by dem spil vmb wenig gelt
Nüt wunder wer ob gott die welt
Durch solche schwür ließ vndergon
Oder der hymel bräch dar von
So lestert / vnd geschmächt man gott
All erberkeit ist leider todt
Vnd gat mit recht / kein straff darnach
Des lyden wir vil plag / vnd rach
Daß es so öflich yetz geschicht
Das es all welt merckt / hört / vnd sich
Nüt wunder / ob gott selber rich
Gott mags die leng vertragen nicht
Daß er entpfalch / das man solt thün
Versteinen / der Israhelyten sün
Senacherib / der flüchet gott
Vnd ward geplagt mit schandt / vnd spott
Lycaon / vnd Mezencius
Entpfandt das / vnd Anthyochus

Der. LXXXVII. narz. CXVIII.

Wer meint das vns gott strafft zu vil
Das er vns plaget vnder wyl
Des plag ist nit ein viertheil myl



Von plag und straff gots.
Ein narz ist / wer für wunder helt
Das gott der herz / yetz strafft die welt

Vnd ein plag schickt / der andern noch
 Die wyl vil christen syen doch
 Vnd vnder den / vil geistlich lüt
 Von den vil vasten / gbett all zyt
 Geschehen sters on vnderloß
 Doch hör / es ist kein wunder groß
 Dañ du nit sindest einen stat
 In dem es yetz nit übel gat
 Do nit abnem sy / vnd gebrauch
 Darzū so ist des wysen spruch
 Wan du zerbrichst / das ich dir buw
 So würt vns beiden nüt dañ rüw
 Vnd das wir arbeit hondt verlorn
 So spricht ouch sunst / der herz mit zorn
 Wan ir nit halten myn gebott
 Wil ich üch geben plag / vnd todt
 Krieg / hunger / pestilentz / vnd thür
 Hitz / ryß / hagel / duunders für
 Vnd meren das / von tag zū tag
 Vnd nit erhören bett / noch clag
 Obioch Moyses / vnd Samuel
 Mich bät / so bin ich doch der sel
 So syndt / die nit von sünden lot
 Sie müß hon plag / wyl ich bin gott
 Wan sech allein an iüdisch lande
 Was sie durch sündt verloren hande
 Wie dick sie gott vertriben hat
 Durch sünden / vß der heiligen stat
 Die christen hondt das ouch verlorn
 Do sie verdienten gottes zorn
 Wyl sorg ist wir verlieren me
 Vnd das es vns noch übeler gee

Wer syn mul/vmb ein sackpſyff gyt
Der ſelb ſyns tuſchens genüſſet nie
Vnd müß oft gon/ſo er gern ritt



Von thorechtem wechſel.
Vil gröſſer arbeit hat ein narz
Wie das ſyn ſel zur hellen far.



Folio.

Dan kein einsidel vor ye hatt
In aller wist vnd heimlich stat
Do er dient vastend/bettend gott
Wan sieht was hochfart arbeit hot
Wie man sich mutz/schmier/nestel/bryß
Vnd hört druck lyd/in manche wyß
Der gydt trybt manchen über see
Durch vngewitter/reg/vnd schne
In Norwegen/Pylappen landt
Kein rüw noch rast/die büler handt
Die spiler habent übel zyt
Vil mer der schnaphan/der do ryt
Vff dem halßacker wagent sich
Des brassers wil geschwygen ich
Der all zyt vol ist/vmb syn hertz
Was druck der lyd/vnd heimlich schmerz
Des yffters zyt/ist nit die best
Er vörcht ein andern gouch im nest
Syn eigen glider kocht der nydt
Niemand durch gottes ere sich lydt
Der in gedult ansah syn sel
Als Noe/Job/vnd Daniel
Gar vil sindt den das böß gefelt
Gar selten das güte erwelt
Erwölen güttes ein wyser sol
Das böß kumpt all tag selbs wol
Wer gibt das hymel ryck vmb mist
Der ist ein narz so vil syn ist
Syn duschen der genüß er nit
Wer ewigs vmb zergenglichs gyt
Vnd das ichs kurtz mit worten begryff
Gibt er ein esel/vmb ein pßyff

Der. LXXXIX. narz.

XXX.

Ere vatter vnd mütter all zyt
Do mit dir gott lang leben gyt
Vnd würdft gesetzt in schanden nit



Ere vatter vnd mütter.

Der ist ein narz der kinden gyt
Do er syn zyt sol leben mit

Verlassen sich vff güten won
 Das in syn kindt nit sollen lon
 Vnd im ouch helffen in der not
 Dem wünscht man allen tag den todt
 Vnd würt gar bald ein überlast
 Den kinden sy ein vnwerd gast
 Doch im geschicht wol halber recht
 Warlich ist er an wizen schlecht
 Das er mit worten im laßt klusen
 Des sol man im mit kolben lusen
 Doch lebt der selb nit lang vfferdt
 Wem vatter / mütter sindt vnwerdt
 In mütter vinstet / lescht das liecht
 Wer vatter vnd mütter eret nicht
 An sym vatter beschuldt Absolon
 Das in solt vnglück iung an gon
 Des glychen wardt verflüchet Cham
 Do er entblößt syns vatters scham
 Balthasar hett nit vil glück
 Das er syn vatter huw in stück
 Sennacherib von syn sünen starb
 Ir keiner doch das ryche warb
 Thobias gab sym sun die ler
 Ersolt syn mütter hon in ere
 Darumb stünd künig Salomon
 Syner mütter vff / von synem tron
 Als Corylaus ouch hat gethon
 Diesün Rechab / lobt selber gott
 Das sie hielten irs vatters gebott
 Wer leben wil spricht gott der herz
 Der biß vatter / vnd mütter ere
 So würt er alt / vnd rychen ser

Der. XC. narz. CXXI.

Im chor gar mancher narz auch stat
Der vnnütz schwätzt/vnd hilfft/vnd rat
Das schiff/vnd wag/von landt bald gat



Von schwetzen im chor.
Vil standt in kirchen/vnd im chor
Die schwätzen/raten durch das ior

Folio.

Wie sie zu richten schiff/ vnd karz
Das man gen Marzagonyen far
Do seit man von dem welschen krieg
Do lüg man das man redlich lieg
Vnd etwas nüws bring vff den ban
Als würt die mettin gefangen an
Vnd wert dick/ zu der vesper zyt
Vil kâmen nit trib nit der gydt
Vnd das man gelt geb in dem chor
Sunst weren sie on die kirch vil ior
Es wer besser vnd weger ein
Er lib gantz über all do heint
Vnd richt das klapper bencklin zu
Vnd synen genß merckt anderswo
Dan das er in der kirchen wil
Sich irren/ vnd sunst ander vil
Was mancher nit vfrichten kan
Das schlecht er in der kirchen an
Wie er vff rüst schiff vnd geschirz
Vnd bring vil nüwer mer her für
Vnd hat groß flyß/ vnd ernstlich geberd
Do mit das schiff nit wendig werd
Er gieng ee vß dem chor spazieren
Das er den wagen recht möcht schmieren
Aber von den thar ich nit trucken
Die in den chor allein thun gucken
Vnd zeigen sich mit presentieren
Treffen doch bald wider die thüren
Das ist andächtig gebett/ vnd gut
Do man sollich ding vfrichten thut
Do werden pfründen wol verdient
Do man dem roaffen zu gient

Wer hochfärst/ vnd thut sich loben
Vnd sitzen wil allein vast oben
Den setzt der tūfel vff syn kloben



Überhebung der hoffart.
Der feüret vff ein strowen rach
Der vff der welt rüm setzt syn sach

Vnd all ding thut vff zytlich ere
 Dem würt zū letst nüt anders mer
 Dā das syn won/in hat betrogen
 So er buwt vff ein regenbogen
 Wer wil buw vff ein tännin sul
 Dem würt ee zyt syn anschlag sul
 Wer rüm vnd weltlich erehie begert
 Der wart nit/das im dort me werde
 Manch narz halt sich gar hoch darumb
 Das er vß welschen landen kum
 Vnd sy zū schülen worden wyß
 Zū Bonony/zū Pauy/Paryß
 Zū hohen Syen in der Sapienz
 Duch in der schül zū Dilyenz
 Vnd den roraffen gesehen hett
 Vnd Meter pyrr de Conniget
 Als ob nit ouch in tüt scher art
 Noch wer vernunft/syn houbter zart
 Do mit man wyßheit/kunst möcht leren
 Nit not/so verz zū schülen keren
 Wölcher wil leren in sym landt
 Der findt yetz bücher aller handt
 Das nieman mag entschuldigen sich
 Er wöll dā liegen lästerlich
 Man meint etwā/es wer kein ler
 Dā zū Athenas über mer
 Darnach man sy/byn walhen fandt
 Jetz sicht mans ouch in tüt schem landt
 Vnd gebrest vns nüt/wer nit der wyn
 Vnd das wirt tüt schen vol wendt syn
 Vnd mügen kein recht arbeit thün
 Wol dem/wer hat ein wysen sün

·CXXIII.

Ich acht nit/das man vil kunst kün
 Vnd stell do mit nach hochfart gewün
 Vnd meint dar durch syn stoltz/vnd klüg
 Wer wyß ist/der kan kunst genüg
 Wer lert durch hochfart/vnd durch gelt
 Der spiegelt sich allein der welt
 Glych als ein nârrin die sich mußt
 Vnd spieglen thût der welt zû trutz
 So sie vffspant des tûfels garn
 Vnd macht vil selen zû der hellen farn
 Das ist das kûglin/vnd der klob
 Do durch der tûfel sucht großlob
 Vnd hat gestîret manchen hin
 Der sich bedunckt vor wîzig syn
 Balaam gab Balach einen rot
 Das Israhel erzûrnet gott
 Vnd môcht nit in dem stryt beston
 Das es durch frowen zû môcht gon
 Hett Judith sich nit vffgeziert
 Holofernes wer nit verfrist
 Jesabel streich sich varben vol
 Do siemeint Jesu gefallen wol
 Der wyß man spricht/ter dich geschwind
 Von frowen/sie reizt dich zûr sündt
 Dañ nârrin vil sündt also geil
 Das sie ir gesicht bald biertent feil
 Vnd meinen/es sol schaden nût
 Ob sie ein blick dem narren gyt
 Warlich gesicht/bringt böß gedanc
 Vnd setz einen vff den narren banch



Der darnach leichtlich nit abstat
 Biß er den heher gefangen hat
 Hett Versabee iren lyb bedeckt
 Sie wer durch eebruch nit besleckt
 Dyna wolt scho wen frembde man
 Biß vmb ir iunckfrowschafft sie kam
 Ein demütig frow ist eren werdt
 Vnd würdig/das sie werdt geert
 Aber wölch hochfart nympt für hendt
 Deren hochfart ist ouch gantz on ende
 Die wil ouch all zyt vornan dran
 Das nieman mit ir gestellen kan
 Die gröst wyßheit vff aller erdt
 Ist/können thün das yeder begerdt
 Vnd wa man das für güt nit nympt
 Doch können thün das yedem zympt
 Wer aber frowen thün wil recht
 Der muß syn erwan me dan knecht
 Dan sie gar oft durch blödigkeit
 We thün/dan durch ir listigkeit
 Der hochfart die do hondt got's haß
 Styt sters vff/ye baß vnd baß
 Vnd felt zu lezt zu boden doch
 Zu Lucifer ins hellen loch
 Hör hochfart/es kumpt dir die stunde
 Das du sprichst vß dym eignen munde
 Was bringt myn hoher müet mir freude
 So ich hie sitz in trübsal leidt
 Was hilfft mich gelt/güt/vnd rychtum
 Was hilfft der welt ere/lob/vnd rüm

·CXXIII·

Es ist nüt dan ein schatt gesyn
Augenblicklich ist do hin
Wol dem/der diß als hat veracht
Vnd hat allein ewigs betracht
Nüt dunckt ein narren hie so hoch
Es felt mit im zu letsten doch
Vnd vor vß/die schäntlich hochfart
Die hat an ir natur/vnd art
Das sie den höchsten Engel stieß
Vom hymel ab/vnd ouch nit ließ
Im Paradyß den ersten man
Sie mag ouch nit vfferd bestan
Sie muß ye suchen iren stül
By Lucifer in hellen pfül
Sucht sie den/der sie hat erdacht
Hochfart ist bald zur hellen bracht
Agar durch hochfart wardt von hufß
Mit irem kindt getriben vß
Durch hochfart Pharao verdarb
Chore mit syner gesellschaft starb
Der hertz gar größlich des erzürn
Do man in hochfart macht den thurn
Als Dauid thet in hochfart zelen
Das volck/mußt er ein plag erwelen
Herodes kleidt in hochfart sich
Als ob syn wesen wer götlich
Vnd wolt ouch haben göttlichere
Vnd wardt vom Engel geschlagen ser
Wer hochfart trybt/den nidert gott
Demüt er all zyt gehöheret hot

q iij



Die wücherer füren wild gewerb
Den armen sindt sie ruch/vnd herb
Mit achtens/das all welt verderb



Wücher und fürkouff.

Dem sol man gryffen zü der huben
Vnd in die zecten wol ab kluben

QXXV.

Vnd rupffen die flugfeder vß
 Der hinder sich koufft in syn huß
 Als wyn vnd korn im gantzen lande
 Vnd vöchten weder sündt noch schande
 Do mit ein arm man nützet findt
 Vnd hungers sterb mit wyb vnd kindt
 Do durch/so hat man yetz vil thür
 Vnd ist/dan fernig/böser hür
 Nun galt der wyn kum zehen pfundt
 In ein monates darzu kumt
 Das er yetz giltet dryßsig gern
 Als geschicht/mit weizen/rocken/kern
 Ich wil vom übernutz nit schryben
 Den man mit zynß/vnd gült thut tryben
 Mit lyhen/blätschcouff/vnd mit borzen
 Manchem ein pfundt/gwint ein morgen
 Wedan es thun ein iar lang solt
 Man lyhet ein yetz münz vmb golt
 Für zehen schrybt man eylff ins büch
 Gar lydlich wer der iuden gesüch
 Aber sie mügen nit me blyben
 Die chrißten iuden/sie vertryben
 Mit iuden spieß die selben rennen
 Ich kenn vil/die ich nit wil nennen
 Die tryben doch wild kouffmanschatz
 Vnd schwygt darzu all recht vnd gesatz
 Ir vil sich gegen dem hagel neigen
 Dielachend/vff den ryssen zeigen
 Doch geschicht dar gegen ouch gar dick
 Das mancher henckt sich an ein strick
 Wer rych wil syn/mit schaden der gemein
 Der ist ein narz/doch nit allein



Mancher fröwt sich / vff frembde hab
Wie er vil erb / vnd trag zū grab
Die mit symt gebein nuß werffen ab



Von hoffnung vfferben.

Ein narz ist / wer sich dar vffspitz
Das er eins andern erb besitz

QXXVI.

Oder für in kum in den rot
 Syn güt / pfründt / ampt / besitz nach todt
 Mancher eins andern todt sich fröwe
 Des endt er nymmer me beschowt
 Hofft einen tragen hin zum grab
 Der mit syn gebein würfft bieren ab
 Wer hoffet vff eins andern todt
 Vnd weist nit / wann syn sel vß got
 Der selb den esel thut beschlagen
 Der in gen Tlarzenberg würt tragen
 Es sterben iung / starck frölich lüt
 So findt man ouch vil kelber hüt
 Es gat allein nit / über die künig
 Ein yeden syn armüt benüg
 Vnd beger nit / das es grösser werd
 Ein wilder vmblouff ist vfferd
 Bulgarus erbt ouch synen sün
 Des er nie hat gehofft zu thun
 Pyramus sach syn kindt all sterben
 Die er hofft / sie würden syn erben
 Absolon syns vatterstodt nach schleich
 Vnd reicht syn erbtteil an der eich
 Manchem ein erb würt übernacht
 Vff das / er vor nie hat gedacht
 Mancher ein erben überkündt
 Dem lieber wer / in erbt ein hundt
 Mit yedem gat nach hoffens won
 Als Abraham / vnd Symeon
 Last vöglin sorgen / wann gott wil
 So kumpt das glück / zyt / end / vnd zil
 Das best erb ist im vatter landt
 Do wir hin hoffen alle sandt
 Gar wenig stoßt es doch zu handt



Mancher solt zu der kirchen gan
Vnd an dem fyrtag müßig stan
Der sich doch vil geschäft nimpt an



Von verführung am fyrtag.

Das sindt burger zu Aßenberg
Die all ir sachen vnd ir werck

QXXVII.

Sparen allein vff gebannnen tagen
 Die müssen vff den assen wagen
 Dem einen/muß man roß beschlagen
 Den andern knöpflein setzen an
 Das man nun langit solt hon gethan
 Do man saß by dem spil vnd wyn
 Dem füller man die spitzen syn
 Vil hudelen muß man daryn stoßen
 Dem muß man anthim rock/vnd hossen
 Das möchte er sunst nit legen an
 Hett ers nit vff ein syrtag gethan
 Die köch zü richten feür/vnd glüt
 Le man die kirch morgens vffthüt
 So findt man by in schlemmen/vnd brassen
 Ke niemans recht kumpt vff die gassen
 So findt die wynhüser schür vol
 Das trybt man on endt yemerthol
 Vor vß/vff den gebannnen tagen
 So ander werck sindt vnderschlagen
 So thüt man faren mit den karren
 Der syrtag manchen macht züm narren
 Der meint der syrtag sy erdacht
 Das klein arbeit gott nit acht
 Als/das man holz im spilbret schlag
 Vnd karten sitz ein gangen tag
 Vil londt sunst wercken ir gesindt
 Vnd hondt kein acht das dienst/vnd kindt
 Zü kirchen/predig/gots dienst gon
 Oder frü zü der meß vff ston
 Den mett wendt sie erst recht vßkochen
 Den sie gesotten hondt die wochen
 Kein handtwerck ist dem nit gefüg



Folio.

Das es am fyrtag etwas dlig
Siesindt dem pfenning also geserd
Als ob teintag me wer vfferd
Einteil stont schwägen vff der gassen
Die andern sitzen spilen/prassen
Manchem im wyn do me zerrint
Dan er ein woch mit arbeit gewint
Der müß ein schmützler/hümpeler syn
Wer nit wil sitzen by dem wyn
Tag/vnd nacht/biß die tagen kreigt
Oder der morgen lufft her wegt
Die iuden spotten vnser ser
Das wir dem fyrtag thündt solch ere
Den sie noch halten also styff
Das ich sie nit ins narzenschiff
Wolt setzen/wan sie nit all stundt
Sunst irten/wie ein touber hundert
Ein arm man holtz am fyrtag laß
Vnd ward versteint/allein vmb das
Die Machabeer wolten nit
Am fyrtag weren sich zu stryt
Ir wurden vil geschlagen zu todt
Wan samlet nit das hymelbrot
Vff den fyrtag/als gott gebot
Aber wir arbeiten on not
Vnd sparen vil/vff den fyrtag
Das wir nit thün wendt andre tag
O narz den fyrtag halt/vnd ere
Es sindt noch wercktag vil/vnd mer
Wan du schon fulest in dem grundt
Vß gyttigkeit als laster künde

Der. XCIV. narz. CXXXVIII.

Der ist ein narz / der trurt all tag
Umb das er nit gewenden mag
Oder den rüwt das er hat gethon
Ein gütz / ders doch nit kan verston



Schencken und berüwen.

Der ist ein narz / der schencken thut
Vnd das nit gibt mit guttem müt.

Vnd darzu fur/vnd uibel sichte
 Das ein nit liebs dar von geschicht
 Do mit er gab/vnd lon verliert
 So in syn schenck so vast bediirt
 Alsthit ouch der/der et was gut
 Durch gottes ere/vnd willen thit
 Vnd hat doch ruw/vnd leidt dar von
 Wan gott im nit glych gibt den lon
 Dan wer mit eren schencken well
 Der lach/vnd sy ein gut gesell
 Vnd sprech nit/zwar ich thu es vngern
 Wil er nit danck/vnd lon entbern
 Dan gott sichte ouch des gab nit an
 Der nit mit freuden schencken kan
 Jeder das syn behaltet wol
 Zu schenck man nieman zwingen sol
 Allein vß fryem hertzen gat
 Die schenck/die yedem wol anstat
 Selten verloren wirt der danck
 Wie wol er etwan kummet lange
 So wirt es doch gewonlich schlecht
 Dan zwen vmb ein/ist faden recht
 Ob einer schon vndanckbar sy
 Findt man dargegen eren fry
 Ein danckbaren wysen man
 Der es alles widergelten kan
 Aber wer schenck verwesen thit
 Der wil den truck nit hon fur gut
 Vnd wil nit warten wider gob
 Verwyssen schenck/ist gar zu grob
 Wan sichte in iuber die achslen an
 Der syn gutthat verwyssen kan
 Vnd wirt im sunst nit medar von

Der. XCVI. narz. CXXIX.

Tragheit findt man in allen geschlechtern
Vor vß in dienst mägten / vnd knechten
Den kan man nit genüßsam lonen
Die können doch ir selbs wol schonen



Von tragkeit und fulheit.
Kein besser narz in aller sache

Ist/wan der all zyt tharthün gemach
 Vnd ist so träg/das im verbrent
 Syn schynbein/ee er sich verwent
 Wie rouch den ougen ist nit güt
 Was essig ouch den zenen thüt
 Des glych der träg/vnd ful thüt schyn
 Denen die hondt gesendet in
 Einträger mensch ist niemans nutz
 Dañ das er sy ein winterbutz
 Vnd das man in laß schlaffen genüg
 Sitzen bym ofen ist syn füg
 Selig der werckt mit synem karst
 Wer müßig gat/der ist der nârist
 Die müßig gânden/strafft der herz
 Vnd gibt der arbeit lon vnd ere
 Der böß syndt/nimpt der tragheit war
 Vnd sagt gar bald syn somen dar
 Tragheit ein vrsach aller sündt
 Nacht murmelen Israhel die kinde
 Dauid thet eebruch/vnd todtschlag
 Darumb das er träg/müßig lag
 Vnd Chartago was ganz vmbkört
 Darumb wardt Rom ouch ganz zerstört
 Ein grösseren schaden Rom entpsien
 An dem das Chartago vndergieng
 Dañ sie von stryt entpsien dar vor
 Von ir/hundert vnd sechzehen ior
 Der träg/der nit gern gat her für
 Der spricht/der löw stat vor der thür
 Der thorecht hundt in heim behalt
 Fulkeit erdenckt ein wör wort balde
 Fulkeit sich wider went/vnd für
 Glych wie der angel an der thür

Der. XC VII. narz. CXXX.

Hie hab ich gestelt noch vil zū samē
Die narzen sindt / vnd hondt den namen
Der andern narzen sich doch schamen



Von vnsendigen narzen.

Noch sindt sunst vil vnnützer lüt
Die wüß gantz in der narzen hüt

Vnd sindt darin verharret gantz
 Gebunden vff des tufels schwantz
 Vnd sindt zu bringen nit dar von
 Wil ich still schwygen für sie gon
 Vnd sielon in ir narzheit blyben
 Vnd von ir thorheit wenig schryben
 Als Saracenen / Türcken / Heiden
 All die vom glauben sindt gescheiden
 Den glych ich ouch / die kätzer schül
 Die halt zu Prag / den narzen stül
 Vnd hat gespreit vß iren stande
 Das sie ouch hat yetz Wärrhern lande
 Die wüß in der narzen kappen treten
 Glych wie all die anders anbetten
 Dañ dry person / ein waren gott
 Den vnser gloub wie ein spott
 Die ich nit für schlecht narzen hon
 Sie müssen vff der kappen ston
 Dañ ir narzheit so offelich ist
 Das yedem tuch zur kappen gebrist
 Des glych all die verzwyfelt hande
 Vnd sindt verstrickt ins tufels bandt
 Als thorecht frowen / böse wyber
 All kupplerin / pfowen tryber
 Vnd ander die in sünden sindt
 Vnd in ir narzheit gantz verblinde
 Do mit wil ich ouch deren gedencken
 Die sich selbs tödten / oder hencken
 Vnd kindt verthün / vnd die ertrencken
 Die sindt nit würdig der gesatz
 Oder das man sieler / vnd satz
 Doch gehören sie inn narzen zall
 Ir narzheit gibt in kappen all

Der. XLVIII. narz. CXXXI.

Ich bitt ūch herren groß vnd klein
Bedencken den nutz der gemein
Londt mir myn narren kapp allein



Von abgang des glouben
Wan ich gedenc sum nütz/vnd schande
So man yetz spürt/in allem lande

Von fürsten/herzen/landen/stett
 Wer wunder nit/ob ich schon hett
 Wynn ougen gantz der zeheren vol
 Das man so schmächlich sehen sol
 Den chrysten glauben nemen ab
 Verzych man mir/ob ich schon hab
 Die fürsten ouch gesetzet har
 Wir nemen (leider) gröblich war
 Des chrysten glauben not vnd clag
 Der myndert sich von tag zu tag
 Zum ersten hondt die ketzer hört
 Den halb zerrissen/vnd zerstört
 Darnach der schentlich Machamet
 In mer vnd mer verwlisset hett
 Vnd den mit sym irsal geschent
 Der vor was groß in Orient
 Vnd was gläubig alles Asia
 Der Wözen landt/vng Affrica
 Jetz hondt darin/wir gantz nit me
 Es möcht ein hörten stein thun we
 Was wir allein verloren handt
 In klein Asien/vnd Kriechen landt
 Das man die groß Türcky yetz nent
 Das ist dem glauben abgetrent
 Do sindt die siben kirchen gesyn
 Do hat Johannes geschriben hin
 Do ist ein so gut landt verloren
 Das es all welt möcht hon verschworen
 On das man in Europa sydt
 Verloren hat in kurzer zyt
 Zwey keiserthüm/vil künigrych
 Vil mächtig landt/vnd stett des glych

·CXXXII.

Constantinopel/Trapezunt
 Die landt sindt aller welt wol kunt
 Achayam/Etholyam
 Boeciam/Tessaliam
 Thraciam/Macedoniam
 Atticam/vnd beid/Mysiam
 Duch Tribulos/vnd Scordiscos
 Bastarnas/sampt vnd Thauricos
 Euboiam genent Nigrapont
 Duch Peram/Capham/vnd Idreunt
 On ander schaden/vnd verlust
 Den wir erlitten haben suß
 In Mozea/Dalmacia
 Stryer/Kernten/vnd Croacia
 In Hungeren/vnd der windschen marck
 Jecz sindt die Türcken also starck
 Das sie nit hondt das mer allein
 Sunder die Thünow ist ir gemein
 Vnd thündt ein ynbruch/wan sie went
 Vil bistumb/kirchen sindt geschent
 Jecz gryfft er an Apuliam
 Darnach gar bald Siciliam
 Italia das stoßet daran
 So würt es dan an Rom ouch gan
 An Lombardy/vnd welsche landt
 Den fyndt den hondt wir an der handt
 Vnd wend doch schlaffend/sterben all
 Der wolff ist warlich in dem stall
 Vnd roubt der heiligen kirchen schaff
 Die wyl der hirt lyt in dem schlaff

r iij



Die Römisch kirch vier schwestern hat
 Do man hielt patriarchen stadt
 Constantinopel / Alexandria
 Iherusalem / Antiochia
 Die sindt yetz kummen gantz dar von
 Es würt bald an das haupt ouch gon
 Das ist als vnser sünden schuldt
 Keins mit dem andern hat gedult
 Oder mitlyden syner schwer
 Jeder wolt das er grösser wer
 Vnd geschicht vns / als den ochsen geschach
 Do einer dem anderen zü sach
 Biß das der wolff sie all zerreiß
 Erst gieng dem letsten vß der schweiß
 Jeder der gryfft yetz mit der handt
 Ob noch kalt sy syn mur / vnd wandt
 Vnd gedencet das er nit vorlesch vß
 Das feür / ee es im kum zü huß
 So kumpt im dan rüw / vnd leit
 Zwytracht / vnd vnghehorsamkeit
 Den christen gloub zerstören thüt
 On not vergüßt man christen blüt
 Nieman gedencet / wie nach es im sy
 Vnd wendt doch allweg blyben fry
 Biß im vnglück kumpt für syn thür
 So stoßter dan den kopff her für
 Die porten / Europe offen sindt
 Zü allen sytten ist der syndt
 Der nit schlaffen noch rüwen thüt
 In dürrst allein / nach christen blüt

·CXXXII·

D Rom/do du hetst künig vor
Do waßt du eigen/ lange ior
Darnach in fryheit wardst gefürt
Als dich ein gemeiner rat regiert
Aber do man nach hochfart stalt
Nach rychtumb vnd nach großem gewalt
Vnd burger wider burger facht
Des gemein nutz es nieman acht
Do wardt der gewalt zū m teil zergon
Zū letzt ein keiser vnderthon
Vnd vnder solchem gewalt vnd schyn
Bist fünffzehen hundert iar gesyn
Vnd stets genummen ab vnd von
Glych wie sich mindern thut der mon
So erschwynt/vnd im schyn gebrist
Das yetz gar wenig an dir ist
Wöll gott das du ouch größest dich
Do mit du syst dem mon ganz glych
Den dunckt nit/das er etwas hab
Wer nit dem rōmischen rych bricht ab
Zū erst die Saracenen handt
Das heilig vnd das gelobt landt
Darnach die Türcken hondt so vil
Das als zū salen nem vil wyl
Vil stett sich bracht hondt in gewer
Vnd achten yetz keins keisers mer
Ein yeder fürst der ganz bricht ab
Das er dar von ein feder hab
Darumb ist es nit wunder groß
Ob ioch das rych sy blut vnd bloß



Folio.

Man bindt ein yeden vor das ym
Das er nit vordern sol das sym
Vnd lassen yedem in sym stat
Wieers biß her gebrucher hat
Durch gott/ir fürsten sehen an
Was schad/zü leist dar vß werd gan
Wan ioch hin vnder kem das rych
Ir bliben ouch nit ewigklich
Ein yedes ding me sterckung hat
Wan es by einander gesamlet stat
Dan so es würt zerteilt von ein
Einhelligkeit in der gemein
Vffwachsen die bald all ding mache
Aber durch mißhell/vnd zwitteracht
Werden ouch grosse ding zerstört
Der tütschen lob was hoch geert
Vnd hat erworben durch solchen rüm
Das man in gab das keiserthüm
Aber dietütschen flyssen sich
Wie sie vernichten selbs ir rych
Do mit die stüt zerstörung hab
Byssen die pferdt ir schwentz selb ab
Warlich yetz vff den füßen ist
Der Ceraftee/vnd Basilist
Mancher würt vergiffen sich
Der giff dar schmeicht dem Römischen rych
Aber ir herzen/künig/landt
Nit wöllen gestatten sollich schandt
Wöllent dem Römischen rych by ston
So mag das schiff noch vffrecht gon

·CXXXIII

Ir haben zwar ein künig milt
Der ïch wol fñrt/mit ritterschilt
Der zwingen thñg all landt gemein
Wañ ir im helfen wendt allein
Der edel fñrst Maximilian
Wol würdig ist der Römischen kron
Dem kumpt on zwysel in syn handt
Die heilig erd/vnd das gelobt landt
Vnd würt syn anfang thñn all tag
Wañ er allein ïch truwen mag
Werffen von ïch solch schmach/vnd spott
Dañ kleines höres waltet gott
Wie wol/wir vil verloren handt
Sindt doch noch so vil christen landt
frum künig/fñrsten/adel gemein
Das sie die ganze welt allein
Gewynnen vnd vmbbringen bald
Wañ man allein sich zamen halt
Trüw/frid/vnd lieb sich bruchen thñt
Ich hoff zñ gott es werd als gñt
Ir sindt regierer doch der landt
Wachen/vnd thñndt von ïch alle schande
Das man ïch nit dem schiffman glych
Der vff dem mer flyßt schlaffens sich
So er das vngewitter sicht
Oder ein hundert der bellet nicht
Oder ein wächter der nit wacht
Vnd vff syn hñt hat gang kein acht
Standt vff/vnd wachent von dem troum
Warlich/die ayt stat an dem boum



Ach gott gib vnseren hauptern yn
 Das sie suchen die ere dyn
 Vnd nit yeder syn nutz allein
 So hab ich aller sorgen kein
 Du gebst vns sig in kurzen tagen
 Des wir dir ewig lob thün sagen
 Ich mane all stat der gantzen welt
 Was würde/ vnd tittel die sindt gezele
 Das sie nit thündt/ als die schiff flüt
 Die vneins sindt/ vnd hondt ein streyt
 Wan sie sindt mitten vff dem mer
 In windt/ vnd vngewitter ser
 Vnd eesie werden eins der für
 So nympt die Galee ein grundt rür
 Wer oren hab/ der merck vnd hör
 Das schifflin schwancket vff dem mör
 Wan Christus yetz nit selber wacht
 Es ist bald worden vmb vns nacht
 Darumb ir die nach iwerem stat
 Darzu gott vsserwö let hat
 Das ir sont vornen an den spitz
 Nit londt das es an icher sitz
 Thündt was iuch zympt nach iwerem grad
 Do mit nit grösser werd der schad
 Vnd gantz abnäm die Sunn/ vnd mon
 Das haupt/ vnd glider vnder gon
 Es laßt sich eben sorglich an
 Leb ich/ ich man noch manchen dran
 Vnd wer nit an myn wort gedenc
 Die narren kappen ich im schenck

Der. XCIX. narz. CXXXV.

Wer yetz kan strycken wol den hengst
Vnd ist zu allem beschiff der gengst
Der meint zu hoff syn der aller lengst



Von falben hengst strycken.
Wir kem ein gedeckt schiff yetz recht
Daryn ich setz die herzen knecht

Vnd ander die zū hoff gon schlecken
 Vnd heimlich by den herzen stecken
 Do mit sie sessen gar allein
 Vnd vngetrengt von der gemein
 Dañ sie sich nit wol mügen lyden
 Der ein klubt federn / der strycht kryden
 Der liebkost / der runt in die oren
 Das er vff kum in kurtzen idren
 Vnd sich mit deller schlecken ner
 Mancher durch liegen würt ein herz
 Dañ er den kurtzen strychen kan
 Vnd mit dem salben hengst vnab gan
 Zū blasen māl ist er geschwindt
 Den mantel hencken gen dem windt
 Zū düttlen hilfft yetz manchem für
 Der sunst lang zyt blib vor der thür
 Wer schlagen kan / hat vnd er woll
 Der selb zū hoff gern blyben soll
 Do ist er warlich lieb / vnd werde
 Der erberkeit man do nit begert
 Mit thorheit thündt sie all vmb gon
 Wendt mit dienarren kapp nit lon
 Doch striglet mancher oft so ruch
 Das in der hengst schmütz in den buch
 Oder gyt im ein trit in die rippen
 Das im das deller salt in die krippen
 Der selben wer güt müßig gon
 Was man sunst wyßheit wolt verston
 Wan yeder wer als er sich stelt
 Den man für frum / vnd redlich helt
 Oder stelt sich als er dañ wer
 Vil narren kappen stunden ler

Der. A. narz. CXXXVI.

Ein zeichen der lychtsfertigkeit
Ist/glauben was ein jeder seit
Ein klapperer bald vil lüt vertreit



Von oren blasen.

Der ist ein narz/der fast ins hoube
Vnd lychtlich yedes schwägen gloube

Das ist ein anzeig zu ein thoren
 Wan einer dünn / vnd wyt hat oren
 Wan halt nit für ein redlich man
 Wer einen wil zu ruck an gan
 Vnd schlagen ee dan ers im sag
 So er sich nit gewözen mag
 Aber verlieden hinderruck
 Das sol yetz syn ein meister stuck
 Das man nit lycht versetzen kan
 Das thut yetz tryben yederman
 Mit hinder red / abschnyd der ere
 Verraten vnd der glychen mer
 Das kan man verben / vnd verklagen
 Do mit man müg deß bass berriegen
 Vnd schaffen das mans gloubt deß ee,
 Den andern teil hört man nit me
 Ein vrtail über manchen gat
 Der sich noch nie verantwurt hat
 Vnd syn vnschuld noch nit entdeckt
 Das schafft er ist im sack ersteckt
 Als Aman Nardocheo thet
 Syba der knecht Wyphiboseth
 Groß Alexander loberholt
 Das er nit lychlich glauben wolt
 Den die verklagen Jonatham
 Bald glauben / kein gut endt nie nam
 Adam wer nit der genaden beroubt
 Hett er nit bald der frowen gloubt
 Vnd sie dem schlangen syner wort
 Wer bald gloubt der stift dick ein more
 Nit yedem geist man glauben sol
 Die welt ist valsch vnd liegens vol
 Der rapp treit dar durch schwarze woll

Der. C. I. narz. CXXXVII.

Man spüret wol in der alchemy
Vnd in des wynes artzeny
Was vallsch vnd beschiff vff erden sy



Von vallsch vnd beschiff
Betrieger sindt / vnd vallscher vil
Die tönen recht zum narzenschiff

Folio.

Valsch lieb / valschrat / valschründt / falsch gelt
Vol vntrüw ist yetz die gantz welt
Brüderlich lieb / ist blindt / vnd tods
Vffbetrogenheit ein yeder got
Do mit er nutz hab on verlust
Ob hundred ioch verderben sust
Kein erberkeit sicht man me an
Man laßt es über die selen gan
Echt eins dings möcht kummen ab
Gott geb obtusent sturbent drab
Vos vßlaßt man den wyn nit blyben
Gros valscheit thut man mit im tryben
Salpeter / schwebel / todtenbein
Weidesch / senff / milch / vil krut vnrein
Stoßt man züm punten in das vass
Die schwangern frowen trincken das
Das sie vor zyt genesen dick
Vnd sehen ein ellenden anblick
Vil krankheit springen ouch daruß
Das mancher fert ins gernerhuß
Man thut ein lam roß yetz beschlagen
Das wol gehört vff den spiegel wagen
Das müß leren vßfülzen ston
Alsolt es nachts zü metten gon
So es von armüt hinckt vnd zelt
Wüßes doch yetz gelten syn gelt
Do mit beschiffen werd die welt
Man halt klein massen / vnd gewicht
Die elen sindt kurz zü gericht
Der kouflad müß gangz vnyster syn
Das man nit sech des rüches schyn
Die wyl einer thut sehen an

·QXXXVIII.

Was narren vff dem laden stan
Gendt sie der wagen einen truck
Das sie sich gen der erden buck
Vnd fragen eins/wie vil man heisch
Den dummen wigt man zü dem fleisch
Man ert den weg yetz zü der furch
Die alte münz ist ganz her durch
Vnd möcht nit lenger zyt beston
Hett man ir nit ein züsatze gethon
Die münz schwächert sich nit klein
Valsch gelt/ist worden yetz gemein
Vnd valscher rat/valsche geistlicheit
Münch/priester/begin/blotzbrüder treit
Vil wölff gondt yetz in schäffen kleit
Do mit ich nit vergeß hie by
Den grossen beschiff der alchemy
Die macht das silber/goldt vff gon
Das vor ist in das stecklin gethon
Sie gucklen/vnd verschlagen grob
Sie londt ein sehen vor ein prob
So würt dan bald ein vncken druß
Der guckuß manchen trybt von huß
Der vor gar sanfft/vnd trucken saß
Verstößt syn güte ins affen glaß
Biß ers zü puluer so verbrent
Das er sich selber nit me kent
Vil hondt also verderbet sich
Gar wenig sindt syn worden rych
Dan Aristoteles der gicht
Die gestalt der ding verwandlen sich nicht

s ij



Vil fallen schwer in dise suchte
 Den doch dar vß gar wenig frucht
 Für goldt man kupffer yetz zu rüst
 Müß dreck man vndern pfeffer mischt
 Man kan das belgwerck alles verben
 Vnd thut es vß das schlechtest gerben
 Das es behalt gar wenig har
 Wan mans kun treit ein vierteil iar
 Syß müß die geben bysem vil
 Des gestanck man schmeckt ein halbe myl
 Die fulen hering man vermische
 Das man verkoufft sie gar frisch
 All gassen sindt fürkouffer vol
 Gremperwerck tryben schmeckt gar wol
 Fürn / vnd nüw / man vermencken kan
 Mit betrügnüß gat vmb yederman
 Kein kouffmanschatz stat in syn werdt
 Jeder mit valsch vertryben begert
 Das ersyns kroms müg kummen ab
 Obes Gall / überbein ioch hab
 Selig on zwysel ist der man
 Der sich vor valsch yetz hütten kan
 Das kindt syn eltren betrügt vnd mog
 Der vatter hat keiner sipschaft frog
 Der würt den gast / der gast den würt
 Valsch / vntreüw / bschiff würt gantz gspürt
 Das ist dem endtchrist güt für louff
 Der würt in valsch thün / all syn kouff
 Dan was er gedencet / heist / thut / vnd lert
 Würt nit dan valsch / vntreüw / verkert



Sydt ich den fürloff hon gethon
 Von denen die mit valsche vmbgon
 So findt ich noch die rechten knaben
 Die by dem narzenschiff vmbtraben
 Wie sie sich / vnd sunst vil betriegen
 Die heilig geschriff krümmen / vnd biegen
 Die gendt dem glauben erst ein büß
 Vnd netzen das bappyren schiff
 Ein yeder etwas ryß dar ab
 Das es dest minder bozt me hab
 Kinder / vnd riemen nympt dar von
 Das es dest ee müg vndergon
 Vil sindt in irem sin so clüg
 Die dunckent sich syn witzig genüg
 Das sie vß eigner vernunft ynfall
 Die heilig geschriff vßlegen all
 Daran sie felen doch gar offte
 Vnd würtir valsche ler gestroffe
 Dañ sie vß andern geschrifften wol
 (Der allenthalb die welt ist vol)
 Wöchten sunst vnderrichten sich
 Wan sie nit wolten sunderlich
 Gesehen syn / für ander lüt
 Do mit verfar das schiff zü zyt
 Die selben man wol truncken nent
 Das sie die warheit hondt erkent
 Vnd doch das selb vmbkören gantz
 Do mit man sechir schyn / vnd glantz
 Das sindt valscher propheten ler
 Vor den sich hütten heist der herz

•CXL•

Die anders geschrifft vmbtören
Dā sie der heilig geist selbst hüt leren
Sie hondt ein valsch wag in der hendt
Vnd legent druff/als das sie wende
Wachent eins schwer/das ander licht
Do mit der gloub yetz vast hin zücht
In mitt wir der vertören ston
Jetz rögt sich vast der scorpion
Durch sollich/anreiger/von denen hett
Geseit Ezechiel der prophet
Die übertreter des gesatz
Dies nichen dem endtchrist syn schatz
Das er habet was vil entpfor
Wā schier verlouffen sindt syn ior
Vnder vil hab die by im ston
Vnd mit im in syn valscheit gon
Der würt er hon vil in der welt
Wā er vstreilen würt syn gelt
Vnd all syn schatz würt für her bringen
Darff er nit vil mit streichen zwingen
Das mer teil würt selbs zū im louffen
Durch gelt würt er vil zū im kouffen
Die helfen im das er dā mag
Die güten bringen alle tag
Doch werden sie die leng nit faren
In würt bald brechen schiff vnd karren
Wie wol sie faren vmb vnd vmb
Vnd würt die warheit machen krumb
So würt zū letst doch warheit blyben
Vnd würt ir valscheit ganz vertriben

Die yetz vmbfert in allem stande
 Ich vörcht das schiff kum nym zu lande
 Sant Peters schifflin ist im schwanc
 Ich sorg gar vast den vnderganc
 Die wellen schlagen all sytt dran
 Es würt vil sturm vnd plagen han
 Gar wenig warheit man yetz hört
 Die heilig geschriff würt vast verkört
 Vnd ander vil yetz vßgeleit
 Dañ sie der munde der warheit seit
 Verzych mir recht wen ich hie triff
 Der endtchrist sitz im grossen schiff
 Vnd hat syn bottschafft vßgesandt
 Valscheit verkündt er / durch all landt
 Valsch glouben / vnd vil valscher ler
 Wachsen von tag zu tag ye mer
 Darzu / thündt trucker yetz güet stür
 Wan man vil bücher würff ins für
 Man brant vil vnrecht valsch dar inn
 Vil trachten allein vßgewinn
 Von aller red sie bücher süchen
 Der correctur sie wenig rüchen
 Vß groß beschiff vil yetz studieren
 Vil trucken / wenig corrigieren
 Sie lügen übel zu den sachen
 So sie menlin / vmb menlin machen
 Sie thündt in selber schad / vnd schand
 Mancher der truckt sich vß dem landt
 Die mag das schiff dañ nit getragen
 Sie müssen an den narren wagen
 Das einer tüg den andern iagen

•CXLI.

Die zyt die kumpt/es kumpt die zyt
 Ich vörecht der endtchrist sy nit wyt
 Das man das merck/so nem man war
 Vff dry ding/vnser gloub stat gar
 Vff ablaßbücher/vnd der ler
 Der man yetz ganz keins achtet mer
 Die vile der gschrifft/spürt man do by
 Wer merck die vile der truckery
 All bücher sindt yetz fürher bracht
 Die vnser eltren ye hondt gemacht
 Der sindt so vil yetz an der zal
 Das sie nütz gelten überall
 Vnd man ir schier nit achtet mer
 Des glychen ist es mit der ler
 So vil der schülen man nie fandt
 Als man yetz hat in allem lande
 Es ist schier nienan statt vff erd
 Do nit ein hohe schül ouch werd
 Do werden ouch vil geleter lüt
 Der man doch yetz ganz achtet nit
 Die kunst verachtet yederman
 Vnd sieht sie über die achßlen an
 Die geleteren müssen sich schier schamen
 Ir ler/vnd kleidt/vnd irsnamen
 Man zücht die puren yetz her für
 Die geleter müssen hinder die thür
 Man spricht schow/vmb den schluderaffen
 Der tüfel beschyßt vns wol mit pfaffen
 Das ist ein zeichen/das die kunst
 Kein ere me hat/kein lieb/noch gunst



Folio.

Do mit würt abgon bald die ler
Dankunst gespyset würt durch ere
Vnd wān man ir kein ere thut an
So werden wenig darnach stan
Der aplaß ist so ganz vnwert
Das nieman darnach fragt noch gert
Nieman wil me den aplaß süchen
Ja mancher wolt in im nit flüchen
Mancher geb nit ein pfenning vs
So im der aplaß kumpt zū huß
Vnd würt im darzū kummen doch
Er reicht in verzer dan zū Ach
Darumb es vns glych also got
Als denen mit dem hymel brot
Die waren des so gar v:drütz
Siesprachen es wer in vnnütz
Ir sel vnwillen darab hett
Vnd machten dar vs ein gespött
Als thut man mit dem aplaß ouch
Der würt veracht durch manchen gouch
Daruf nym ich mir ein bericht
Jetz stünd der gloub glych wie ein liecht
Wā das wil ganz verfaren hin
So gibt es erst ein glantz/vnd schyn
Das ich es frölich sagen mag
Es nach sich vast/dem iünsten tag
Sydt man das liecht der genad veracht
So würt es bald ganz werden nacht
Des glychen vor nie wurd gehört
Das schiff den boden vast vmbkört

Der. CIII. narz. CXLI.

Wer durch liebtsen vnd trö wort
Die warheit setzt an ein ort
Der klopfft dem endechuß an der port



Warheit verschwygen.
Der ist ein narz wer würt zerstört
In sym gemüt/so man anfört

Vnd mit gewalt/in zwingen wöll
 Das er die warheit schwygen soll
 Syn wyßheit vnderwegen lon
 Vnd sol den weg der thorheit gon
 Den der on zwysel anhin fert
 Der sich an solchetro wort kerr
 Die wyl doch gott/vff syner syt
 Ist/vnd beschirmt den alle zyt
 Der von der warheit sich nit scheide
 Das er zu keiner zyt bekleide
 Syn süß/wer vff der warheit blybe
 Bald/der all sygendt von im trybe
 Ein wyß man der warheit zu
 Ob er ioch sech Phalaridis kü
 Wer nit kan by der warheit ston
 Der muß den weg der thorheit gon
 Hett Jonas die warheit kündt by zyt
 Der visch hett in verschlucket nit
 Helias hielt mit warheit byß
 Darumbfür er ins Paradyß
 Johannes floch der narzen louff
 Darumbkam Christus zu sym touff
 Wer einen tylich straffen thut
 Ob ers ioch hat nit glychfür güte
 Do würt dochetwan syn die stunde
 Das es im zu verdancken künde
 Vnd grösser danck nympt vmb straffwort
 Dañ ob er redt/das man gern hort
 Daniel kein lieb da nemen wolt
 Als er Balthasar sagen solt
 Vnd im die warheit legen vß
 Dyn gelt blyb (spracher) in dym huß

XLIII.

Der engel hindert Balaam
Darumb das er die gaben nam
Vnd wolt thün wider die warheit
Das wardt verkört als das er seie
Der esel strafft den der in reit
Zwey ding mag man verbergen nit
Zu ewig zyt sicht man das drit
Ein stat gebuwen in die höh
Ein narz/er standt/sitz/oder gee
Sicht man doch bald/wesen vnd bscheit
Warheit sicht man in ewigkeit
Vnd würt sich nimmer me verligen
Wan narren schon den hals abschrygen
Warheit ert man durch alle lande
Der narren freudt ist/spott/vnd schande
Ich bin gar oft gerennet an
Wyl ich das schiff gezymmert han
Ich solt es doch ein wenig verben
Vnd nit mit eichen rinden gerben
Sunder mit linden safft ouch schmieren
Vnd etlich ding etwas glosieren
Aber ich ließ sie all erfrieren
Das ich anders dan warheit seie
Warheit blybt in ewigkeit
Vnd würt ein vnder die ougen ston
Wan nimmer wer diß büchlin schon
Warheit ist stercker dan all die
Wich hinder reden/oder sie
Wan ich mich hett gekört daran
Ich müst byn grösten narren stan
Die ich in allen schiffen han



Der. CXIII. narz. Folio.

Wer wil der warheit by geston
Der muß gar vil durchechter hon
Die in abtören vnderston



Hindernuß des gütten.
Der ist ein narz durch all syn blüt
Wer hindern wil eins andern güt

·CXLIII·

Vnd er zu wören vnderstat
 Do von er doch entpfacht kein schad
 Vnd sieht gern das ein ander sy
 Im glych/vnd steckt im narren by
 Dan narren all zyt hassent hündt
 Die so mit guttem ding vmbgont
 Ein thor/den andern nit gern sieht
 Dem rechten thoren doch geschicht
 Das er in freuden sich nit spart
 Das er allein nit sy ein narz
 Darumb er all zyt flysset sich
 Wie yederman sy synen glych
 Vnd rat das er nit sy allein
 Der narz/der trag den kolben hein
 Wan man sieht einen der do wil
 Recht thun/vnd syn in wysheit still
 So spricht man/schow der duckmüser
 Er wil allein syn ein Charthüser
 Vnd trybt ein apostünger stot
 Er wil verzwyflen gang an gott
 Wir wende eben als wol er werben
 Das gott vns laßt in genaden sterben
 Als er/wan er schon tag/vnd nacht
 Lye vff den knüwen/bett/vnd wacht
 Er wil vasten/vnd zellen buwen
 Er gethar gott noch der welt truwen
 Gott hat vns nit darumb geschaffen
 Das wir münch werden/oder pfaffen
 Vnd vor vß/das wir vns entschlagen
 Der welt/wir wende kein kuttten tragen
 Noch kapp/sie hab dan schellen ouch
 Schow vmb den narren/vnd den gouch



Er möcht noch in der welt hon gethon
 Vil güttes/ vnd hett noch grösseren lon
 Enpfangen/ hett er vil gelet
 Vnd vff den weg der seligkeit kere
 Dañ das er do lyt wie ein schwyn
 Vnd möst sich in der zellen syn
 Oder bricht im sunst so vil ab
 Das er kein freud noch kurz wyl hab
 Solt/ wie er thut/ thun yeder man
 In der Carthus die kuttan an
 Wer wolt die welt dan fürbaß meren
 Wer wolt die lüt/ wysen leren
 Es ist gottes will/ noch meinung nit
 Das man der welt sich abschüt
 Vnd vff sich selb allein hab acht
 Solch red thündt narren tag vnd nacht
 Die in der welt hondt als ir teil
 Des süchen sie nit selen heil
 Hör zu/ werstu soch wyß vnd klüg
 Es weren dannocht narren gnüg
 Wan du schon hettest münchesch geberd
 Es weren narren me vfferd
 Wer yedeman gesyn dyn glych
 Es wer kein mensch im hymelrych
 Wan du soch werst ein witzig gesell
 Es führen dannocht vil zur hell
 Wan ich zwo selen hett in mir
 Setztich lycht ein den gesellen für
 Aber so ich hab ein allein
 So muß ich sorg hon vmb die ein
 Gott hat mit Belyal nit gemein

Der. CV. narz. CXLV.

Wer hie anzündt syn ampel wol
Vnd brennen laßt syn liecht/vnd ol
Der selb sich ewig fröwen sol



Ablaffung gütter werck.

Der ist ein narz/der zu der zyt
So gott syn letztes vtheil gyt

FRIS. D3

Sich vrtellen muß vß eigenem munde
 Das er verschlagen hat syn pfunde
 Das im entfolhen hat syn hertz
 Das er do mit solt gewinnen mer
 Dem würt das selb genummen hin
 Vnd er geworffen in die pyn
 Des glychouch die ir ampel hant
 Verschütt/vnd nit mit öl gebrant
 Vnd wendet erst süchen ander öl
 So yetz vßfaren ist die sell
 Vier kleine ding sindt yetz vßerde
 Sindt wyser doch dan menschlich geberde
 Die o meiß die keiner arbeit schont
 Ein häßlin das im felsen wont
 Die hewßteß die kein künig handt
 Vnd ziehen doch zu veldt allsande
 Ein yedes gat vßsyn henden vß
 Vnd wondt doch in der künig huss
 Wer honig fündt vnd waffen scharpff
 Der eß nit me dan er bedarff
 Vnd hüt vorfüllung sich der füß
 Das ers nit wider spüwen muß
 Ob iochein wyser gächling stürbt
 Syn sel doch nimmer me verdürbt
 Aber der narz vnd vnwyßman
 Verdürbt vnd muß syn husung han
 In ewigkeit in synem grab
 Den frembden laßt er sel/vnd hab
 Kein grösser thor ward nie gemacht
 Dan der das künfftig nit betrachte
 Vnd zytlichs für das ewig acht
 Es brennt manch boum in hellen glüt
 Der nit wolt tragen gütte frucht

Der. QVI. narz. QXLVI.

Zur rechten handt findt man die kron
Zur lincken handt / die kappen ston
Denselben weg all narzen gon
Vnd finden entlich bösen lon



Von lon der wylzheit
Nach grosser kunst stelt mancher thor

Folio.

Wie er bald werd meister/doctoz
Vnd man in halt/der welt ein liecht
Der kan doch das betrachten nicht
Wie er die rechte kunst erler
Mit der er zu dem hymel ker
Vnd das alle wyßheit diser welt
Ist gegen gott ein thorheit gelt
Vil meinen syn vff rechtem weg
Die doch verirren an dem steg
Der zu dem waren leben firt
Wol dem/der vff dem wegnit irt
Wan er in schon ergriffen hat
Dan oft der neben weg ab gat
Das einer bald kumpt ab der straß
Es sy dan/das in gott nit laß
Hercules in syner iugent gedacht
Wes wegs er doch wolt haben acht
Ober dem wollust nach wolt gon
Oder allein nach tugent ston
In dem gedanck/kommen zu im
Zwo frowen/die er bald on stym
Erkant/an irem leben wol
Die ein/was aller wollust vol
Vnd hübsch geziert/mit reden süß
Groß lust/vnd freud sie im verhieß
Der endt doch wer der todt mit we
Darnach kein freudt/noch wollust me
Die ander sach bleich/sur vnd hört
Vnd hett on freud ein ernstlich gesört
Die sprach/kein wollustich verheiß
Kein rüw/dan arbeit in dym schweiß
Von tugent zu der tugent gon
Darumb wirt dir dan ewig lon

·CXLVII.

Der selben gieng do Hercules noch
Wollust/rüw/freud/er all zyt floch
Wolt gott/als wir begeren all
Leben nach vnserem wolgesall
Das wir begeren ouch des glych
Zu hon/ein leben tugentrych
Warlich/wir flühen manchen steg
Der vns fñrt vff den narren weg
Die wyl aber/wir all nit wend
Gedencken wa ein yeder lend
Vnd leben blintzent in der nacht
Hondt wir keins rechten weges acht
Das wir gar oft selbs wissen nit
Wa vns hinsñren vnser trit
Dar vß entspring/das vns all tag
Berüwen all vnser anschlag
So wirs erfolgen nit on we
Begeren wir nit deß minders me
Das kumpt allein dar vß/das wir
All hondt ein angeborne begir
Wie vns das recht gñt hie vff erd
Bekñm on vñl/vnd endtlich werd
Die wyl aber das nit mag syn
Vnd wir irren in vñstern schyn
So hat gott geben vns das liecht
Der wyßheit dar von man gesicht
Die macht der vñstern ñß ein endt
Wañ wir sienemen recht für hendt
Vnd zeigt vns bald den vñderscheit
Der thoren weg von der wyßheit

Folio.

Der selben wyßheit stelten noch
Pythagoras/ Plato der hoch
Socrates vnd all die durch ir ler
Hondt ewig rüm erholt vnd ere
Vnd künden doch ergründen nie,
Die rechte wyßheit funden hie
Darumb von in spricht gott der herz
Ich wil verwerffen kunst vnd ler
Vnd wyßheit der/die wyßsindt
Vnd leren die selb die kleinen kindt
Das sindt all die so wyßheit handt
Eruolget dort im vatter landt
Die solliche wyßheit hondt gelett
Werden in ewigkeit geert
Vnd schynent wie das firmament
Wölch hondt gerechtigkeit erkent
Vnd dar inn vnder wysen sich
Vnd ander me/die lüchten glych
Als Lucifer von orient
Vnd Hesperus gen occident
Bion der meister spricht/das glych
Wie zu den mägten geselten sich
Die vmb Penelope lang zyt
Vülten/vnd mocht in werden nit
Als thündt die hie nit können gantz
Begryffen/der rechten wyßheit glantz
Die nahendt durch vil tugent zier
(Die ir mägt sindt) doch vast zu ir
All freüdt der welt nympt trurig endt
Ein yeder lüg wa er hin lendt

Der. CXVII. narz. CXLVIII.

Ir gesellen kummen hernach zu hande
Wir faren in schluraffen lande
Vnd gestecken doch im mür/vnd sande



Das schluraffen schiff.

Mit mein/vns narzen syn allein
Wir hondt noch brüder groß/vnd klein
t. iij

FRIS DZ

In allen landen überal
 On endt ist vnser narren zal
 Wir faren vmb durch alle landt
 Von Carbon in das schluraffen landt
 Darnach wendt wir gen Monteflascen
 Vnd in das landt gen Narragon
 All port durchsuchen wir / vnd gestad
 Wir faren vmb mit grossen schad
 Vnd können doch nit treffen wol
 Den staden do man lenden sol
 Vnser vmbfaren ist on endt
 Dañ keiner weißt / wa er zu lende
 Vnd hondt doch kein rüw tag noch nacht
 Vff wyßheit vnser keiner acht
 Darzu hondt wir noch vil gespanen
 Trabanten vil / vnd Curtisanen
 Die vnserem hoff sters ziehen noch
 Kummern ins schiff zum letzten doch
 Vnd faren mit vns vff gewin
 On sorg / vernunft / wyßheit / vnd sin
 Thun wir fürwar ein sörglich fart
 Dañ keiner sorgt / lügt / merckt / vnd wart
 Vff Tablemarn / vnd den compaß
 Oder den vßlouff des stundt glaß
 Noch minder des gestirnes zwang
 Wa hin bootes / vrsa gang
 Arcturus / oder Hyades
 Des treffen wir Sympleyades
 Das vns die felsen an das schiff
 Zu beiden sytten gend ein büß
 Vnd knütschen das so gar zu trümmern
 Das wenig vß dem schiffbruch schwymmen

·CXLIX·



Wir wagen vns durch malsortum
 Des kummen wir zu landt her kum
 Durch Scyllam/Syrtem/Charibd
 Vnd sind ganz vßdem rechten trib
 Des ist nit wunder obouch wir
 Im mer sehen vil wunder thier
 Als Delphynen/vnd Syrenen
 Die vns singen süß Cantilenen
 Vnd machen vns als vast entschlossen
 Das vnsers zu lendt ist kein hoffen
 Vnd müssen sehen vmb vnd vmb
 Ciclopen mit dem ougen krum
 Dem doch Vlisses das vßstach
 Das er vor wyßheit das nit sach
 Vnd in kein schaden zu möcht sügen
 Dañ das er bröllen thet vnd lügen
 Glych wie ein ochs dem würt ein streich
 Nit minder der wyß von im weich
 Vnd ließ in schryen/grynen weinen
 Doch warffer nach mit grossen steinen
 Das selb oug wechßt im wider ser
 Wañ er ansicht das narren hör
 So spert ers vß gen in so wyt
 Das man sunst sicht im antlit nit
 Syn mul spaziert zu beiden oren
 Do mit verschluckt er manchen thoren
 Die andern die im schon enttrinnen
 Der würt Antyphates doch innen
 Mit syn volck der lästrygonum
 Die gondt erß mit den narren vmb



Dañ die sunst anders essen nüt
 Dañ narren fleisch zu aller zyt
 Vnd trincken blut für iren wyn
 Do würt der narren herberg syn
 Homerus hat diß als erdacht
 Do nit man hett vff wyßheit acht
 Vnd sich nit wagt licht vff das mer
 Hie mit lobt er Vlissens er
 Der wyser rät gab / vnd güt anschlag
 Die wyl man streit / vnd vor Troy lag
 Vnd wie der zehen iar darnoch
 Mit großem glück durch all mer zoch
 Do Cyrce mit ir tranckes gewalt
 Syn gesellen kört in thieres gestalt
 Do was Vlisses also wyß
 Das er nit nam tranck oder spyß
 Biß er das valsche wyb über böß
 Mit ein krut das man moly heißt
 Also halff im vß mancher not
 Syn wyßheit / vnd vernünfftig rot
 Die wyl er aber ye wolt faren
 Wöcht er die leng sich nit bewaren
 Im kem zu lest ein widerwindt
 Der im syn schiff zerfuret geschwindt
 Das im syn gesellen all ertrincken
 All rüder / schiff / segel / versincken
 Syn wyßheit im zu hilff doch kam
 Das er allein vß nackter schwam
 Vnd wußt von vnglück zu sagen
 Wardt doch von syn sun todt geschlagen

CL.

Als er klopfft an syner eignen thür
 Do kündt wyßheit nit helfen für
 Niemans was der in kennen kund
 Im gangen hoff/allein die hund
 Vnd starb darumb/das man nit wolt
 In kennen/als man billich solt
 Do mit künich vff vnser für
 Wir süchen gewin in tieffem mür
 Des würt vns bald ein böser rür
 Dañ vns bricht mastboum/segel/schnür
 Vnd können doch im mer nit schwymmen
 Die wellen sindt böß vff zū klymmen
 Wan einer went er sitz gar hoch
 So stossen sie in zū boden doch
 Der windt der trybt sie vff vnd nider
 Das narrenschiff kumpt nym herwider
 Wan es recht vndergangen ist
 Dañ wir hondt weder sijn noch list
 Das wir vß schwymmen zū dem stad
 Als thet Vlisses nachsyn schad
 Der mebracht nacket mit im vß
 Dañ er verlor/vnd hett zū huß
 Wir faren vff vnfalles schliff
 Die wellen schlagen übersschiff
 Vnd nemen vns vil galeoten
 Es würt an die schifflüt ouch geroten
 Vnd ouch zū lest an die patron
 Das schiff thut wüß in schwencken gon
 Vnd möcht gar licht ein wirbel finden
 Der schiff/vnd schifflüt würt verschlinden



Folio.

All hilff/vnd rat hat vns verlon
Wir werden in die hartz vndergon
Der windt versürt vns mit gewalt
Ein wyß man sich do heim behalt
Vnd nem by vns ein wyßlich ler
Wag sich nit leichtlich vff das mer
Er kün dan mit den winden stryten
Als Vlisses het/zü synen zytten
Vnd ob das schiff gang vnd er ioch
Das er zü landt kün schwymmen doch
Dar vmb er trincken narren vil
Züm stad der wyßheit yeder yl
Vnd nem die rüder in die hendt
Do mit er wiß/wa er hin lende
Wer wyß ist kumpt zü landt mit süg
Es sindt doch on das narren genüg
Der ist der best/der selber wol
Weißt/was man thun vnd lassen sol
Vnd den man nit darff vnderwysen
Sunder die wyßheit selber thut brysen
Der ist ouch güet wer andere hört
Vnd von in zucht vnd wyßheit lert
Wer aber der keins überall
Kan/der ist in der narren zal
Ob er diß schiffs sich hat versumpt
So wart er biß ein anders kumpt
Er würt gesellschaft finden gering
Wirden er Gaudeamus sing
Oder das lied im narren thon
Wir hondt vil brüder duffen gelon
Das schiff ouch würt zü boden gon

Der. CVIII. narz. CII.

Der ist ein narz/der nit verstat
So im vnsal zu handen gat
Das er sich wyßlich schick daryn
Vnglück wil nit verachtet syn



Verachtung ungeschickes.

Manchem ist nit mit glück wol
Vnd ringt darnach doch yemerthol

Darumb sol er nit wunder hon
 Ob im das schiff würt vndergon
 Ob vnglück etwan ioch ist klein
 So kumpt es selten doch allein
 Dañ nach der alten spruch/vnd sag
 Vnglück/vnd har/das wechselt all tag
 Darumb den anfang man abwend
 Wan weist nit wa der vßgang lend
 Wer vff das mer sich wagent hüt
 Der darff wol glück vnd wetter güt
 Dañ hinder sich fert der geschwindt
 Wer schiffen wil mit wider windt
 Der wyß/mit nach windt seglen lert
 Ein narz hat bald ein schiff vmbkert
 Der wyß der halt in syner handt
 Den rüder/vnd fart licht zü landt
 Ein narz verstat sich nit vff für
 Darumb er oft nympt ein grundt rür
 Ein wyß man sich vnd andere firt
 Ein narz verdürbt ee dan ers spürt
 Hett sich nit geschickt nach wyser ler
 Alexander/in hohem mer
 Das im syn schiff warff an ein syt
 Vnd hett sich gerichtet nach der zyt
 Er wer im mer ertruncken gesyn
 Vnd nit todt an vergiffnem wyn
 Pompeius hat groß rüm vnd ere
 Des er gereiniget hett das mer
 Vnd die mer röuber vertriben all
 Hett in Egipten doch vnfall
 Wölch wyßheit iugent an in handt
 Die schwymmen nackent wol zü landt
 Als spricht Sebastianus Brandt

Der. CXI X. narz. CLII.

Wan ch narz der richt vß yederman
Vnd henckt der katzen die schellen an
Vnd wil syn doch kein wort mit han



Vinderred der güten.

Vil mancher der hat freud dar ab
Das ich vil narren gesamlet hab

Vnd nympt darby ein nutzlicher
 Wie er sich von der narzheit fer
 Dar gegen ist es manchem leit
 Der meint ich hab im war geseit
 Vnd gethar doch öflich reden nicht
 Dañ das er schiltet das gedicht
 Vnd henckt der kazen die schellen an
 Die im vff beiden oren stan
 Ein rydig roß lydt nit lang
 Das man mit striglen vmb es gang
 Würfft man vnder vil hundert ein bein
 So schrygt der troffen würt allein
 Dañ wißlich/ich mich des versich
 Das narren werden schelten mich
 Vnd mein es standt mir nit zū
 Das ich die narren straffen thū
 Vnd yedem zeig/was im gebrist
 Jeder redt was im eben ist
 Vnd elagt sich/do in druck der schüch
 Wem nit gefalt diß narren büch
 Der mag wol lassen/das es louff
 Ich bitt keinen das er es kouff
 Er wöll dañ wigig werden darab
 Vnd ziehen selb die kappen ab
 Ich hab lang zyt gezogen dar an
 Vnd wil mir doch nit ganz ab gan
 Wer straffet das er nit verstot
 Der kouff diß büch/es thut im not
 Ein yeder/was er sich verstat
 Zū dem lieb/vnd neigung hat
 Wer warheit widerprechen gethar
 Vnd wyß wil syn/der ist ein narz

Der CX. narz. CLIII.

Ob tisch begat man grobheit vil
Die man hieß narzheit vnderwyl
Von den zu letzt ich sagen wil



Von tisches unzuht.
So ich all narzheit ganz durchsuch
Setz ich billich zu end diß büch



Etlich die man für narren acht
 Der ich doch vor nit hab gedacht
 Dañ ob sie schon ein mißbruch handt
 Do mit die hoffzucht wirt geschandt
 Duch grob vnd vngezogen sindt
 Sindt sie doch nit so genglich bindt
 Das erberkeit von in werd geletzt
 Als die thündt die ich vor hab gesetzt
 Oder sie gots darumb vergessen
 Sunder mit trincken vnd mit essen
 Sindt sie vast grob vnd vnerfaren
 Das man sie heist vnhoslich narren
 Als die nit weschen thündt ir hendt
 Wañ sie zü tisch sich setzen wendt
 Oder die sich zü tisch thündt setzen
 Vnd andere an dem sitzen legen
 Die vor in solten syn geseffen
 Vernunft/hoffzucht also vergessen
 Das man zü in müß sprechen/ho
 Wol vff güt fründt/sitz abher do
 Laß den dar sitzen an dyn statt
 Oder der vor nit gebettet hat
 Den seggen über wyn vnd brot
 Ledañ das er züm tisch hinget
 Der ouch züm erst gryfft in die schüssel
 Vnd stoßt das essen in den trüssel
 Vor erberen lütten/frowen/herren
 Die er doch solt vernünfftlich eren
 Das sie züm ersten griffen an
 Vnd nit wer zü vorderst dran
 Dem ouch so not zü essen sy
 Das er blas in das müß vnd bry



CLIII

Vnd thut syn backen zerblasen
 Als wolt er ein ein schür anstoßen
 Mancher betreift tischlach vnd kleidt
 Duch in die blatt er wider leit
 Was im so gröblich ist entpfallen
 Das vnlust bringt den gessen allen
 Eetlich die sindt also sul
 Wan sie den löffel zu dem mul
 Thündt/hencken sie den offnen trüssel
 Ober die blatten/muß/vnd schüssel
 Was im entpfallet dan dar nider
 Das selb kumpt in die schüssel wider
 Eetlich die sindt also naßwyß
 Die vorhin schmecken an die spyß
 Vnd machen mit im ander lüt
 Vnlustig/vnd schandtbar zu zyt
 Eetlich die küwen in dem munde
 Vnd werffen das von in zu stundt
 Vfftischlach schüssel oder erd
 Das mancher dar ab nympt böß werd
 Wer von ein munde vol gessen hat
 Vnd leit den wider in die blatt
 Oder sich leit vff den tisch
 Vnd lügt was sy gut fleisch vnd visch
 Ob das schon vor ein andern lyt
 Gryfft er vnd nympt das doch zu zyt
 Vnd laßt das vor im blyben ein
 Das es kein andern werd gemein
 Den selben man ein schlindt rapp nennt
 Der über tisch allein sich kennt



Folio.

Vnd daruff legt arbeit vnd flyß
Das er allein eß alle spyß
Vnd er allein müg füllen sich
Vnd anderen nit gündt ouch des glych
Die selben heiß ich rum den hag
Lerß kârlin / schmir wanst / füll den mag
Das ist ein böser maßgenos
Vnd würt geheissen wol ein froß
Der sich mit sollicher vnzucht moß
So im güt essen / beschert das heil
Das er es mit ein andern teil
Dued der syn backen fült also
Als ob sie stecken im vol stro
Vnd mit dem essen vmb sich gaff
In alle wüncel wie ein aff
Vnd sicht ein yeden zü mit beger
Ob der villycht me eß / dan er
Vnd cedis er ein mundt vol zuck
Hat er vier oder fünff verschluckt
Vnd das im nit villycht gebrest
Treit er vff teller hin zü nest
Das er sich villycht nit versum
Lügt er / wie er die blatten rum
Le er diespyß thüt abhin schlucken
Thüt er ein stich in becher gucken
Vnd macht ein suppen mit dem wyn
Dar mit schwenckt er die backen syn
Vnd ist oft darzû also not
Das es im halb zürnaß vß got
Oder spritzt es ein andern lycht
Ins trinck geschürz / oder angesicht

CLV.



Nün tuben züg/vnd ein bapphart
 Das ist mit trincken yetz die art
 Syn schmutzigen mundt wüschet keiner im
 Do mit das feist im becher schwym
 Schmatzen am trincken lob ich nit
 Wan töubt ander lüt darmit
 Wan man so sürlet durch die zen
 Sollich trincken gibt ein böß gethön
 Mancher trinckt mit solchem geschrey
 Als ob ein kü kem von dem hew
 Ein ere was etwan trincken nach
 Jetz ist den wynschlüch also gach
 Do mü sie trincken mügen vor
 Das trinck gschürz heben sie entbor
 Vnd bringent ein ein früntlich trunck
 Do mit der becher macht glunck glunck
 Vnd meinen do mit andere eren
 Das sieden becher vor vmbkeren
 Ich darff der selben hoffzucht nit
 Das man mir vor das glas vmbschüt
 Oder man mich zü trincken bitt
 Ich trinck mir selbs/kein andern zü
 Wer sieh gern fült der ist ein kü
 Der ouch schwärgt über tisch allein
 Vnd nit laßt reden/syn gemein
 Sunder müß hören yederman
 Im zü/das er vil schwärgen kan
 Kein andern er vßreden loßt
 Ein yeden er mit worten stoßt
 Vnd hinder redet alle frist
 Manchen/der nit zü gegen ist



Auch der sich kratzet in dem gründe
 Vnd ligt ober kein wiltpret finde
 Mit sechs fuß/vnd ein vlmerschilt
 Das er dan vff dem teller knilt
 Vnd in die blatt die finger thut
 Do mit er macht ein naglins brut
 Ober im selb syn nasen wischt
 Vnd strych die finger an den tisch
 Die ouch so hoflich sindt erzogen
 Die vff ir arm vnd elenbogen
 Sich leinen/vnd den tisch bewegen
 Dar vff mit allen vieren legen
 Als die brut thet von Heispitzheim
 Die vff den teller legt ir bein
 Do sie sich buckt nach dem sturtz
 Ent für ir ob dem tisch ein sturtz
 Vnd ließ ein räubgen ir entwischen
 Wa man nüt kummen wer dar zwischen
 Mit küblen/vnd sie vff hett gethan
 Das mul/sie hett kein zan behan
 Etlich diethündt also hoffieren
 Das sie das brot vast wol beschmieren
 Mit schmutzigen henden/pfeffer bry
 Do mit es wol gesalbet sy
 Es ist ein vorteil vff fürlegen
 Das aller best thut man anregen
 Vnd was nit wol gesellet mit
 Das leg ich gern ein andern für
 Dar durch würt dan ein weg gemacht
 Do mit ich nach dem besten tracht

CLVI.

Ein yeden würt was ich nit wil
 Das best würt mir / des schwyg ich still
 Mancher hat mit mir oft hoffiert
 Ich wolt er hets nie angeriert
 Do mit so wer mir bleiben baß
 Das vor mir lag / vnd mir schmeckt baß
 Mancher den schlenkrianum trybt
 Die blat er vff dem tisch vmb schybt
 Do mit das best für in kum dar
 Ich hab des vil genummen war
 Das mancher trybt solch abenthür
 Die zu sym anschlag im gab stür
 Do mit im wardt gefült syn buch
 Des hat der tisch manch selzen gebrauch
 Wan ich die all erzelen solt
 Ein gang legende ich schryben wolt
 Wie man thet in den becher psyffen
 Mit finger in das saltzfaß gryffen
 Das mancher acht es sy vast grob
 Warlich / das selbich vil mer lob
 Dan das man saltz nent mit dem messer
 Ein gewesche handt ist vil besser
 Vnd süßerer / dan ein messer lyche
 Das man erst vß der scheiden zücht
 Vnd man nit weist zu manchen stunden
 Ob man ein katz mit hab geschunden
 Des glych für vnuernunft man halt
 Wan man die eyer schlecht vnd spalt
 Vnd ander des glych gouckelspil
 Dar von ich yetz nit schryben wil



Dañ es syn sol ein hoflichkeit
 Ich schryb allein hie / von grobheit.
 Vnd nit subtyl hōflich sachen
 Ich wolt sunst wol ein bibel machen
 Solt ich all mißbrüch hie beschryben
 Die man thut ob dem essen tryben
 Des glych so acht ich ouch nit
 Wan etwas in dem trinck geschirz lyt
 Ob man das mit dem munde abbloßt
 Oder daryn das messer stoßt
 Oder ein schnitten von dem brot
 Wie wol das selb hoflicher stot
 So halt ich das doch also nun
 Das man ein yedes wol müg thun
 Wa man es aber hat so vergüt
 Das man vß dem trinck geschirz thut
 Vnd man ein frisches dar yn nympt
 Als sich by eren des wol zympt
 Das mag man schelten nit mit glympff
 Für arm lüt ist nit solcher schympff
 Ein arm man sich benügen lat
 Was im gott gibt / vnd im berat
 Der darff nit aller hoffzucht pflegen
 Zum letsten sprech man doch den seggen
 So man genummen hat das maß
 So sag man deo gratias
 Wer sich in disem übersicht
 Den acht ich für kein wysen nicht
 Sunder ich billich sprechen mag
 Das er dienarren kapp ouch trag

CLVII.

Von fastnacht narren.

Ich weiß noch etlich fastnacht narren
Die in der thoren kapp beharren
Wan man heilig zyt sol vahren an
So hinderen sie erst yeder man
Ein teil die thündt sich vast beruzen
Antlit/ vnd lyb sie ganz verbugen
Vnd louffen so in böucken wyß
Ir anschlag stat vff helem yß
Mancher wil nit das man kent
Der sich doch selbs zu letsten nent
So in der kopff schon ist vermacht
Wil er doch das man vff in acht
Das man sprech/schow myn herz von Kunkel
Der kumpt vnd bringt am arm ein kunkel
Es muß ia etwas groß bedünten
Das er doch kumpt zu armen lünten
Durch syn demüt vns thut besehen
Syn meinung ist/er wolt gern schmechen
Vnd ein zu fastnacht eyer legen
Die guckguck singent in dem meigen
Klichlen reicht man in manchem hufß
Do weger wer man blib dar vß
Vrsach zu zelen ist zu vil
Das ich vil lieber schwygen wil
Aber die nartheit hat erdacht
Das man sich freuden zu fastnacht
So man der selen heil solt pflegen

So gend die narren erst den seggen
 Vnd süchent dan ir fast her für
 Das es vast nacht sy vor ir thür
 Der narren / kirchwych man wol kent
 Ja wol fastnacht würt es genent
 Man loufft dar affter vff der gassen
 Im moß / als solt man ymmen fassen
 Wölcher dan mag syn schöllig gantz
 Der meint er hab bellich den krantz
 Von ein huß zu dem andern loufft
 Großfüllen er on bar gelt koufft
 Das selb dick wert nach mitternachs
 Der tüfel hat das spil erdacht
 So man solt süchen selen heil
 Das man erst dantz am narren seil
 Mancher der füll thut so vergessen
 Als solt er in ein iar nit essen
 Vnd laßt sich nit benügen mit
 Das er sich füll biß metten zyt
 Verbotne spyß schatt dan nit
 Man ist die selb biß gegen tag
 Warlich ich das sprich / red / vnd sag
 Das weder Juden / Heiden / Datten
 Iren glouben als schenlich bestatten
 Als wir die chrysten wöllen syn
 Vnd thündt mit wercken kleinen schyn
 So wir im anfang vnser andacht
 Zu rüsten erst dry / vier / vastnacht
 Vnd werden erst on synnen gar
 Das selb das wert dan durch das iar

CLVIII.

Brechen das haupt der vasten ab
Do mit sie minder krefftten hab
Wenig sich zu der äschen nahen
Das sie mit andacht die entpfahen
Föchten die äsch die werd sie byssen
Lieber wendt sie ir antlit beschyssen
Vnd sich beromen wie ein kol
Des tüfels zeichen gefelt in wol
Das zeichen gots / wendt sie nit hon
Mit Christo wendt sie nit erston
Die frowen gondt dan gern zu straffen
Das man sie dest baß künn bemassen
Der kirchen schonent etlich nit
Sielouffen dryn / vnd durch die mit
Vnd thündt die frowen drin beschmieren
Das halt man für ein groß hoffieren
Die wüß rott / thüt den esel tragen
Der sie die gang statt macht umb iagen
So ladet man dan zu dantz vnd stechen
Do muß man erst die sper brechen
Vnd bringen narren recht zu samen
Puren / handtwerck / thündt sich nit schamen
Vnd nemen sich ouch stechens an
Der mancher doch nit ryten kan
Des würt mancher gestochen dick
Das im der hals bricht oder rüch
Das sol ein hübscher schympff dan syn
Darnach füllen man sich dan mit wyn
Von keiner vasten weißt man sagen
Das wesen wert ob vierzehen tagen

Die fast gantz vß/an etlich enden
 Die karwoch thüt sie kün abwenden
 So kumpt man zu der bycht zu zyt
 Wan man die hülzen tasten lüt
 So vacht man dan den rüwen an
 Das man wöll mordens wider dran
 Dem narren seil me hengen nach
 Gen. Lmauß ist vns allen gach
 Die gewychten fladen vns nit schmecken
 Das haupt das thüt man bald entdecken
 Es mag gar lyche ein windt her fegen
 Der thüt der frowen den sturtz ab wegen
 Die hangen an den nechsten hecken
 Die frowen went sich vngern decken
 Reizen do mit die man/vnd knaben
 Die narren kapp sie lieber haben
 Das man die oren dar vß streck
 Dan das man sich mit stürtzen deck
 Do mit so mag ich wol beschliessen
 Wie wol etlich hondt drab verdriessen
 Das/wa man allein sücht fastnacht
 Das nymmer druß würt recht andacht
 Vnd wie wir schicken vns zu gott
 Last er vns dick biß in den todt
 Die narren kapp hat angst vnd not
 Vnd mag nit so vil rüwen han
 Das sie doch blyb die fasten stan
 Wan streift sie in der karwoch an

Der. CXI. narz. CLIX.

Licht weres narren vāhen an
Wān man ouch künde von nartheit lan
Welcher das schon wolt vnderstan
Der würt doch vil gehindert dran



Entschuldigung des Dichters.
Der ist ein narz/vnd grosser thor

x üj

Der ein werckman den lon gibt vor
 Der macht nit werschafft vff den märke
 Wer nit vff künfftig belonung werckt
 Gar selten würt verdienter lon
 Der vor verzert ist / vnd verthon
 Das werck gar langsam naher got
 Das man macht vff vorgessen brot
 Darumb hett man vor gelont
 Das ich der narren hett geschont
 Ich hett mich wenig daran kört
 Darzū wer es doch yetz verzert
 Vnd hett die leng mich nit gewerdet
 Als alles das do ist vfferdet
 Das ist vnnütz thorheit geacht
 Wan ich ouch diß vmb gelt hett gemacht
 Sorg ich mir würd nit glycher lon
 Ich hets warlich lang lassen ston
 Aber die wyl ichs hab gethon
 Du rich gottes ere / vnd nutz der welt
 So hab ich weder gunst noch gelt
 Noch anders zytlich gesehen an
 Des wil ich gott zū zügen han
 Vnd weiß / doch das nit mag blyben
 Ganz vngestraft in mynem schryben
 Den gütten wil ichs lassen noch
 Ir straff / ynred / vffnemen ouch
 Dan ich mich des gen gott bezüg
 Ist etwas hie / daran ich lüg
 Oder das sy wider gottes ler
 Der selen heil / vernunft / vnd ere
 Des straff nym ich vff / mit gedult
 Ich wil am glauben nit hon schulde

CLX



Vnd bitten hie mit yederman
 Das man von mir vergilt wöll han
 Vnd nit zu argem messen vß
 Nocher gernuß/schandt/nemen druß
 Dañ ich habß darumb nit gedicht
 Aber ich weiß das mir geschicht
 Glych wie der blümen/die wol rücht
 Dar vß das bienlin honig zücht
 Aber wañ dar vß kumpt ein spinn
 So sücht sie giff nach irem gewinn
 Das würt her in ouch nit gesparrt
 Ein yedes thut nach syner art
 Wa nit ist güttes in ein huß
 Do kan man nit güttes tragen vß
 Wer nit gern hört von wyßheit sagen
 Der würt dest dicker von mir clagen
 Dem hört man an syn Worten an
 Was er sy für ein göuckelman
 Ich hab gesehen manchen thor
 Der vfferhebt was hoch entbor
 Glych als der Cedar libany
 Der beducht sich syner narzheit fry
 Ich wart ein wyl vnd hort syn nym
 Ich sücht in er gab mir kein stym
 Wan iund ouch finden nie die statt
 Do der selb narz gewonet hat
 Wer oren hab/der merck/vnd hör
 Ich schwyg der wolff ist mir nit verz
 Ein narz strafft manchen vor der zyt
 Das er nit weißt was im anlyt
 Müst yeder syn des andern ruckt
 Er würd bald innen was in drucke



Folio.

Wer wöll der leß diß narren büch
Ich weiß wol / wa mich druckt der schüch
Darumb ob man wolt schelten mich
Vnd sprechen / arzt heil selber dich
Dañ du ouch bist in vnser rott
Ich teñ das / vnd vergich es gott
Das ich vil thorheit hab gethon
Vnd noch im narren orden gon
Wie vast ich an der kappen schütt
Wil sie mich doch ganz lassen nütt
Doch hon ich flyß vnd ernst antört
Do mit (als du sichst) hon gelert
Das ich yetz kenn / der narren vil
Hab mit ouch fürter / ob gott wil
Mit witz mich besseren / mit der zyt
Ob mir so vil / gott genaden gyt
Ein yeder lüg das er nit fäl
Das im nit blyb der narren sträl
Der kolb veralt in syner handt
Des sy ein yeder narz gemant
Als beschlüßt Sebastianus brant
Der yedem zñ der wyßheit rat
Er sy was wesens / oder stat
Kein güet werckman / kam nie zñ spat

W. ccccc. vij.

Nüt on vrsach.

W. H.

Der. CXII. narz. CXLI.

Von narren hab ich vß geseit
Do nit man doch wiß recht bescheit
Wer witzig sy gang vmb/vnd vmb
Der lesß myn fründt Virgiliu.




Der wylzman.

Ein güt vernünfftig/witzig man
Des glych man nit möcht yenen han.

Folio.


In aller welt als Socrates
Appollo gab im kundtschafft des
Der selb syn eigen richter ist
Waim abgang/ vnd wyßheit gebrist
Versucht er vff ein näglin sich
Er acht nit was der adel spricht
Oder des gemeinen volckes geschrey
Er ist rotund/ ganz wie ein ey
Do mit kein frembder mackel blyb
Der sich vff glatten weg an ryb
Wie lang der tag im freßsich streckt
Wie lang die nacht den steinbock deckt
So gedencet er vnd wigt eben vß
Das in kein winckel in sym huß
Er trieb/ oder er red ein wort
Das nit glych wäg vff alle ort
Do mit nit fäl das winckelmess
Ja vest sy/ wes er sich vermess
Sunder all anlouff mit der handt
Versetz/ vnd bald hab abgewandt
So ist im nit so lieb kein schlaff
Das er nit gedencet verz/ vnd sich straff
Was er den ganzen tag hat gethon
Wa übersehen er sich mag hon
Was er by zyt solt hon betracht
Vnd das zu vnzyt hab volbracht
Warumb vollend et er hab die sach
Vnzynlicheit/ vnd all vrsach
Vnd er vil zyt vnnütz vertryb
Warumb er vff dem anschlag blyb
Den er möcht wol verbessert han
Vnd nit den armen gesehen an
Warumb er in sym gemüt hat vil

CLXII.



Entpfunden schmerz / vnd widerwill
Vnd warumb er diß hab gethon
Vnd hab ihens vnder wegen gelon
Warumb er sy so oft geletzt
Vnd hat den nutz für ere gesetzt
Vnd sich verschuldt mit wort / vnd geschichte
Der erberkeit geachtet nicht
Warumb er der natur nachheng
Syn hertz zü sucht nit ziech / zweng
Also bewert er werck / vnd wort
Vom morgen / biß zü tages ort
Gedenck all sachen die er thut
Verwürfft das böß vnd lobt das güte
Das ist eins rechten wysen müt
Den in sym gedicht / vns zeichet vß
Der hochgelobt Virgilius
Wer also lebet hie vß erdt
Der wer by gott on zwysel werde
Das er recht wyßheit hett erkant
Die in firt in das vatter landt
Das vns gott geben wöll zü handt
Wünschich Sebastianus Brandt

Hie endet sich das Narzenschiff / So zü nutz heil
samer ler / ermanung / vnd erfolgung der wyßheit /
vernunft / vñ güter sittē / ouch zü verachtung vñ
straff d narzheit / blindtheit / irsal vñ thorheit / aller
stāt / vñ geschlecht d menschen mit besunderē flyß /
müg / vñ arbeit gesamlet ist / durch Sebastianū
Brant / in beyden rechten doctoren / Getruckt zü
Straßburg durch Mathys Ruppffuff / als man
zalt vō der geburt Christi. M. cccc. vñ. xij. iar.



Register des Narzenschiffs.

Ein vorred in das narzenschiff.

Von vnnützen büchern Der. j. narz. folio. iij.

Von gütten räten der. ij. narz. folio. iij.

Von gyttigkeit der. iij. narz. folio. v.

Von nūwen sünden der. iij. narz. folio. vj.

Von alten narzen der. v. narz. folio. vij.

Von ler der kindt der. vj. narz. folio. ix.

Von zwitteracht machen der. vij. narz. folio. xj.

Nit volgen güttem rat der. viij. narz. folio. xij.

Von bösen sitten der. ix. narz. folio. xiiij.

Von warer fründtschafft der. x. narz. folio. xiiij.

Verachtung der geschrifft der. xj. narz. folio. xv.

Von vnbesinten narzen der. xij. narz. folio. xvi.

Von bülschafft der. xiiij. narz. folio. xvij.

Von vermessenheit gots d. xiiij. narz. folio. xix.

Von narrechtem anschlag der. xv. narz. fo. xx.

Von füllen vñ brassen d. xvj. narz. folio. xxj.

Von vnnützē rychtumb der. xvij. narz. fo. xxiiij.

Von dienst zweyer herre d. xviiij. narz. fo. xxv.

Von vil schwegē d. xix. narz. fo. xxv.

Von schätz sünden der. xx. narz. fo. xxviij.

Ander straffen vñ selb thun d. xxj. n. fo. xxviiij.

Dieler der wyßheit der. xxij. narz. fo. xxix.

Von überhebung glücks d. xxiiij. narz. fo. xxx.

Von zu vil sorgē d. xxv. n. fo. xxxj.

Zu borg vff nemen der. xxv. narz. fo. xxxiiij.

Von vnnützen wünschē. d. xxvj. narz. fo. xxxv.

Von vnnützē studieren d. xxvij. n. fo. xxxv.

Von wider gott redē d. xxviiij. narz. fo. xxxvj.

Der ander lüt vnteilt d. xxix. narz. fo. xxxviiij.

CLXIII.

Von viler pfründen der. xxx. n. fo. xxxviii.
Von vffschlag süchen der. xxxi. n. fo. xxxix.
Von frowen hütten. der. xxxii. n. fo. xl.
Vom ebruch der. xxxiii. narz. fo. xli.
Narz hür als fern der. xxxiiii. narz. fo. xlii.
Von lyhtlich zürnen der. xxxv. n. fo. xliii.
Von eigentrichtigkeit der. xxxvi. n. fo. xliv.
Von glückes fall der. xxxvii. n. fo. xlv.
Von tranckē dienit volge d. xxxviii. n. fo. xlvi.
Von oflichem anschlag d. xxxix. n. fo. xlvii.
An narren sich stossen der. xl. narz. fo. l.
Mit achten vff alle red der. xli. narz. fo. li.
Von spott vögelender. xlii. narz. fo. lii.
Verachtung ewiger freudt d. xliii. n. fo. liii.
Gebrächt in der kirchen d. xliii. n. fo. liii.
Von müetwilligem vngesell d. xlv. n. fo. lv.
Von dem gewalt der narren d. xlv. n. fo. lv.
Von dē weg d seligkeit d. xlv. n. fo. lv.
Ein gesellen schiff d. xlv. n. fo. li.
Böse exempel der eltern d. xlv. n. fo. li.
Von wollust der. xlii. narz. fo. lii.
Heimlichkeit verschwygen der. l. narz. fo. l.
Wyben durch gütz willen d. li. n. fo. li.
Von nydt vnd haß d. li. n. fo. li.
Von vngedult der straff d. lii. n. fo. lii.
Von narrechter argny d. lii. n. fo. lii.
Von endt des gewalts d. lv. n. fo. lv.
Von fürwissenheit gottes d. lv. n. fo. lv.
Syn selbs vergessen d. lv. n. fo. lv.
Von vndanckbarkeit d. lv. n. fo. lv.
Im selbs wolgefallen d. li. n. fo. li.
Von danczen d. li. narz. fo. li.



Von nachtes hoffieren d. lxxj. n. fo. lxxvj.
 Von bettlern d. lxxij. n. fo. lxxvij.
 Von bösen wybern d. lxxiij. n. fo. lxxix.
 Von achtung des gestirns d. lxxiiij. n. fo. lxxxj.
 Von erfahrung aller landt d. lxxv. n. fo. lxxxiiij.
 Mit wöllen ein narz syn d. lxxvj. n. fo. lxxxvj.
 Schynpff nit verston d. lxxvij. n. fo. lxxxviiij.
 Bößthün vñ nit wartē d. lxxviij. n. fo. lxxxix.
 Mit fürsehen by zyt d. lxxix. n. fo. xc.
 Dancken vñ zū gericht gon d. lxxx. n. fo. xcj.
 Von groben narzen d. lxxxi. n. fo. xcij.
 Von geistlich werden d. lxxxij. n. fo. xciiij.
 Von vnnützem iagen d. lxxxiiij. n. fo. xcviij.
 Von bösen schützgen d. lxxxiiij. n. fo. xcviij.
 Von grossen rümen d. lxxxv. n. fo. xcix.
 Von spileren d. lxxxvj. n. fo. cj.
 Von gedruckten narzen d. lxxxvij. n. fo. ciij.
 Von rytern vñ schrybern d. lxxxviiij. n. fo. ciij.
 Von narrechter bortschafft d. lxxxix. n. fo. cv.
 Von köchen vñ d kelleren d. lxxxix. n. fo. cvj.
 Von pürischem vffgang d. lxxxxi. n. fo. cvij.
 Von verachtung armüt d. lxxxxiij. n. fo. ciij.
 Von beharren in gütem d. lxxxxiij. n. fo. cxj.
 Mit fürsehen den todt d. lxxxxiij. n. fo. cxij.
 Von verachtung gottes d. lxxxv. n. fo. cxv.
 Von gottes lesteren d. lxxxv. n. fo. cxvij.
 Von plag vñ straff gottes d. lxxxviij. n. fo. cxviiij.
 Von thorechtem wechsel d. lxxxviij. n. fo. cxix.
 Ere vatter vñ mütter d. lxxxix. n. fo. cxix.
 Von schwätzē im chor d. xc. n. fo. cxxiij.
 Oberhebung der hochfart d. xcj. n. fo. cxxiij.
 Von wücher fürkouff d. xcij. n. fo. cxxiij.

.CLXIII.

Von hoffnung vfferben 8. xciiij. n. fo. cxxv.
Von verfürung am syrtag 8. xciiij. n. fo. cxxvj.
Schencken vnd berüwen 8. xc. n. fo. cxxviiij.
Von tragheit vñ fulheit 8. xcviij. n. fo. cxxix.
Von vßlendigen narren 8. xcviij. n. fo. cxxx.
Von abgang des gloubes 8. xcviij. n. fo. cxxxi.
Von falben hengst jtrychen 8. xcix. n. fo. cxxxv.
Von oren blasen 8. c. n. fo. cxxxvi.
Von valsche vñ beschiff 8. ci. n. fo. cxxxviiij.
Vom endtchrist 8. ci. n. fo. cxxxix.
Von warheit verschwygen 8. cii. n. fo. cxli.
Das schluraffen schiff 8. cvij. n. fo. cxlviiij.
Verachtung vngesels 8. cviiij. n. fo. cli.
Hinderred des gütten 8. ciij. n. fo. cli.
Von tisches vnzucht 8. cx. n. fo. cliij.
Von vafnacht narren. fo. clviij.
Entschuldigung des dichters 8. cxj. n. fo. cliij.
Der wyß man 8. cxij. n. fo. clxj.
finis.



BIBLIOTHECA
REGIA
MONACENSIS.

